




1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900


1871
1872
1873
1874
1875
1876
1877
1878
1879
1880
1881
1882
1883
1884
1885
1886
1887
1888
1889
1890
1891
1892
1893
1894
1895
1896
1897
1898
1899
1900



















Es aller fürtreff-

lich sten / höchsten vñnd adelich-
sten gschöpffs aller Creaturen / von Got
dem Herren / schöpffer aller ding auff er-
den / erschaffen / Das ist / des menschen /

(oder dein selbst) warhafftige beschreibung oder Anatomi / seines
wunderbarlichen vrsprungs / entpfängniß / schöpfung inn mütter
leib / vñnd sorglicher geburt / sampt künstlicher vñnd artlicher Contra-
factur / aller eüsserlicher vñnd innerlicher glider vñnd glidstück / auß
welchen der mensch wunderbarlich zůsamen gesetzt ist / mit gnügsa-
mer / eygentlicher vñnd gründtlicher erklärang irer vilfaltigen nutz-
barkeyt / kressft / würckung / natur vñnd vermögen / warzů sy von Got
dem Allmechtigen verordnet seind. Die trefflichen vñnd vñnaußsprech-
lichen wunderwerck Gott des Herren / in disem irrdischen gschöpff
vñnd sterblichen Cörper / augenscheinlich zůerkennen vñnd mercken.
Allen denen so die herrlichen vñnergründtlichen wunderwerck Got-
tes vñnd würckung der natur / zů lob vñnd ehr des Schöpfers / nutz
vñnd wolart ires nechsten / betrachten vñnd erkündigen wolten / von
vñnzälicher vilfaltiger nutzbarkeyt wegen menschlicher blödigkeyt /
auß sunderlichem geneygtem willen / erstmals inn Teütsche
sprach verfasst vñnd an tag geben. Vormalß weder
gesehen noch gelesen worden.

Durch M. Gualtherum Hermenium Kyff/
Argentinum / Medicum.

Kumpt her / vñnd schawet die werck des Herren / dann der Herr ist
wunderbar / vñnd seine werck vñnergründtlich.

M. D. XLI.

Mit Küniglicher Maie. Freiheyt.

Lehr Gott/dein acht/diewelt vernicht/
dein seel ewig /der leib verblicht.



Viuimus heu morti, mortiq; nascimur omnes.

Vorred.

Dem Durchleüchtigstenn/

Hochgebornen Fürsten vnd Herren/her-
ren Albrechten/Hertzogen zu Mecklenburg/Für-
sten zu Wenden/Grauen zu Schwerin/
Rostock vnd Stargard etc. der
Landt Herr. etc.

117223



Hochgeborner Fürst / Gnädiger Herr. So wir mit fleiß erachten vnd beschawē die ganz welt vnd alle geschöpff / erkennen wir / das die meynung der alten Stoischen Philosophen warhafftig vnd gewis ist / welche gehalten oder vermeynt haben / dz alle ding was da ist vnd täglich wirt / oder fürgeht / alles zünutz vnnnd gutem

dem menschen geschehe / vnnnd von Gott vmb seinetwillen also verordnet sey. Dann der mensch braucht von den Elementen erstlich das feür / sich zuwärmen / den schein darvon zu einem liecht in der finstere vnnnd dunckle / auch die speiß darbey zu kochen / des gleichen zu mancherley handtwerck / eisen vnnnd ander metal züschmiden vnnnd schmelzen / zu vilerley nutzbarkeit. Die brunnen quellen braucht er den durst zülöschē / baden / waschen vnd seüßern / die flüss vnd wasser bächlin / die matten oder wiesen zübefeüchtigen / vnnnd die landt züscheyden. Das erdtrich gibt ihm mancherley art der frucht vnnnd gewächs / daß die blümel vnd niden berglin seind nütz zu den rābackern vnnnd weinbergē. Das hohe gebürg gibt holz zu mancherley gebrauch vnnnd nutzbarkeit. Das flach vnnnd eben veldt dienet mancherley kornfrucht züsäen. Des möhs gebraucht sich der mensch auch / nitt alleyn mancherley kauffmanschaft in handlung vnnnd gewerb hin vnnnd wider auß frembden landen züführen / sunder auch zu mancherley art vnnnd geschlecht der visch überflüssiglichen.

Dieweil nun der mensch solche Element / denen er am nechste ist / täglich brauchet / ist kein zweifel / er gebrauch sich auch des himmels /

A ij Dann

Anatomi/Contrafactur vnd beschreibung

Dann die influxion vnd schickung des selbigen nit wenig dienstlich seind der fruchtbarkeit der erden/ welcher wir vns genözen vnnnd geleben/zü regieren vnnnd mässigen / Dann die Sonn erfüllet durch ihren stätigen vnablässlichen gang im vngleichen spatio die zirckel der jar on vnderlaß für vnd für / bringt also durch ihren auffgang den tag zü der arbeyt/durch den nidergang die nacht zü der ruhe. Desgleichen auch wa sy sich gegen Mittag vnd hernach wider gegen mitternacht neyget/bringt sy erstlich den Summer/nachmals den Winter für vnd für in gewisser ordnung / darmit winters zeiten durch die feuchte vnnnd reissen / das erdtrich feucht/fruchtbar/seyst / vnnnd geschlacht werde / Aber Summers zeit die grienen frucht von der hitz zeittigen / oder das feucht von der wörme gekocht/gedäwet/vnd gemiltert werde.

Es ist auch der Mon ein herrscherin der finsternis / nächtlicher zeit/diser vollbringt durch stätigs zü vnnnd abnehmen die Monat zeit/vnnnd erkläret durch seinen schein vnnnd liecht die grausamkeit nächtlicher finsternis. Summers zeit füglich nach nachlassung der hitz in küle zü reysen vnnnd wandlen/ aber winters zeit die kütze des tags zü verlängern vnd vollstrecken.

Desgleichen ist auch das ander gestirn dem menschen dienstlich dann es gibt wunderbarliche änderung des gewitters durch täglichem auff vnnnd nidergang/solches gestirn herrschet auch sunderlich die schiffart / dann allein durch auffmerckung des gestirns/ wa der schiffman sein fart darnach richtet/zü begertem port kummen mag/ so er sunst vngewiß/ hin vnnnd her auff dem wasser irrig schweben müßt. Von dem trib des windts / werden die wolcken hin vnd wider getriben/vnd ansichzogen/darmit durch den rägen die kornfrucht/rabstöck/vnd alles was auß der erden wächst/besprenget vñ befeuchtet werden/darmit reichlicher frucht zü bringen vnd schneller zü wachsen/Aber solchs alles hat sein gewisse ordnüg/das ye eins dem anderen folge/damit durch solche vilfaltige würckung menschlichen geschlecht erhalten werde.

Das aber auch andere thier sich eben auch der erden gebrauchen/darauff zü nehmen/gemöret werden/vnd eben auch jr narung darvon haben / als wir /solte drum b Gott vñ vielleicht jnen alle solche ding erschaffen vnd geordnet haben? glat nit in keinen weg / dann sy weder vernüfft noch verstand habē/sunder wir verstand vñ mercken augenschein

Worred.

augenscheinlichen / das auch sy zünung vnnnd güttem dem menschen / vnnnd auch vmb seiner willen beschaffen seind / ettliche zū der speiß / vnnnd narung / etliche zū der bekleydung vnd beschirmung des leibs / auch ettliche zū seiner hülff in mancherley werck vnnnd arbeyt / Also / das klar vnnnd offenbar ist / das alle ding durch die Göttliche fürsehung den menschen in allen dingen überflüssiglichen zūbegaben vñ zieren / erschaffen seyen / Solcher ursach halben hat er den lufft mitt vöglen / die wasser mit vischen / das erdtrich mitt vierfüßigen thieren erfüllet / vnnnd über sollichs alles / den menschen als ein Herren vnd Obersten gesetzt / sich aller deren ding zūgebrauchē / nach seinem willen vnd wolgefallen.

Disen menschen hat er nach seiner bildtnis erschaffen / alle seine vnergründliche herrliche wunderwerck vnnnd geschöpff / des himmels vnd erdtrichs / zūbeschawen. Dann alleyn der mensch verständig ist / vernunfft vnnnd sinn hat / das er seinen Gott vnnnd schöpffer erkenne in seinen wunderbatlichen wercken / sich ab den selbigen entsetze vnnnd verwundere / darumb ihm fürnemlichen von Gott dem Allmechtigen sein vernunfft vnd verstandt verluhen seind. Er geet auch mit erhabenem leib / stracks auffgericht vor andern thieren / darmit er geschickter were / die grossen wunderwerck Gottes inn ihm selbs vnnnd allen seinen geschöpffen / zūerlernen vnnnd zūerkennen.

Dann als ihm der Allmechtig Gott fürgenomien hett / alleyn den menschen zūschaffen himlischer natur / vñ alle andere thier irdisch / hat er ihn alleyn auffgericht / auff zweien füß stracks übersich gestellt / darmit er übersich gen himmel schawen möchte / vnd erkennen / dz er daselbst her seinen vrsprung hat / alle andere thier gegen der erden gekert / darmit sy der weyd vnd narung alleyn acht hetten. Also gibt alleyn die vernunfft / sinn vnnnd verstand des menschen / sein auffgerichtegestalt vnnnd bildtnis / Gott dem vatter vnd Schöpffer nach gebildet / ein anzeygung seines vrsprungs vnd schöpffung. Dann des menschen vernunfft vnnnd verstand ist garnabe ein Göttliches wesen / dann er nicht alleyn über andere thier / sunder auch über seine eygenen leib / darmit herrschet vnd regieret.

Solche / zū oberst in dem haupt verschlossen / sihet / merckt / vnnnd erkennet alle ding / welches gefäfs / darinn ein solcher kostbarlicher theurer schatz verschlossen / von Gott nit also lang gespizt / formiert ist / als anderer thier / sunder ganz zirckelrund / gleich der himlischen
A iij Spheren

Vorred.

Spheren/welche gestalt vnnnd form am aller füglichesten vnnnd bequembsten ist/darinn das liecht vnd Götlichs süncklin zäuerschliesen. Dises wunderbarlich geschöpff vnd herrlich werck zübeuestigē/hat er weiter den ganzen leib von hartem beyt zūsamen gesetzt vñ erschaffen/welche er hin vnd wider an vil orten vnd enden/in mancherley gleychen vnd gewerben / zūsamen gebunben vnd füglic gehefftet hat/mit weissem geäder vnd starcken sennen/darmit das gemüt / wa es züweit außschweiffet / angehalten würde / deß gleichen auch der ganz körper / on alle arbeyt oder mühe / nach wunsch vnnnd begeren des gemüts/auff das aller leichtest vnd schnelltest/hin vnnnd wider bewegt/gewendet/gebogen/vnnnd allenthalben zü der bewegung gekört vnd getriben wurde. Sollichs gebeyn hat er mit fleisch aufgefült vnd bedeckt/als sich einem yeden ort gezimmet / Hat auch allen glidern vilfeltige adern zügeben / inn vil ästlin außgespreyttet vnd zertheilet / darmit alle ort vnd glider des leibs / mit blüt befeuchtigt vnd gspeiset/vnd der leblich geyst allenthalben außgeführt würde/ sollichs hat er alles überzogen / vnd darüber gespannen ein starcke haut/welche er in mancherley thier wunderbarlich gezieret hat/ettlich mit haar/ettlich mit harten bürsten/schuppen / hartem horn/auch ettlich mit schön gemalten federn gezieret. Aber den menschen hat er vmb mehrerzierd willen/blutt vnd kal erschaffen / vnnnd aber alleyn das haupt mitt haar bedeckt / dann wiewol solche bloßheyt den menschen über die maß zieret/wolt sy doch dem haupt / als dem obersten gipffel nit zimmen/wie vast sollichs den menschen vngstalt macht/zeygt an die kalheit der glazköpff.

Dieweil nun vnder allen geschöpffen nichts fürtrefflichers/schöners noch adelichers gefunden werden mag/dann der mensch / von wegen seiner wunderbarlichen schöpfung / zūsamensetzung vnnnd bildtniß/nach dem Allmechtigen schöpffer selbs gebildet / von welches wegen alle Creaturen erschaffen seind / wirt der fürwar vnbillich ein mensch genennet / welcher die wunderbarlich zūsamensetzung seins eygnen leibs nicht weyßt noch erkennet/durch welche wir sunderlich zü der erkandtniß vnsers Schöpfers des Allmechtigen Gottes / am nechsten kummen mögen.

Dann was kan doch den menschen ye höher vnnnd näher bringen zü der erkantniß des Allmechtigen Gottes/dan so er sich selbs erken-

Vorred.

net/vnd solche wunderbarliche zusamensetzung/vilseltige würckung vnd bewegung leibs vnd gnußts/mit fleiß vnnnd ernst erkündigt/bey ihm selbst beschawet vnd betrachtet.

Fürwar es künden sich weder die Philosophi/oder so sich der erkündigung natürlicher ding annemen/noch die grossen zänckischen Juristen/prachtigsten Oratores/vnnnd hochsinnigen Theologen/ihrer kunst vnnnd wissens nit hoch rhämen/wa inen das gefäss vnd geschirr der selen/in welchem der mensch alle Creaturen übertrifft/vnbekant ist/ich geschweig der ärzt/vnnnd so sich leiblicher Cur annemen/welche on solche erkandtnis/gar nichts aufrichten oder schaffen mögen in ihrer kunst/wa ihnen der leib vnd menschlich Cörper/auch solche wunderbarliche zusamensetzung/nicht auff das eygentlichst bekant ist/gleich wie einer der sich für ein trefflichen werckmeister außgab/ein herrlichen bau aufführen wolt/vnd wer ihm der dienstlich zeug vnd materi darzu/als holz/steyn/sandt vnnnd kalck/gang vnbekant.

Dieweil nun die erkandtnis des menschen/inn allen dingen vast nützlich/vnnnd über die maß hoch von nöthen ist/vmb vnzähliger diser vnnnd anderer nutzbarkeyt willen/sunderlich zu der erkandtnis Gottes des Allmechtigen/von welchem sollichs wunderbarlich werck erschaffen ist/daser darin bekant würde/bin ich fürnemlich verursacht worden/sollich geschöpff auff das fleissigst vnd ordentlichst in Teütscher sprach zubeschreiben/darmitt sich hierinn ein yeder selbst leichtlich erkennen/vnd gleich als in einem klaren lauteren spiegel/beschawen möchte.

Aber sollichs wercklin hab ich fürnemlich/Hochgeborner Fürst/erwern F. G. züschreiben wollen/mit allein mich gegen den grossen vnd herrlichen gütthatten/mir von E. F. G. bewisen/in aller vnderdienstbarkeyt willig züerzeygen/sunder/dieweil mir E. F. G. gemüt dermassen bekant ist/das ich weyß/das solchem nichts manglet noch fälet deren gaben/mitt welchen eyn mensch sunderlich von dem Allmechtigen Gott gezieret/vnnnd auß gnaden begabt werden mag.Bin auch gänzlich der hoffnüg/E. F. G. werde solche mein angewendte mühe in Gnaden von mir auffnehmen/dan ich gänzlich der hoffnung bin/das auß solchem meinem schreiben/vnzählige nutzbarkeit entspringen werde.

A iij Dan

Vorred.

Dann on zweifel/wa sich hierinn der mensch selbs erkennen/vnd
warhafftig innerlich vnd eüsserlich beschawen wirt / wirt er erma-
net / solich wunderbarlich edel gschöpff / vnd vnergründlich werck
Gottes / in grössern ehren vnd reuerentz zůhalten / dermassen mit sün-
den vnnnd allerley fleyischlicher begirdt nit beslecken oder verunre-
nigen / von wegen der würdigkeyt des Schöpfers / der sollich ers-
schaffen hat / das er darinn erkant vnnnd geehret würde. Darmit
E. S. G. in schirm des Allmechtigen Gottes beuolhen. Datū
Strasburg / den ersten tag Septembris / M. D. XLI.

E. S. G.

vnderthänigster williger
Diener allzeit /


M. Gualtherus S.
Kyff / Argentinus
Medicus.

Register gemeyns inhalts dises büchs.


D er erster erschaffung/entpfäncknis vnnnd schöpffung des menschen in müter leib	am. i. blat
Figuren mancherley natürlicher vnnnd vnnatürlicher geburten.	vj. blat
Natur/eygenschaft/würckung vnnnd vermögen aller eynfachen vnd züsamen gesetzten glider menschlichs cörper.	vij
Figur vnd anzeigung aller gebeyn des vordern teils des leibs.	ix
Bezeychnung der beyen so nach der seitten in einem verwesnen Cörper gesehen werden/	xj
Anzeigung aller gebeyn rücklingen.	xij
Aller Musculen oder Lacerten (das seind weißfleisch) des ganzen menschlichen cörper/kurze vnd eygentliche beschreibung.	xij
Anzeygung der fürnembsten innerlichen glider/weibs vnnnd mañs/ mit schönen figuren/	am xv. blat.
Beschreibung des magens/	xviij.
Vom Geüdel/nezlin oder schmerfellin/	xx.
Mancherley art/gestalt/nammen vnd würckung der därm/	xxi
Schöpffung/natur vnd würckung der leber.	xxij
Aufspreyttung aller blüt adern/	xxvj
Beschreibung des gallenbalgs	xxvij
Gestalt/art vnd würckung des milchs/	xxix
Beschreibung der nieren/	xxx
Der blasen oder blatern ordenliche beschreibung/	xxx
Gestalt/natur vnd Complexion der gefäße des samens/	xxxj
Weiblicher geburt glider/oder der barmütter/eygentliche be- schreibung.	xxxij
Contrafactur vnd erklärung der brust/vñ aller darinn verschloß- ner glider/	xxxviij
Aufspreyttung aller hertz oder puls adern/	xl. blat
Beyder rhören im hals/vñ was im mund zubeschawen/	am l. blat
Des höchsten/obersten vnd fürtrefflichsten drittē vnd letzten teils/ namlich des haupts/hirns vnd aller angehöriger glider/eygent- liche beschreibung vnnnd artliche Contrafactur /mitt. ix. formen/ am. lviij. blat/vnd fürtan biß zum endt.	

End des Registers.

Anatomi/Contrafactur vnd beschreibung



aller glieder menschliche corpore.





Des aller fürnäm̃bsten höch

sten vnd Adelichsten geschöpffs aller irrdischen Cre-
aturen/von Gott dem Herren/Schöpffer vnd erhalter aller ding/
auff erden erschaffen/das ist/des menschen (oder dein selbst eygen)
gründtliche beschreibung/seins wund̃barlichen vrsprungs/entpfeng-
niß in mütter leib/schöpfung vnd zunehmen/mancherley sorglicher
geburt/sampt künstlicher vnñd artlicher Conterfactur oder abma-
lung aller eüßerlicher vnd innerlicher/sichtbarer vnd vn-
sichtbarer glider vnd glidstück/darvon der mensch zusamen
gesetzt/mitt gnügsamer erklär̃ung irer vilfaltigen
nützbarkeit/krefft/würckung vnd vermö-
gen/warzü sy von Gott dem All-
mechtigen verordnet
seind .xc.



Er Almechtig E-

wig güttig Gott / Schöpffer
himmels vnd erden/aller sichtbarer vnñd
vn-sichtbarer ding/anfang/mittel vñ ver-
newerung/ein brunñ vnd vrsprung aller gü-
te/ein vatter der gerechtigkeit/vnd alles

güt selbst/der ewig almechtig güttig Got/hat durch seinen Götliche
willen/von wegen seiner vnendlichen glori vñ Maiestat/alle ding
güt erschaffen/das er dardurch glorificiert würde/geehret vnñd ge-
preiset/vnd ihm ein yedes geschöpff auffrecht vnñd redlich/lob/ehz
vnd danck sagen soll/hat auch yedem ding/gwiß zal / maß vnd zil ge-
setzt/in güter ordnung/vnd sollichszüübertreten verboten.xc.

Dis ist gewesen der Götlich will des Almechtigen Gottes in sei-
nen geschöpffen/Dann er schüß die Engel/die himmel/das Firma-
ment vnd gestirn/die Element/vnñd alles das da schwebt/lebt/zü
vnd abnimpt/alles gethier so auff vier füßen geht/vnd auff der er-
den kreücht/sich im lufft vñ wasser enthelt/aber sollichs alles zünut
B vnd

Anatomi vnd beschreibung aller glider

vnd güttem dem menschen / welchen er auch nach seiner bildtnis geformiert vnd erschaffen hat / vnd im in allen seinen geschöpffen sein gütte vnd gnad bewisen ic. Dis ist nach heyliger Götlicher gschafft die meynung vom ersten geschöpff des menschen / wie sollichs auch klärlich von Mose in seinem büch der geschöpff beschriben ist / welchen du hierüber belesen vnd radts fragen magst / dann sollichs dises orts nit vnsers fürnemmens ist / von der Götlichen erschaffung des menschen zúschreiben (dieweil wir auch sollichs inn einem sunderen büchlin gehandelt haben) wöllēhie alleyn die fleyschlich entpfengkniß vnd schöpfung des menschen beschreiben vnnnd erklären / nach menschlichem verstand / krafft vnd würcung der natur / wie er erstlich in mütter leib entpfangen / geschöpfft / zünimpt / geboren / vnd an das liecht gebracht wirt. Dann dieweil wir vns über die maßer lustigen / freud vnd wolgefallen darab nehmen / anderer natürlicher ding eygenschafft zúerkündigen / wiewil mehr sollen wir vns befließen / lust / kurzweil vnnnd wolgefallen darinn haben / vnser eygen natur vnd vns selbs innerlich zúerkennen / fürnemlich / dieweil darauff vnzälliche nutzbarkeyt entspringt / nit alleyn den leib vor mancherley gefärligkeyt zúenthaltē / sunder auch in andern eüsserlichen vnd innerlichen sachen / zú seel vnd leib / nützlich zúhandlen vnd richten.

Gleicherweiss wie alle vollkumme Creaturen / auch was auf vnnnd in der erden wachset / seiner erste anfang / ursach vnd ursprung hat vō dem samen / durch welchen es gepflanzt / zünimpt / vnd zú der vollkummenheit erwechset / also hat auch der mensch seinen anfang von dem samen / welcher von den alten ärzten / Philosophen / vnd der natur fleissigē erkündigern / ein nützlichē überflüssigkeyt des safts / so zú der narung aller innerlicher vnnnd eüsserlicher glider / durch den ganzen leib zerteylt vnd außgspreytet wirt / im geblüt / nach der vierdten dōwung abgsündert. Solche nützlichē überflüssigkeyt wirt vō sunderlichen gefässen darzú von der Götlichen fürsichtigkeyt verordnet / an sich gezogen / vnd in den gmächten zú der gebärung behalten / aber sollichs wirstu alles baß verstō vnd klärlicher merckē / so du vorhin die innerliche glider vnd solche gefäss / in folgenden Worten vñ fürmalung augenscheinlich sehen vnd mercken wirst.

Sie soltu alleyn weiter verstō / das ettliche gesetzt vnnnd darfür gehalten haben / das solcher samen alleyn von dem hirn kumme / aber wir seind des gewis / das sein vil vom hirn / aber der merer theyl von allen glidern genomē werde / dann dieweil auß solchem samen alle glider jren ursprung haben / ist es auch von nöten vnd nit wider

menschliche corpore.

ij

die natur/das auch der samen von allen gliedern/einem jeden in sund-
erheit kumme/dann gleichs vō gleichem erschaffen wirt/wie wir
in allen dingen sehen/dann ein saw wirt lang kein affen oder mōrkas-
zen geben/sunder ein saw. Es bezeügt auch sollich Hippocrates/
der spricht/Der samen wirt von dem ganzen leib genommen/vom
schwachen blöden franken leib/ein blöder vnuolkumener samen/
vom gesunden/ein gesunder samen. Des gleichen auch/des sich mehr
zūerwundern ist/so erstreckt sich nit alleyn die gleichniß solcher gli-
der auff die kinder/sunder auch ihr schwacheyt vnd blödigkeit/also
das oft die kinder von iren eltern schwachheit vnd blödigkeit/auch
andere fäl vnd mangel der leber/magens vnd hirs/ererbent.

Diweil nun/wie gesagt/der natürlich samen des menschen/ein
nützlich teyl ist natürlicher narung vnd enthaltung des leibs/mit vi-
lem leblichem geyst erfüllet/volget/das durch vnmaßig entziehung
des selbigen/der leib über die maß gschwecht werde/als dem sein na-
türliche narung entzogen/vnd vil der leblichen geist genommen wirt.

Aber von dem natürlichen samen/darvon des mensch sein ersten
fleischlichen vrsprung hat/wollen wir hie gnüg geredt haben/vnnd
fürtfaren/die schöpfung des menschen nach der entpfenckniß in müt-
ter leib zūbeschreiben.

So bald die barmüter oder geburt glieder/den natürlichen samen
des mañs entpfangen haben/wirt der weiblich samen dem mänli-
chen vermischet/aber hierinn ist vnder den ärzten vnd erkündigern
der natur ein trefflicher zank/ob d weiblich samen zū der entpfang-
niß der frucht würckte/dann Aristoteles haltet keinen weiblichen sa-
men/sund will das die vnsaubrigkeit weiblichs blümens/ein materi
sey der frucht/welcher von dem samen des mañs/der in ein lebliche
geyst verwandelt sey/gleich als von einem werckmeister/geordnet
vnd bereyttet/darvon die entpfangen frucht volbracht werde.

Dis ist fürnemlich die sum der meynüg Aristotelis/aber vō höch-
sten vñ berümpften arzt so ye gewesen Galeno/widerlegt/durch vi-
lerley gründtlicher vrsach. Derhalben wir hierinn auch der meynüg
Galenis volgen wollen/welcher gänglich leügn et/das die vnreinig-
keyt weiblichs blümens/ein materi sey der frucht/sunder das beyde
mänliche vnd weibliche samen vermischet/seyen die erst materi dar-
von die frucht volbracht werd/vnd diweil vnder disen beyden der
mänlich samen hitziger vnnd dicker ist/aber des weibs samen feich-
ter vnnd kälter/das auß solcher vrsach der weiblich samen gleich als
ein fürung vnd narung sey des andern.

B ij Die

Anatomi vnd beschreibung aller glider

Die beyden vermischten vnnnd vereynigten samen/so bald sy von den geburt glidern der barmütter empfangen seind überkommen sy von der werme solcher glider / gleich als von der hitze eins ofens / ein heütlin / gleich eyner dünnen rinden / die vmbgibt den samen geringßweiß allenthalben herumb / vnd vergleicht sich solche schöpfung einem ey / dann alle glider von solchem heütlin oder fellin vmbgeben seind / darinn wallet der samen auff / dann er ist (wie drobē gesagt) voller geists vnd windigs plasts / als dann erwachst ein fellin von dem eüßersten teil des samens / vnd sunderlich vom weiblichen samē / welcher feüchter ist / vnd weiter gethenet oder erstreckt werden mag. Dises fellin wirt die afftergeburt genant / oder des kindts bälglin / vnd ist sollich nit alleyn ein gefäß des samens / sunder hat auch weittere nutzbarkeyt / Dann erstrecken sich vil vnzähliger außgang der blüt oder leber adern / des gleichen der hertz vnd pulß adn / in die geburt glider oß barmütter / dardurch die vnreynigkeit weiblichs blümens fleißet / zū der narung vnnnd erhaltung der neuwen frucht / vnnnd entspringen solche nicht alleyn von den gefäßen des samens / sunder auch vō andern adern / namlich von der grossen leber ader / durch welche das blüt zū der narung aller glider / in alle ort des leibs geteylt wirt. Dese außgang der adern haben ein wunderbarliche gestalt / vergleichen sich dem schlundt der neyneucken / darmit sy sich anhencken / derhalben sy auch durch solche geschickligkeyt allenthalben das obgemelt fellin der afftergeburt erfassen / an sich ziehen / vnd krefftiglich der barmütter anhencken / dann die ganz barmütter begert des samens / derhalben er auch von jr gar ernōrt vnd erhalten werden muß. In dem fellin der afftergeburt seind vilerley fassen / vilfeltig durcheynander geschrenckt / die gond zūsamen / vnd machen zwo blüt adern / vñ zwo hertz adern / vnd in mitte ein gang.

Dise hertz adern vnd blüt adern seind gleich als wurzlen der neuwen frucht / dann sy spreiten sich weitter in den übrigen samen / vnd machen den nabel. Die obgemelte fassen werden die ersten vj. tag bereyt / vnd erschaffen / vnd wallet der samen darinn auff / dan so auff den. vj. oder. vii. tag der nabel bereytet ist / durch vereynigung (wie erst gesagt) der leber vnd blüt adern / so wirt erstlich das blüt vnnnd leblich geyst durch solche leber vnd blüt adern an sich zogen / zū dem samen geschickt / dem selbigen vermischet / vñ die fürtrefflichsten gliß darvon erschaffen / dann in dem fellin der afftergeburt werden löchlin den obgemelten gleich / durch welche solchs fellin den geburt glidern angehaftet ist / durch welche solche wurzlen das blüt vnd leblichen geyst an sich ziehen.

Dise

Dise zeit erheben sich von dem auffwallenden samen drey kleiner bläßlin an statt des hirns/hertzen vnd lebern/als dann zeicht die ad durch den nabel/erstreckt das dicke geblüt als zu der narüg tauglichen/welches im samen gerinnet oder zusamen laufft/vnd wirt das ein zwispeltige gabelechte ader mit zweyen zincken /in deren zincken einen legt sich das gerunnen geblüt / vnnnd wirt also die leber erstlich erschaffen/dann wir augenscheinlich sehen / dz die leber nichts anders ist/dann ein gerunnen oder zusamen getrunnen geblüt. Es hat auch die leber vil fach / die jr dienstlich seind in der ansichziehung / ansichhaltung / vnnnd wider von sich treibenden krafft / In dem andern ast oder zincken diser gabel adern/erwachsen vnd hencken sich an / das weh oder auspreytung der leber adern/der magen/miltz vnd eingeweid des vndersten bauchs oder gedärms.

Als bald die leber bereyttet vnd erschaffen ist/ sammeln sich alle ästlin/gleich als zu einem stamien/von allen blütadern /in der obern fleische der leber/zü der grossen leber ad /welche ettliche äst über sich hinauff schicket/vnd das zwerchfel bereyttet / vnd etlich theil des ruckgrads oberhalb solchem zwerchfel/ die vndsten ästlin bereyten den übrigen teil des ruckgrads vnderhalb auff die lenden.

Weitter aber die hertzadern vom nabel in den samen aufgespreytet vnd vertheylt/erstrecken sich zü dem ruckgrad /vnd pflanzen sich gmäglich eynd an die statt des hertzens. Dise hertzadern ziehen an sich das aller hitzigst vnd subtilst blüt /von welchem in dem bälglin dem hertzen verordnet/wie obgemelt/das hertz beschaffen wirt/welches von natur fleischig ist/getrunnen vnd dick / wie dann einem hitzigen glied von nöten ist. Aber von der natur/eygenschaft vnd würckung eins yeden glids/wollen wir hernach setzen.

Die erstgemelt groß leber ader erstreckt sich auf/vnd gadt durch die inner höle der rechten seyten des hertzens/das sy blüt dahin fñhre/zü der narung vnnnd fñhrung des hertzens. Vnder disem ast der leber adern/entspringt auß der erstgemelten höle der rechten seyten des hertzens/ein andere ader/welche die gerübig ader genant wirt/darumb / das sy rüwig ist /vnnnd nicht schlecht oder klopffet wie andere adern des hertzens/pulsadern genant. Dise /derhalben das sy das subtil vnd scharpff blüt in dem hertzen gedöwet/zü der lungē schickt/ist sy mit vilen fellin vmbgeben/gleich wie auch die pulsadern/oder hertz adern.

Aber in der höle der lincken seitten erwechset die gröst hertz oder
B in puls

Anatomi/Contrafactur vnd beschreibung

puls ader/Aorta genant/welche den leblichen geyst durch das geblüt des hertzens/durch alle hertz oder puls adern des ganzen leibs spreytet. Dan zügliche wie die groß leber ader/vena cava genant/ein stam ader ist aller blüt aderen/durch welche der ganz leib narung entpfahet des blüts/also werde auch von diser grossen hertz adern / alle äst der hertz vnd puls adern/durch den ganzen leib auf gespreittet/den leblichen geyst an alle ort zübringen. Dann das hertz ist ein anfang der leblichen werme oder natürlicher hitz / on welche andere glider nichts vermögen/auch kein thier erhalten oß ernöret werden mag.

Vnder erst gemelter grossen hertz adern der lincken höle des hertzens/erwechset noch ein andere hertz ader / Ventosa genant/das ist ein schlahende leber ader/dann wiewol sy ein rechte hertz oder puls ader ist / auch den leblichen geist füret/hat sy doch nur ein einzigs heütlin/wie dann alle blüt oder leber adern haben. Dise ist darumb erschaffen/das sy den erkeltten lufft von der lungen zü dem hertzen bring/dasselbig zü erkülen/vnnd den erhitzigten widerumb hinweg füre.

Dieweil sich nun von beyden hölinen des hertzens / adern erstrecken/sich eynzupflanzē in die lung/wirt die lung darauf erschaffen/dann die ader auß der rechten seyten der höle des hertzens/das subtilste blüt herauf füret/welches in das fleysch der lungen verwandelt wirt/vnnd zügliche von den auf gespreyten äderlin hin vnnd wider von der grossen leber ader vñ hertz ader oder puls ader erwachset die ganz brust/vnd mitler zeit auch die arm vnd schenckel.

Diser zeyt/auch in solcher schöpffung/wirt der oberst vnd höchst theyl dises wercks/darinn alle verwaltungen verschlossen / bereytet/namlich das haupt vnnd hirn/auff folgende weis. In das dritt bläflin so sich von dem auffwallenden samen erheben / wiedenoben gesagt/versamlet sich der mehrertheil des samens. Dann dieweil yezundt vil geysts vnnd athems oder windigs plasts inn dem samen ist / darmit solcher in der feuchte erhalten werd / dringet er zü samen/vnd zeücht vil vom samen an sich/vnnd wirt ein höle / darinn das hirn geschaffen wirt/welchs außwendig bedeckt vnnd vmbgeben wirt mit einem deckel/welcher so er ertrücknet/vñ von der wärme gedörrt/zü beyn wirt.

Also wirt das hirn erschaffen / darmit es die fürtrefflich natur der leblichen geister entpfahen vnd behalten mög vnd ändern/ dar
auf

auf die sifilicheyt vnd bewegung/so wir mit willen thun/geursacht vnd volbracht werden. Derhalben der vrsprung solcher behaltniß nit von schlechter natur/sunder von vilem samen hat sein müssen.

Gleicherweiß aber wie in der leber die blüt adern/im hertzen die lufft adern des leblichen geysts/oder pulß adern/also haben die neruen/das seind die hirnäderlin/iren vrsprung vom haupt/vnd seind von der natur des hirns/zäher schleymiger substantz/vnd hart/aber nicht innwendig hol wie die blüt oder pulß aderen/aufgenommen die zwo sehe adern. Dise neruen oder hirn adern seind die fürnämsten Instrument der entpfindtlicheyt/durch welche alle bewegniß mit willen beschicht/von wegen des leblichen geysts.

Nächst vom hirn entspringet das marck des ruckgradts/welches vast gleichlicher natur ist mitt dem hirn/derhalben es vnbillicheyn marck genennet wirt/diweil dises marck vnd das hirn gar keyn gemeinschafft haben mitt der Substantz des marcks/dann das marck ist ein überflüssigkeit leiplicher narung der glider/vom blüt entsprungen/verordnet/zubefeuchtigē vñ zuspiesen die gebein. Aber das hirn vñnd marck des ruckgradts/haben ihren vrsprung alleyn von dem samen/seind auch nit verordnet andere glider zuspiesen oder führen/sunder eygne glider/für sich selbst beschaffen/von wegen der sinnlichkeit vñnd bewegung/so mitt willen geschicht/namlich das die neruen ihren vrsprung darvon haben sollen/dann auß solchem marck des ruckgradts vil par der neruen iren vrsprung haben/von welcher der leib sinnlicheyt vnd bewegung entpfahet.

Also haben wir gnügsamlich zum teyl die erst schöpffung der neuen frucht/nach dem sy inn mütter leib entpfangen wirt/beschriben vnd an tag geben .ac.

Weitter soltu nun auch verstohn/das alleyn auß dem samen/die beyne/die knürspelin/adern/beyde der leber/darinn das blüt/vñnd des hertzens/darinn der leblich geyst verschlossen/das hirn/alle neruen oder hirnäderlin/gebänd/fellin/heütlin/vñnd die inner haut/die bekleydung der frucht (droben die afftergeburt genant) erschaffen werden/daher sy auch glider des samens genant werden. Aber droben ist angezeygt/wie sich der weiblich vñnd männlich samen vermischen vnd sich zusamen vereynigen. Dise vermischte samen nemen zu vnd werden gemehret von der vnreynigkeit des weibs blümen. Aber von eignē geblüt der frucht werden geschaffen das fleisch

Anatomi vnd beschreibung aller glider

vnd fleischigen lappen/als die lung/leber vnd hertz. Hernachmals werden alle glider des samens vnd das fleisch / gespeist vnnnd gefüret von bequiemem geblüt / wie es einem jeden zimpt vñ tauglich ist / welchs die äderlin des nabels an sich ziehen / von den aufgängen der adern in die geburt glider oder barmütter gestürzt / wie droben gesagt ist. Also wirt das kindt die zeit so es in mütter leib ist gespeist vnd gefüret / durch das angezogen blüt durch den nabel / derhalben auch den weibern so sy schwanger seind / jr natürliche reynigung geschieht / dann das kindt fahet an hefftig an sich ziehen vil geblüts / welches in drei teil vnderseyden wirt / den ersten reinsten vnnnd seibristen theil zeicht das kindt an sich zu seiner narung / Den andern theil minder vnreyn / übergibt oder treibt über sich die barmütter / durch etliche adern zu den brüsten / darauß wirt die milch / daruon das kind ernöt wirt so es auff die welt kumpt / derhalben von der barmütter vil gâng über sich gond zu den brüsten. Den dritten teil der noch vnreyn ist / der setz sich in der barmütter / vnd geht hinweg zur zeit der geburt. Derhalben spricht Hippocrates / das die milch vnnnd die vnreynigkeyt des weibs blümen vast nach verwandt seyen / vnnnd grosse freindschafft miteinander haben / dann die milch kumpt von überflüssigem / doch nit gar verunreynigtem blüt. Galenus zeicht auch hierüber gar ein schönen spruch eyn / welcher haltet / dz das kindt vil mehr hab von der mütter / dann vom vatter / dann erstlich werden die samens von weibischem blümen gemehret / nachmals das kind daruon in mütter leib gspeiset vnnnd gefüret / bis zu dem letzten / durch die milch / so es von mütter leib an den tag bracht wirt / auffgezogen / darumb züglicher weiß wie ein yedes gewächs mehr vom erdtrich dan vom bawman entpfahet / also entpfahet auch das kindt mehr von der mütter dan vom vatter. Derhalben will er auch dz die kinder vil ein größern anmüt haben gegen iren müttern / dann gegen den vatern / dieweil sy mehr eigenschafft entpfahen von denen / vnd den merern theil jres leibs. Dises ist auch die vsach / darumb der mütter die kinder mehr angelegen seind dann dem vatter.

Sonun das kind volbracht vnd erschaffen ist in mütter leib / so laßsetes den ersten monat den harn durch den gang des nabels / den wir droben den harn gang genant haben / aber die letzten monat so diser gang verschlossen ist / fahet es an sein harn lassen durch die glider so darzu verordnet seind / durch den afftern hat es kein reynigung / dan es durch den myndt noch nit gespeiset worden ist.

Der

Der harn versamlet sich in ein sunderlich darzu verordnet fellin
aufferhalb d. m kindt/darmit es nit darvon gelegt werde.

Weitter wirt auch das kindt noch mitt einem vast reynen nerzlin
oder fellin vmbgeben/sollichs zū beschirmen.

Die zeyt in welcher solche schöpffung volbracht werde/wirt vñ
lerley gsetzt/aber alzeit werden die knäblin vil baldter dan die meyd-
lin volbracht/dann in den knäblin ist ein grössere werme vñnd mehr
hitz/darumb werden auch die knäblin vil ehe altgshaftner vñd vol-
kümmer dann die meydlin.


In den ersten vj. tagen werden von dem auffwallenden samen
bläflin/vñnd vergleicht sich sollichs einem ey/vñd wirt noch kein
frucht genennet/sunder samen.

Nachmals in ix. tagen zeühet es das blüt an sich/von welchem ge-
mächlich die leber vñd das hertz erschaffen werden/also dz nach xij.
tagen yezund die leber/das hertz vñd hirn/vñderscheidlich gesehen
werden mögen/als dan wirt sollichs geschöpff nit meer samen/sun-
der ein neüwe frucht genant eins zükünfftigen menschs.

Hernaher in xvij. tagen werden die andn übrigen glider erschaf-
fen vñd vñderscheyden/wie Hippocrates spricht in einem loblichen
sprüchlin/wie das kindt seine äst erstreckt. Dise tag/wa du sy zūsamē
rechnest/wirstu xlv. tag finden/als dann so alle glider geordnet vñd
erschaffen seind/vñnd yezund das kindt anfahet leben/dann es ent-
pfindet (vermeynen ettlich) das jm vmb den xlv. tag die seel eynge-
gossen werde/dann wirt es nitt meer ein frucht/sunder ein kindt ge-
nant/es mag sich aber noch nitt von wegen seiner blödigkeyt/bewe-
gen. Aber Hippocrates setz gar ein güte regel von solcher bewegung/
danner spricht/So du die tag vñ der entpfācknis vñd der schöpf-
fung dupplierst oder dopplest/so erfindestu die zal der bewegung/
dann die zal der bewegung tripliert oder trifach gezölet/zeygen dir
an den geburt tag/als zū eynem exempel/So das kind in xlv. tagen
erschaffen ist/wirt es sich im xc. tag bewegen/vñd im ix. monat auff
die welt künien/vñd ist dises die gemeynst zeit/sürnemlich der knäb-
lin/aber die meydlin werden gemeyntlich im zehenden mo-

nat geboren. Wie aber das kindt sich in mütter
leib haltet vñd gestalt ist/zeygt dir dis
nechst Figür lin an.

Anatomi vnd beschreibung aller glider



Also wirt aber das kind geborn
vnd auff die welt bracht. So
es yetzund erwachsen ist / vnd
vil mehr speiß vnd reichliche
nahrung bedarff / dann es durch
die adern vnd den nabel an sich
ziehē mag / bewegt es sich gleich
mit vngestimmigkeit / also dz es
die fellin zerreißt / vnd ettlich a-
dern / des kinds belglin o8 die
afftar geburt / derhalbē die müt-
ter das kindt lenger nit behaltē
mag. In dem so nun die mütter
geöffnet wirt / entpfindet das
kindt des luffts / in dem aber so
es darnach schnappet / beweget

es sich gegen dem außgang der mütter vnd mundtloch der geburt gli-
der / vnd ist sollich ein rechte natürliche geburt / namlich das es erst-
lich mit dem kopff kum / wie die nechstfolgend figur augenscheinli-
che anzeigung gibt.



Dis Figürlin gegen der lin-
cken handt / zeygt dir an die
recht natürlich geburt.

Das ander gegē der gerech-
ten seitten / gātzlich das wi-
derspil / doch nit als gefär-
lich / wie hernach gesetzte rü.
art der mißgeburten.



menschlichs cōrpers.

61

In volgender figur sihestu zwölfferley art der mißgeburten.



Also stelt sich das kind zu seiner geburt / vnd kumpt weynend vnd schreyend auff die welt in dises jamertal / als ob im der jamer / angst vnd not zu wissen weren / so im noch vorhanden seind zu erleiden.

Das aber die kinder in der geburt weynen / geschicht von wegen der vnwirsen handlung / dann solche bewegung on schmerzen nitt geschehen mag / dann sy noch vast zarte vnd weyche leiblin haben.

Die kinder so den sechsten Monat oder ehe geboren werden / leben nit / dann die frucht ist noch nicht gātzlich volbracht / aber so im si- benden Monat geboren werden / mögen leben / dann dise zeyt ist die frucht volbracht. Hiemöchtestu dich aber verwundern / das die kinder so in dem achten Monat auff die welt kummen / nicht leben.

Dann

Anatomi vnd beschreibung aller glider

Dann im sibenden monat bewegt sich das kind zu dem aufgang/ dann der sibend Monat ein tag des aufgangs gezolet wirt / wa das kindt kressstignüg ist / wirt es aufgeführt / ist es aber noch züschwach vnd züblöd / bleibt es noch so lang in müter leib / bis es starck vñ kressstignüg wirt / namlich noch zwen monat lang / dann es setzet sich an ein ander ort in dem leib / derhalben es im achten monat so es geboren wirt / nit leben mag / dann die natur noch züschwach ist / vñnd ist nit nüz / das nach solcher bewegung des sibenden monats / die frucht gerürt werde / dann durch zweyerley bewegung wirt es geschwecht / Erstlich im sibenden monat / durch verenderung der statt an ein ander ort in müter leib / vñd gleich darauff im achten monat geboren zü werden / daruon es züuil geschwecht wirt / dann die natur des kinds solche vilfeltige oder zwifache bewegung nit dulden mag. Es mag auch durch die Astrologei gründlich bewisen werdē / dz der vii. monat ein schädliche bewegung erwecke des kindts / dann die selbigzeit eben die Sonn dasselbig zeychen durchlaufft / so dem selbigen darin sy was zurzeyt der geburt / genzlich entgegen gesetzt ist / vñnd auch weiter / das ein yeder monat einem sundern Planeten zügebē wirt / vñd aber der acht dem Saturno / der ein tödtlicher seyndt ist allem dem so auff erden geboren wirt.

Die knäblin werden mehr in der rechten seyttē der barmüter entpfangen / vñd mehr von dem samē so von dem gerechten gemacht kumpt / aber die meydlin inn der lincken seyttē der barmüter / dann die recht seyt / von wegen der leber / hitziger ist im leib / vñd die lincke seyt kelter. Aber fürnemlich ist die grösser hiz des samens ein vrsach der knäblin.

Das aber die kinder den eltern gleich werden / geschicht von wegen des stercksten vñd fürtrefflichste samens / also dz das kindt dem / welches samē am stercksten ist / am gleichsten vñd änlichsten wirt / aber in solchen wunderbarlichen vñderscheyden / ist ein wunderbarliche krafft des gestirns / dann gütte glückliche Aspect der gütten Planeten / schönheyt von angesicht geben / frölich vñd leichts müts / aber schädliche vñglückliche Aspect böser Planeten / hefflich vñnd vngestalt von angesicht vñd glidmaß.

Zwiling werdē also geschöpfft / die barmüter hat zwö hōlin oder fach / wann nurr beyde hōlin samē entpfahen / aber von eynander abgesündert vñd getheylt / werden Zwiling daraus / also geht es zü / bzetwan von einer entpfengnis oder von mehren / Zwiling geboren werden. Das aber von zweyerley entpfācknis Zwiling werden sollen

sollen / muß keyn langezeyt darzwischē verscheinen / daß dieweil die mütter mit der ersten frucht überladē ist / die selbig zūschöpffen / auff zūbringen vnd ernözen / wirt dem andern keyn statt geben. Aber Aristoteles spricht / das solche nachentpfencnß bey den menschen vast selzam sey / vnnd gar selten geschehe / aber offtmals werden von einer entpfengnß Zwilling geboren.

Wundergeburten werden verursacht von überflüssigkeyt oder mangel vnnd gebrechen der materi / von wegen böser vnglücklicher anschawung oder Aspect der Planetē / böser natur vnd qualitet der geburt glider oder samens.

Also haben wir gānzlichē angezeygt vnd erklärt / wie der mensch erstlich in mäter leib entpfangen / geschöpfft / immer zūnimpt / vnnd zūletzt geboren wirt / Nun wollen wir weiter fürtsaren / vnd erzölen die natur / eygenschaft / würckung vnd vermögen eins yeden glids / warzū es von Gott vnd der natur erschaffen ist / auch auff das fleisßigst zūbeschreiben.

Doch soltu vorhin mercken / wie Aristoteles spricht / das 8 mensch in fünff jaren in die halb länge wachset / die er überkūmen vnd mitt dem leib erreychen soll. So schreibt Plinius / das der mensch in die länge wachse / bis auff das xxx. jar / nachmals in die dicke vnnd volkummenheyt / bis auff das xxx. jar. 2c.

C Natur

Anathomi vnd beschreibung aller glider
Natur/eygenschaft / würck-
ung vnd vermögen aller eynfacher vnd zusamen ge-
setzter glider des menschlichen cörper / warzü sy von Gott durch
die natur verordnet seind / sampt künstlicher vnd artlicher
Contrafactur oder abmalung / vnd erstlich von al-
lem gebeyn des menschen.



Vergangner

red haben wir gnügsamlich
auff das aller eigentlichst beschriben/
die entpfenckniß / schöpfung / zunem-
men vnd geburt des menschen in müt-
ter leib / nun wollen wir aber fürtsa-
ren / alle glider innerlich vñ eüßerlich

des leibs / daruon der mensch zusamen gesetzt ist / auch in sunderheyt
zübeschreiben / doch nit die aller geringsten vnd kleinsten / sampt der
rechten art vñnd kunst / die selbigen durch die Anatomic abzuschölen
vñnd züersuchen / sunder die fürnambsten / gemeynsten vñnd gebreich-
lichsten glider / so fürnemlich zü erkandtniß des menschen notwen-
dig zü wissen / vñmb vnzälicher viler nutzbarkeyt wegen / Dann es ja
ein merckliche schandt ist / das der mensch also gar seins eygnen leibs
vñnerkant ist / sich hoch vñnd vast bemühet / was im Firmament für-
gehe / was ihenseyt möhrs in Calicuten geschehe / wa dise vñnd yhene
Insel im hohen oder nidern Möhr lige / wie mancherley frembder
völcker gesittet seyen / vñnd dergleichen vil vñnnützer vñnd vergebner
sorg mehr / darauff sich die welt legt / vñnd wa man ein solchen fragt /
wa die leber / das miltz / der magen / vñnd dergleichen eyngeweyd / in
sein eygnē leib jr ort vñnd stat haben / soll er wol gar nichts / oder fast
wenig wissens daruon haben / acht aber das sollichs fürnemlich da-
her erwachsen / das biß auff dise zeyt solliches in Teütscher sprach von
den gelerten / welchen zum teil sollichs auch ein lange zeit gar frembd
vñnd vñnwissend gewesen ist / vorbehalten / vñnd den Teütschen nit zü-
lesen

lesen fürgeben worden sey/wie in der vorred weitleüffiger gemeldet worden. Woltestu aber yehohen vnd sonderlichen fleiß anlegen/auch die aller geringsten teyl des menschlichen leibs/züersüchen vnd züerlernen/magstu hierüber mein grosse Teütsche Anathomie / so ich auch mitt Figuren gezieret/vnnd zū anfang meiner grossen vollkommenen Teütschen wundartzney gesetzt hab. Sie findestu alleyn die fürnāmbsten glider /on welche du den menschen nit rechtgeschaffen erkennen magst. 2c.


Galenus der trefflichst vnd berümpftst artzt setzt / dz vor allen dingen zū warer erkantnis aller glider menschlichs cōpers / erstlich die gebeyn/gleich als ein fundament vnd stütz / darauff der leib gebawen ist / fürnemlich wol erlernet werden sollen /dise geben dir ein anzeygung des leibs/gleich wie die gābel vñ hülz in eingebew ein schein vnd gestalt geben aller gemach vnd des gantzen hauses.

Dise gebein werden erstlich erschaffen/vnd nemen ihren vrsprung (wie auch droben gesagt ist) von dem vermischten samen / so das gröbst vnd dickst von der wärme erhartet vñ verdort wirt / gleich wie diemaursteyn auß zāhem grobem dickem letten / durch das feür im kalckofen gebachen werden /Dise (wie yetzt gesagt) auffenthaltē den leib/gleich wie der stāmb die āst des baums/oder das fundament das gebew 2c.

Wie solche beyne am gantzen leib geformet vnd gſtaltet seyen/zeygen dir die drey nachuolgenden Figuren klarlichen an / sampt gründtlicher vnd eygentlicher erklärang. Die nechstuolgend zeyget dir an alle gebeyn des vordern theyls eins verwesnen cōpers 2c.

C. ij eygent

Anacomi/Contrafactur vnd beschreibung



aller glider menschliche cörper. ix
 Egentliche erklärung nechst vorgonder
 Figur vnnnd anzeygung aller gebeyndes
 vordern teyls des leibs.

DAs haupt/oberst vn̄ fürtrefflichst glid/darin̄ das hirn
 verschlossen/ist mit dem büchstaben A. verzeychnet.
 Sie merck/das ettliche löchlin seind/durch welche das
 geäder geht/dieweil aber die selbigen in solcher eynge-
 truckter Contrafactur nicht leichtlich gesehen werden
 mögen/willich dir die selbigen fürnämlich anzeigen.

Erstlich/inn beyden beynden der schläff/seind beide gāng des ge-
 hördts/namlich beyden wangen ist ein gang oder löchlin/durch wel-
 chen die innwendig troffel ader sich zū dem hirn erstrecket. Im ange-
 sicht vmb die augen herumb seind vier löchlin/das erst zū der stirnē/
 das and̄ zū den naßlöchern/das drit zū dem obern wang/das vierdt
 zū den meißfleischlin der schläff/aber solchs wirstu vile eigentlicher
 sehen vnd vernemmen/in der andern vnd letzten grōsten folgenden
 figuren/des innerlichen vnnnd eüsserlichen vndersten teils des haupt
 hafens.

Weitter erscheynen auch in diser gegengesetzter figur die zān/de-
 ren seind gewonlich auff das meh̄st/bey xxxij. viij. vorder zān. vier
 hundtszān/stock vnd backen zān xx. Dise erfüllen jr löchlin in beyde
 künbacken/mit vngleichen wurzlen oder zincken.

A. die gabel bein oberhalb der brust an der kälē/vergleichen sich be-
 de einem horn/oder dem gebognen Latinischen ∞.

C. ist die höchst achsel/das end des schulterblats.

D. Ist die hōle/darin̄ das ober gewerb des arms geht/das aug des
 schulter blats.

E. ist das vorder beyn der brust/von sibē stucken oder beinlin zūsa-
 men gesetzt/die einander vest vnd steiff vereynigt seind/gleich als
 obs ein einigs beyn wer/zū beyde seit gebogen wie ein halber mon.

F. ist das vnder teil obgemeldts beyns oder spizlin/das hertzgrüb-
 lingenant.

G. das ober rhor am arm/das groß arm rhor.

H. ist die hōle am obern kopff des arm rhors/welche hōle solchen
 kopff in zwen runde knollen theilet.

Anatomi/ Contrafactur vnd beschreibung

J. zeygt an die runder scheiben des elnbogens.

K. ist das grösser rhoz des vordern arms / von der handt zu dem elnbogen.

L. ist die kleyner rhoz des vordern arms.

M. ist das letst theil des elnbogens / vnd anfang der handt / ist zusammen gesetzt von .vij. beynen / vngleicher zal inn zwey ordnung gestelt / oberhalb von dreyn / vnderhalb mit vieren / die machen innerhalb ein höle / vnd aussenhalb ein runde gebogne fleche.

N. ist der theyl der handt / von erst gemeltem gebeyn bis an die finger / alleyn von vier beynen / nach der meynung Galeni / nitt wie etlich wollen / von fünff zusammen gesetzt vnd geordnet.

P. sein die finger / ein yeglicher hat dreyn beinlin / der e geht ye die auffgebogne fleche / in die eingebogne höle des andern.

Q. zeygt an die knyescheb / ein runder beynlin / gleich dem oberen des kuel von einer Schiltkrot.

R. das beyn nechst vnder dem knoden.

S. das nechst beyn nach disem / der anfang des reihē vff dem füß.

T. die hindersten beyn der zehen / so mit voneinander geteilt oder gespalten seind / vier an der zal / nechst am reihen des füß.

V. seind die nechsten fünff langen bein nach disen am füß / die solen des füß / fünff an der zal.

X. seind die zehen / welche alle / dreyn gleychlin habē / on die groß zeh / welche nur zwey beynlin hat.

Weitter seind auch kleine beinlin / Sesamina genant / die ettwan die gleych aufffüllen / wie eins im gleych des daumens gesundē wirt.

Volgt die abtheilung aller beyn nach der seitten.



Anatomi/ Contrafactur vnd beschreibung Bezeichnung der beyn / so nach der sept- ten oder beseits in einem verwesten körper gese- hen werden / mit gründtlicher erklärang.

In diser nechst vorgonden figuren / wollen wir dir alle ge-
 beyn des hirnschedels oder haupt hafens anzeygen.
 A. seind zwey beyn des vordern teils / vñ der scheyttel des
 haupts / wand bein / oß die wänd des hirnschedels genät.

B. seind beyde bein der schläff oberhalb beiden ohren.

C. ist das beyn der stirnen / welchs etwan von der scheyttel mit einer
 nat biß auff die nasen gespalten / gesehen wirt / als ob es zwisfach
 wer. Etlich haltē solche köpff (wa sys in gernern oß beyn heißlin
 sehen / da man das gebein der verstorbnē samlet) für weiber sche-
 del / vermeynen aller weib köpff haben solche gspaltne stirnen /
 ist aber falsch.

D. ist ein starck beyn des hindn teyls des haupts / hat ein groß rund
 loch / durch welches das marck des ruckgradts vom hirn sich hin-
 ab durch den gangen ruckgrad erstreckt.

E. seind die zwen harten knorren nebens zū beyder seit des haupts.

F. ist das ober teyl des rachens / ein wunderbarlichs bein / das wür-
 stu hernach in einer sundern figuren gar eigentlich conterseit fin-
 den / mit seiner erklärang.

G. seind zwey beyn des vñdsten wangen am vordern teil / gar hart
 zūsamengetrungen.

H. die gablen am vndersten kifel.

I. die runden knorren vñnd gewerb des vnderen kifels oder kün-
 backens.

K. zwen knorren des elnbogens / in mitte durch ein hōle voneinan-
 der getheylt.

Der rippen werden beyde in weib vñnd mann xxiij. gezōlet / auff
 yeder seitten xij. deren werden vij. zū beyder seyt dem vordien beyn
 der buust angehaftet / vñnd werden volkumne rippen genant / die üb-
 rigen fünff seind alleyn an die knorren des ruckgrads geheftet / derē
 die

aller glider menschlichs cörper.


xi

- die ersten drey mitt irem vorder theil / durch etliche knirspelein an die grossen rippen gehefftet werden / die andern zwö glassen voneynander / vnd werden falsche vnvolkumme rippen genant / von disen werden alleyn die zwölff / den zwölffen knorren des ruckgradts / durch ein eyne verglenckung angehefftet.
- L.** seind zwei starcke beyn / hinten mit dem grossen beyn des arßbürgels vereinigt / oberhalb zu beyder seit die hufft / vornē das schloß beyn genant.
- O.** ist die vereynigung / da beyde schloßbeyn zusamen gond.
- Q.** die schinbeyn oder grösser rören des vndersten schenckels. Dises beyn ist vornen vast bloß mit wenig fleisch / alleyn mitt haut versorgt. Mitt disem beyn vereynigt sich das bein der diech / wie du klarlich siehest die höle / in welche sich die knorren des obern starcke beyns der diech begeben vnd vereynigen.
- R.** ist das kleiner rhor der wadē Dises beyn ist nitt als lang als das vorig / auch nit als groß / mag d. sknye nitt erreychen / wirt aber oben vnd vnden dem grössern r. wern rhor des schinbeyns vergleicht. Dis ober vnd vnder teyl neant man den schenckel.
- S. T.** seind die knoden oder knorren des vndersten theyls des grössern rörs / der schinbein / da sich der schēctel mit dem füß vnd dem bein der versen zusamen gelidet.
- V.** ist das aller gröst bein des füß / die versen.

Dolgt ein andere figur / die gebeyn rücklingen anzusehen.

Thugen

Anatomie und beschreibung aller glieder.



Augenscheinliche anzeigung vnd beschreibung aller gebeyn des menschen / rücklingen oder hinderwärts anzusehen.

S Adiser nechstvorgonden figurē sihestu augenscheinlich wie die form des haupts oder hirnschedels / einer runden überlengten kuglē gleich geformiert ist / auch wie die nāt / durch welche die beyen zūsamē gehafft seind / sich am hindern teyl des haupt hafens zūsamē geben ꝛc.

A. Ist die nāt / welche sich durch die scheyttel / wie obgemelt / zū dem obern beyen der stirnen / auch etwan biß durch das nasen beyen erstrecket.

B. Dise nāt erstreckt sich auff beyde seit des hindern teyls des haupts / vnd fasset in sich das hinder starck beyen gegen dem nacken zū.

C. ist die oberst nāt / die sich in die stirn zeihet / wie droben gesagt / das aber sollichs alleyn in weibs heüptern gschehe / vnd solche teylung der stirnen gesehen werde / ist / wie obgemelt / falsch.

Dise drey nāt verändern sich auch etwan / so das haupt nit natürlich gestaltet ist / nach art des mangels / hoch oder nider gebogen.

D. seind die nāt der schlāff beyen / mögen baß vereynigung oder zūsamēfügung genennet werden / dann nāt / seind auch den aderen notwendiglich / gleich wie auch alle andere nāt od̄ vereynigung / dann sich andere beyen des haupts hafē / vornen vnd dahinden / auch zū beyder seit / zūsamē vereynigen / aber alle solche nāt vñnd vereynigung der hirnschalen vñnd des angichts / magstu mit ringen mühe erlernen / auß eynem ganz weissen verweßnen gerner kopff / da dir solche alle augenscheinlichen vor augen stond.

E. F. seind beyde schulter bletter vñnd der nacken.

G. seind die hölin darinn das gleych geht des obern arms rhors. Der ruckgrad hat xxiij. knorren oder gleych / sibē am hals / der rücken vñnd die buß xij. die nieren v.

H. ist das letst vñnd vnderst beyen des ruckgrads / der arßbürtzel genant. Galenus sezt es etwan von drey / etwan von vier beyen zūsamē gesetzt zū seyn.

I. ist das vnderst teil dises beyens / der recht arßbürtzel.

Anatomi vnd beschreibung aller glider

K. seind die zwo grössern rhören der diech / die grossen beyn vnd seülen oder stützen des ganzen leibs.

L. Ist der knod des gewerbs oder gleychs dises obern beyns.

M. die gabel oder hals / nechst den knorren.

N. ist das auffer theyl vnd vnuolkommen knoden des hüfftbeins

O. das recht rhoz / da der schenckel anfahet / vnd am dicksten ist.

P. die andern zwen knorren des obersten rhoz / mit welchem es sich in die hölen des obersten teyls der schinbeyn vergleychet zc.

Ettliche zölen die gebeyn der menschen / CC. xlvij. wie volgender reymen anzeygt.

Auf xlvj. zweyhundert beyn

Ist gemacht des menschen leib gemeyn. zc.

Aller Musculen oder Lacer=

ten / das seind maufffleysch des gantzen menschliche
Cörpers / kurze vnd eygentliche beschreibung.



Leicher weiß wie

der menschlich körper von gebeyn gefundiert oder beuestigt ist / also wirt er auch durch die Musculen vnd Lacer= ten / das seind die maufffleysch / bewegt vnd getriben. Dis maufffleysch seind zusamen gesetzt von weissem geä

der oder nernen / fleisch / haut / vnd mit einem dünnen fellin oder netz lin vmbgeben / mitt dem weissen geäder zu oberst dem gebeyn angehaftet / in der mitte dicker vnd fleyschiger / zu beyden enden sich in ein weis geäder enden / mit ranen köpflin / einer maus oder Laderen gleich / daruon sy den namen entpfangen / dann zugleich wie gmelte thierlin

thierlin in der mitte ettwas dicker/vnd zū beyden enden/hinden vñ fornen schmal/also seind auch die Musculi oder meüßfleischling gestaltet vnnnd geformiert/dann durch dise gemeldte maufffleisch werden alle glider mit willen bewegt/zū ihrem gebürlichen ampt vnd werck gestreckt/gezogen/gebogen/vmbgewendt/vnnnd dergleichen bewegnis/so wir mit willen thünd.

Dise maufffleisch werden nitt on grossen schaden vnnnd gefärligkeyt geleyt/dann der krampff vnnnd gegicht volgen. Von grosser arbeyt entpfinden sy schmerzen/darauf dan die müdigkeit entspringet. Solcher maufffleisch seind mancherley art/vilerley gestalt/auch vilfeltiger würckung/dann etlich halten an sich/ettlich treiben von sich/oder schupffen hinweg/von der wärme vnd hitzigen dinge werden sy gesterckt/von kälte werden sy düm/doll vnd geschwecht/deglichen auch von fetten schmalzigen oder öligen dinge/werden sy geleyt/vnd in der ansichhaltenden krafft gehindert. Was rauch/herb/vnd ein zūsamenziehende krafft hat/das stercket vnd erquicket sy. Ettliche seind an der form langlecht/ettlich dick/vnnnd etlich vast breyt/etliche dermassen vermischet/das sy nitt wol voneinander getheylet oder abgeschölet werden mögen/vnnnd wirt ihr allein durch vilfältige art der bewegung wargenommen/wie sollichs gemeynlich an der stirn/vnnnd fürnemlich den lefftzen gemerckt wirt.

Ettlich haben solcher Musculen oder maufffleisch von mancherley gestalt vnd form/in der bewegung des menschlichen cōpers/über die CCCCC. gezölet/aber solche zal ist von den alten als vngewis/vnderlassen worden/welche allein die/so inn den fürnemmbsten glidern seind/ersücht haben/vnnnd welche mit höchster gefärligkeyt verwundet wurden/dann etliche leichtlich on schaden geheylt werden mögen/aber etliche/vnnnd die fürnambste/werden nit on tödtliche gefar geleyt vnd verwundet.

Die Musculen oder meüßfleisch des haupts/der stirnen/der augbrauen vnnnd auglider/der lefftzen/der backen vnd wangen/vnnnd dergleichen/seind dermassen vermengt/wie droben gesagt/das sy vil mehr von der bewegung dises orts gezölet werden/dann durch augenscheinliche abtheylung/in dem obersten kifel zölet man zwo/inn den lefftzen gleich vil/in den naßlöchern vñ vndersten kifel zwölff/vmb den hals herumb bey den xxiij. in der kälten/ander gurgel vnnnd zäpflin. xxxij. vom hals auff die schultern xxiij. in der zungen werden ix. gefunden/ander brust acht/welche die brust auffheben/vnd

Anatomi / Contrafactur vnd beschreibung

acht die sy wider zûsamen ziehen im athmen. Zwischen yeder rippen werden vier gezôlet / darumb das die fasen auff vier ort durcheinander gschrenckt seind. Auff beyden schultern werden über die acht vnnnd zweynzig gezôlet / dann etliche von einem eynigen haupt oder anfang / sich in zwen außgänger strecken vnd theylen.

In den armen werden der grössern vier vnnnd zweynzig gezôlet / in der obern maß vnd elnbogen / aber in der flachen handt vnnnd fingern nach art der vilfeltigen bewegung / werden nach mûtmaßung / acht vnd zweynzig gezôlet / deren etliche dermassen vermischet vnd verschrencket seind / das sy nit wol abgeschôlt werden mögen.

Der weißfleisch so den rucken biegen / ziehen vnnnd bucken auff alle ort / werden acht vnd achtzig gefunden / deren etliche zû dem vordern bauch gehören / der gemacht vier / der blasen hals hat alleyn eyn einzigen Musculum / das mannlich glid vier / im afftern oder maß / darinn gleich als vil. Diser weißfleisch so etliche erlâmen / so entgadt dem mensche die vnreynigkeyt des stûlgangs / on seinen willen vnd wissen. In den schenckeln werden die aller grösten Musculen oder weißfleisch gefunden / auff sechs vnnnd zweynzig / zwo seind die fürnâmbsten / deren die ein den schenckel streckt / die ander zûsamen zeihet / von dem gelenck oder gleych der hufft / mitt einer weissen adern oder nerven / der grössern zehen angehefftet zû dem gang.

Die Musculi so den schenckel streckē / werden für die fürnâmbste geacht / vnnnd am meisten im lauffen / gon vnnnd ston bemüdet / eben bey solcher hufft wirt mer eine gesehen / oberhalb mit iij. heüptern / vnderhalb mit zwifachem außgang / etliche seind den lenden / etliche den hufften angehefftet / in yedem diech werden jr vierzig gezôlet. In dem knyebûg vnd dem schinbeyn herumb / er findet man bey acht vnd zweynzig / Vmb den bûg herûb des füß / durch den füß hinauf / xxij. deren einer sich erstreckt in zwen runde nerven oder schnierlin / vmb die zehen herumb seind zwey / deren ein yede auch zwey weisser flachs schnierlin oder nerven von sich außspreytet. Vnder den solen seind ihr fünff / deren etlich vnder eynder dermassen verschrenckt seind / das sy in keinen weg wol abgeschôlet / oder voneynâder geteylet werden mögen / deß gleichen auch so einer verletzt wirt / entpfahet sy allsamen schaden.

Aber inn kurtzer Summa zû beschliessen / werden aller Musculen
oder

aller glider menschliche cörper.

xiij

oder Lacerten / das seind erst gemelte weißfleysch / bey fünffhundert
sechs vnd zweynzig gezölet. Darumb hab ich die fürnambsten auff
das aller fleissigst / als ich es durch das malwerck diser zeyt
hab mögen zůwegen bringen / auff taflen / vnd wie
volgt / für augen stellen lassen / zů besse-
rem verstand. .xc.


Die erst figur eines geschundnen cörper / an volgendem
blat / zeygt dir an die gestalt der Musculen oder La-
certen / das seind weißfleysch / dardurch
der gantz leib bewegt wirt / vnd
mit willen zů dem ge-
bülichen
werck vnd ampt aller glider
des vordern theyls
des leibs getri-
ben.


Die ander nechstuolgend figur zeygt dir an solche Musculen
Lacerten oder weißfleysch / so zůruck oder rücklingen vnd
beyseits gesehen werden mögen. .xc.

Die erst figur der musculen lacerten oder weißfleysch.

D ij Clarliche

Anatomi/ Contrafactur vnd beschreibung





Anatomi/Contrafactur vnd beschreibung
Clarliche anzeygung/
 eygentliche beschreibung / vnd or-
 denliche teylung aller innerlichen fürnamb-
 sten glider weibs vnd mañs/inner-
 halb im leib verschlossen/mit
 artlichen Figuren
 Contrafey
 tet.



Ales gebeyn/zü

gleich als die stercke vnd be-
 festigug menschlichs cõpers / sampt
 den Musculen vnnnd Lacerten / als
 die fürnambsten stuck / menschlichen
 Cõper züerhalten/haben wir gnüg-
 samlich / doch auff das kürzest / biß
 hieher angezeygt vnnnd beschriben. Erfordert nun weiter die ord-
 nung / auch die inneren glider / so innerlichen in dem leib vnsichtbar
 vnnnd verborgen / an den tag zübringen / eröffnen vnd zübeschreiben /
 darinn die wunderbarlich vilfältige änderung der natur / eygentli-
 chen gesehen wirt / von wegen vilerley vnzälicher nutzbarkeytten/
 hoch von nöthen.

Derhalben ich den günstigen Leser hie ermanet haben will / das
 er solche verborgne geheymniß der natur / mitt reuerentz vnnnd ehre
 entbietung anschawe / nicht alleyn die Materi an ihr selbst / sunder
 vil mehr das werck / Vnd darnach betrachte den wunderbarlichen
 willen vnnnd fleiß des höchsten werckmeysters / des schöpffers vnd
 erhalters aller ding / welcher sollichs wunderbarlichs werck erschaf-
 fen / vnnnd gemacht hat /

Dann fürwar dises vnergründtlich werck ein anzeygung gibt/
 das

Das der mensch nicht / wie die Heyden geglaubt vnnnd gehalten / also schlechtlich von der erden erwachsen sey / sunder von Göttlichem vnendlichem wesen vnnnd verstandt / nitt on wunderbarlichen vn-ergründtlichen radt vnnnd fürsichtigkeyt Göttlicher weißheyt / zů gewissem zil vnd end erschaffen sey / von welchem im auch eingegossen verstand vnnnd vernunft / ein gewis merckliches zeychen Göttlichen wesens.

Weitter soll auch ein yeder fürnämlichen betrachten / wie anmütig / lustig vnnnd lieblich sey / auch wie nuzlich vnnnd notwendig / nitt alleyn den menschlichen Cörper in gesundtheyt / sunder auch in gütten sitten / zů regieren vnd vnderweisen / so wir beschawen / in was weiß vnnnd art / durch welche Instrument oder werckzeig wir erhalten / ernöret vnd geführt werden / vrsach der geburt / anfang vnd vrsprung aller bewegung des gemüts / Welcher solche anmüttige liepliche betrachtung nitt höchlich verwundert / der ist freilich auß der rechten art der menschen / gänglich außgetreten vnd abgewichen. Dann in der wunderbarlichen ordnung vnd auftheylung der glider / hat der Allmechtig ewig Gott / schöpffer der himmel vnnnd erdtrichs / nitt alleyn wollen anzeygen die werck / so er sunderlichen von dem menschen erfordert / sunder auch ein bildtnis vnnnd beispil angezeygt / einer ganzen Pollicey vnnnd gemeiner versamlung einer statt.. Dann zůgleich / wie er den leib in drey fürnemliche theyl geordnet vnd vnderseyden hat / also / das der vnderst bauch der nahrung / fürung vnd vnderhaltung des ganzen leibs dienette / der ander vnnnd mittel theil / darinn das hertz gefasset / zů bewegung des gemüts / vnnnd beschirmung / aber den dritten vnd oberen theyl / darinn das hirn verfasst / zů erkündigung vnnnd erforschung hoher fürtrefflicher ding.

Also soll auch in einer wolgeordneten gemeynd vnnnd statt / erstlich von güttem Regiment fürnemlich fleis angewendet werden / dz die Burger vnd eynwoner nahrung speis vnnnd trancs / zů täglicher notturfft haben mögen. Zum andern / das sy fridlich leben / vnnnd von allem übertrang vnnnd vnbillichet beschirmpt werden. Vnnnd zů dem dritten / das sy zur weißheit / erkandtnis Gottes / vnd anderer ehilicher nützer handlung vnderweisen vnd gehalten werden.

Also zeygt vns an vnser eigen bildtnis / was wir fürnemlich erwollen vnnnd thun sollen / warzů wir erschaffen / vnnnd gibt vns / wie ge-

D iij sagt

Anacomi/Contrafactur vnd beschreibung

sagt/ein beyspil vnnnd bildtnis/ eins rechtgeschaffnen Regiments/
oder wolgeordneter statt vnd gemeynd.

Darumb wir also fürtfaren wollen/alle solche erzölte würckung
samt ihren zugehörigen Instrumenten oder werckzeug züerzölen.
Hab hie nicht alleyn solche ordenliche vnderseydung dreyer theyl

des ganzen leibs anzeigen wollen/darmitt alleyn die ort vnnnd

statt eins yeden innerlichen glids/ verstanden vnnnd ge-

merckt würde/sunderlich das wir auch darbey für-

nemlich betrachten solten / zü was würckung

vnnnd gebrauch ein yedes fürnämlich er-

schaffen wer / vnd was würckung

die natur von vns erfordert/

die vnergründlichen

wunderwerck

Gottes

des

Almech

tigen/vnd schöpf

fers aller ding/in den irr-


dischen Cörpern zü betrachten .ic.

Die erst nechstfolgend Figur zeygt dir augenscheinlichen an/die
innerlichen glider des mañs.


Aber die darnach volgt/eins weibs. Welche/dieweil solche inner
liche glider/beyde in weib vnnnd mann vast gleich seind / alleyn was
zü den geburt glidern des weibs gehört/hab ich solche inn der Figur
des weibs alleyn anzeygen wollen.

Was ein yeder büchstaben mitt seim strichlin bedelitte / würd ich
dir hernach erklären vnd anzeygen/wa du bessern verstand vnd vñ-
derrichtung entpfahen wirst/auf volgender red.ic.

ordenliche



Anatomi/ Contrafactur und beschreibung




aller glider menschlichs cōpers.

xcviij

Ordenliche Beschreibung

des magens/seiner wunderbarlichen
zusamensetzung/natur/krefft/würckung
vnd nutzbarkeyt.



Leicherweiß wie
auch der fürnambst/trefflich
vnd hochgelobt Griechisch arzt Gale
nus/also wollen wir auch inn beschrei
büg der innerlichen glider ein anfang
nehmen von dem magen/dieweil sein

nutzbarkeit fürnemlich bekant/vnd erstlich seingstalt/ort vnd statt/
nachmals von der Substanz oder materi/vnnd zulest von seiner
vilfeltigen nutzbarkeyt zureden.

Der magen/welcher erstlich die verschluckte speiß entpfahet/vñ
erstlich ändert/liget gerad vnder dem zwerchfel gegen der gerechten
seytten/ist an der form oder gestalt rund/überlengt doch zūnderst
in der tieffe am weitesten/dan ye länger ye enger/sich gegen der lin
cken seitten erhebend/beim xij. knorē oß gleych des ruckgrads her
umb/ist dem ruckgrad oder obgmeltem zwerchfel/welches den vn
dersten bauch von dem obersten theyl der brust überzwerch herüber
abtheilet vnnd vnderseydet/wie hernachmals weitleüffiger ge
sagt vnd angezeigt wirt angehafft.

Anerstgmeltem ort erstreckt vnnd pflanzt sich eyñ/in dem ma
gen/ein rhor/welches sich einem vmbgestürzten vordern theil einer
messin trumeten oder hülzin schalmeien vergleicht/sollichs rhor er
streckt sich übersich bis in gaumen/doch nicht stracks/sunder etwas
gebogen/dannes muß der grossen leber adern weichen. Dises ror
wirt der schlund/oder speiß rohr genant/derhalben/das die speiß
durch in magen gebracht vñ verschluckt wirt/vom mund d.urch den
half in magen.

Der

Anatomi / Contrafactur vnd beschreibung

Der magen hat zwey außgãng oder mundtlöcher / als das ober / welches wir gemeynlich den magenmundt nennen / da sich erstgemeldt speisrhor zu dem magen begibt vnnnd vereynigt / namlich vnder dem zwerchfel / wie wir dann auß täglicher erfahrung erlernen / also das wir solche artzney gerad vnder das spitzig knürspelin des brustbeins in das hertzgrüblin aufflegen vnd brauchen / darmit wir den magenmund stercken vnd krefftigen wollen.

Das ander teyl / oder mundtloch des magens / ist das loch / durch die geändert speis / vnnnd auch die überflüssigkeyt / aufgelart / wie hernachmals weiter gesagt wirt / dann der mag hat kein andern außgang / sich von der vnreynigkeyt zu entledigen vnd reynigen. Dise beyde löcher oder außgãng seind ordenlich gesetzt worden / zu beyden seittē des magens / darmit die speis nit zu schnell hindurch / trincke / so bald auch die speis eingenommen wirt / werden sy beyde verschlossen / darmit die wärme dester bas im magen bleib.

Darmit sich aber einer nit verwundere / wie es zügãng / dz das ander mundtloch auch verschlossen werde / dieweil es ein sollich lang rhor vom magen über sich steigen hat / dem magen ganz vereynigt / darüß soltu wissen / dz zu underst sollich schlundts oder speisrhor / breytte falten seind / durch welche sollich mundtloch auch zusamen gezogen / gestopfft wirt vnd verschlossen.

Es wirt auch offstgemelt speisrhor von dem zwerchfel an diesem ort zusamen getruckt / wie dann sollich auch vnder der nutzbarkeyt des zwerchfels geölet wirt / namlich den obern magenmundt zubeschliessen. Hier auß magstu auch leichtlich mercken vnd abnehmen / wa diser magenmundt offen stadt / das es ein böse döwüg gibt / dann nit alleyn die dämpff auffstiechen vnd über sich steigen / auch die natürlich hitz gemindert wirt / sunder gibt auch sollich ein anzeygung schwache vnd blödigkeyt der kreffst / vnnnd nachlassung der obgemelten breytten falten.

Es neygt sich aber der magen mehr gegen der linken seitten von der rechten / der vrsach halben / namlich das der leber auch statt gegeben werde / welche auff dem magen ligt / vnd gleich mit iren sachen als mit völliger handt vnnnd den fingern / begreiffst / fasset vnnnd erwärmet.

In der linken seitten ligt das miltz / darmit es an der selbigen seitten dem magen wärme geb / vnd die Melancholisch feuchte in magē gieße / von welcher die begirliche kreffst / vnd der lust oder Apetit zu
der

der speiß im obern magenmundt / angereyzt werde. Weiter von welchen orten vnd theylen er mehr beholffen / vnnnd in seiner würckung gesterckt / wirt nachmals gesagt / aber hie ermanet mich die gelegenheit des magens / das ich sagen oder anzeigen muß / auß was vrsach es nützlicher / besser vnnnd gesunder ist / nach eingenommener speiß sich auff die recht seit zulegen / namlich der vrsach halben / das der magen bas am vndersten teyl oder am boden erwermpet werde / vnd auch / dieweil der magenmundt über sich gehalten / die speiß nit außgegossen werde.

Der magen ist eins teyls fleyschiger / vnd eins teils weißäderiger substanz / dann er von zweyen sellen zusamen gsetzt ist / deren der innerst vnd erst dicker ist / mehr von weißem geäder / gröber / viler fachen / rauch vnd zinlecht / hat innerhalb lange fachen / mit welche er gleich als mitt den fingern / die speiß an sich zeucht / im euffersten fel hat er überzwerche fachen / welche dienen der behaltenden krafft.

Das eufferst fel oder bekleydung des magens / ist fleyschiger / hat breytte fachen / nütz vnd dienstlich außzütreiben.

Die Complexion oß natur des magens ist kalt vnd trucken / namlich dem weißen geäder bequeme natur / von welchem er fürnemlich zusamen gsetzt wirt / erstlich von der entpfindtlicheyt wegen / also das ihm von bequemen stücken geholffen / aber die schädlichen vnd im züwider / meyde vnd scheühe / nachmals das auch die begierlichkeit vnd würckung krefftiger sey. Weiter auch / das er harter sei / darmit er nit vō der scherpffe oß rauhigkeit der speiß verlegt werd.

Der magen hat aber auch ein innerliche angeborne werme / dann die eufferst haut etwas hitziger ist / vnd wirt auch der magen vō den nechsten neben glidern / als namlich von der leber / vom milz / hertze vnnnd zwerchfel / welches on vnderlaß getriben wirt / erhitzt / desgleiche auch vom geüdel oder schmer fel / weiter auch vom athem / welches seer vil in magen entpfangen vnd getriben wirt / derhalbē / das er den nechsten glidern herumb angehaftet ist / durch blüt vnd pulß adern.

Die nutzbarkeit des magens ist nit vn bekant / dann er dienet der ernörenden vnnnd füren den krafft / derhalbē er auch ein natürliche krafft hat / die speiß zübegeten / dann im magen der hunger erweckt wirt / dan die außgetrückneten glider narung erfordern / vnd solche vnderstond auß den adern vñ leber an sich züziehen / aber die adern auß der lebern / vnnnd die leber auß dem magen / der magen auß dem
E. schlund

Anatomi/Contrafactur vnd beschreibung

schlundt oder magen mund/dann also wirt der schlund zusamen getruncken vnd verrunzlet/der speiß begirig. Zu solcher begird reyt die Melancholische feuchte/vom miltz in den magenmundt aufgegossen/dermassen erhebt sich der hunger. Wiewol auch noch andere anzeigung mer seind/auf welchen gemerckt wirt/das der hunger natürlicher weis im magē sey/vnd ein sonderliche eigenschafft hab/die speiß zübezeren vnd ansich züziehen/welchen nun das speiß rhor oder schlundt vast weit ist/die selbigen seind auch vil fressiger/dergleichen auch die/welchen solches kal ror von harter dicker haut ist. Also seind nun viererley würckung vnd kressst des magens/als namlich die speiß ansich züziehen/zübehalten/ändern/vnd so die narung überschickt ist/das überflüssig aufzütreibē/vnd seind aber/wie auch droben gesagt/etliche sachen verordnet/an sich züziehen vnd zübehalten. Aber die würckung die änderung ist die fürnambst/namlich durch welche die speiß geändert vñ verwandelt wirt in einen safft/welcher als lang gedöwet wirt/bis er zeitig ist der lebern überschicket züwerden/aber solche döwung geschicht erstlich durch sonderliche eygne krafft des magens/welches darauff gemütmasset wirt/dz der gantz magen also kressstiglich alle speiß zūmal an sich zeicht/erhältet vnd wärmet/gleich wie von der barmütter die frucht an sich gezogen/geführt/erwärmpt vnd erhalten wirt. Dann wirt ihm in solcher döwung geholffen/vō der hitz/durch den lufft oder athem/flegmatischer feuchte/vnd gallen. So bald dann der safft gedöwet ist/wirt das vnderst mundtloch des magens eröffnet/vnd der safft in den ersten darm/der zwölff zwerchfinger lang ist/geführt/nachmals in den schlauch/in welchem ettliche äderlin seind/die solchen safft an sich ziehen/vnd zū der leber bringen/aber die überflüssigkeyt wirt inn den sack oder blinden darm(also genant/das er nun einen aufgang hat)getribē/von disem in die andern darm/bis zūletzt zū dem aufgang durch den masdarm vnd afftern.

Nun haben wir in kurzem von dem magen geredt/sein ampt vñ würckung erkläret/aber vor vñnd ehe wir zū der lebern kummen/in welcher nachmals die ander döwung geschicht/wollen wir erstlich die deckung des magens beschreiben/von grosser fürsichtigkeit Gottes vñ der natur erschaffen/den bauch vnd eingeweyd zübeschirmen.

aller glider menschlichs cōpers.

xx

Von dem Geüdel/netzlin / oder Schmer
fellin des vndersten bauchs.

Der geüdel/das netzlin oder Schmer fel/ist ein fellin von
weissẽ geäder / von vilen blüt vnn̄d hertz äderlin ge-
macht/allenthalben mit feystigkeit erfüllet/hat seinen
vrsprung vnd anfang von dem zwerchfel/welches den
vndersten bauch von dem obern theyl der brust in der mitte vnder-
scheydet.

Dises fellin bedeckt den magen vñ gedärm/erstreckt sich bis auff
die schloßbeyn. Sein nutzbarkeyt ist/das die natürlich hitz darmit
in dem magen behalten werde/vnd gesterckt/auch das es behülfflich
sey mit seiner eygnen wärme/derhalben es allenthalben mit feystig-
keit erfüllet ist/das es dest kressziger werme / vnn̄d sollichs bezeuget
Galenus/mitt einem fecht oder schirm meister/welchem solchs fel/
ettlichszüfals halben/aufgeschnitten worden /diser/wiewol er leb-
te/mocht er doch wenig döwen/vnd müßt vile üsserlicher wermüg
brauchen.

Von einem andern fellin/welches allenthal-
ben alle glider des vndersten bauchs vmbgibt.

Dies ist ein ander fellin / von Gott vnn̄d der natur er-
schaffen/welches vmbgibt/in sich fasset vnd schleißet/
alle glider des vndersten bauchs / den magen / das vor-
rig fellin/das gedärm/die leber/das miltz/die nieren.
Dises wirt /wie gesagt / allenglidern vmbspannen / hat auch seinen
anfang vnd vrsprung vom zwerchfel/vnd erstreckt sich bis zü dem
schloßbeyn/an den knorren oder gleychen des ruckgradts angehaff-
tet.Dises ist an etlichen enden dünner / an etlichen dicker.

Sein nutzbarkeyt ist/das es beschirme oder erwärme / auch dz es
anhencke vnn̄d anheffte die glider des vndersten bauchs an den ruck
grad/am vordern teil erhaltet es auff die vordern meiß-
fleisch des bauchs/die zü der bewegung erschaffen
seind/auff disen ligt die feystigkeit/
hernach die haut.

¶ ij Von

Anatomi/Contrafactur vnd beschreibung Von mancherley art/gestalt vnd wür- ckung der därm.

Doch nach dem magen volgen die därm/welche/wie-
wol sy aneinander hangen/vnnd ein ding ist/werden
sy doch vilfeltig vnderfcheyden/von wegen jr gestalt
vnd würckung/die obersten seind ran vnd dünn/dañ
im durchgang/auch in ihnen ein dörung geschicht oder volbracht
wirt/die andern hernach seind noch raner vnd dünner/darmit sy/
wie auch Galenus spricht/baß erhitigt werden mögē/vnd ein leich-
ter durchgang gschehe. Die übrigen vndersten seind fleyschiger vnd
dicker/dann sy führen auß das kadt vnnd vnreynigkēyt.

Der erst darm nechst am vndersten mundtloch des magens/ist
xij. zwerch finger lang/darvon er im Latin den nammen hat.

Der ander nechstuolgend mag der schlauch geneñet werden/dañ
er alzeyt lār ist/vnnd was er entpfahet/bald durchlauffen laßt/wie
ein schlauch.

Der drit ist der lang dünn ran darm/wunderbarlich hin vnd wi-
der gebogen.

Der vierdt ist der sack oder der blind darm/danner hat nur einen
aufgang.

Der fünfft ist der groß plastdarm.

Der sechst vñ der letst ist der maßdarm/oder der schlecht darm/
an welchem zūnderst der afftern gsetzt wirt/aber sollichs eygentli-
cher zūuerston/willich dir von einem yeden darm in sunderheyt sa-
gen/seinen nammen/krefft vnd würckung erzölen.

Von dem ersten darm xij. zwerch finger lang

Dieses ist der aller erst darm/wie droben gesagt/so seinen
anfang hat gleich zūnechst des magens/am vndersten
mundtloch des magens/erstreckt sich über sich gegē der
rechten seitten dem rucken zū/darmit er hefftiger ange-
hafftet werden mög/auch das er füglich gesezt sey gegen dem gang
der gallen zū der leber/dann daselbst da sich diser darm endet/vnnd
der schlauch anfahet/ist der gang des gallenbalgs/durch welchē die
gall die speiß auftreibt/vnd den darm reynigt.

Von

Von dem schlauch.

Alternächst dem vorigen darm / xij. finger lang / volgt der schlauch / der hat ettliche krümme vnder der leber / nachmals erstreckt er sich ettwas schlechter od̄ gerader zu der leber. Der namen dises darms zeygt an sein krefft vñnd würckung / danner allzeyt lár ist / wie ein schlauch / dann es seind auch etliche gáng der gallen in disem darm / welche die speiß on vnderlaß austreiben. Diser ist auch der leber am nechsten / welche auff das beldest den safft darauf an sich zeücht / vñnd zu solcher würckung vñn nutzbarkeyt / seind in disem darm vil der ansichziehenden áderlin erschaffen / darmit sy den safft bald auffaugē. Von disem darm wirt auch ettwas gallen den anderen dármen überschickt / die vnreynigkeyt darauf zútreiben.

Vom langen dünnen ranen darm.

Diser ran / lang vñnd dünn darm / hat eben gleiche würckung vñnd nutzbarkeyt / wie der erstgemeldt schlauch darm / namlich das die speiß iren gang dardurch hab / ist alleyn diß der vñnderscheyd / das der schlauchdarm gar bald aufgsogen wirt / aber der lang / dünn vñd ran darm behelt den safft länger. Darumb er auch vil krümme hat / vñd wunderbarlich hin vñd wider gebogen ist / darmit er den safft dest bas dōwe / auch dest lenger narung oder fürung geb / darmit man nit bald wider zúfüllen muß / vñd on vnderlaß speiß nemen. Derhalben auch in disem langen ranen dünnen darm / mer der saugenden áderlin gesehē werden / dan in andern gedárm. Diser darm / dieweiler der aller lengst ist / wirt er auch der vñrsach halben also vilfeltig hin vñd wider gebogen / danner windet sich wunderbarlich vñmb die lenden / dann von der leber biß zu dem sack oder blinden darm / vñd sein bñg vñd krümme seind verhaßt mitt dem kantz des kreses.

Der trefflich Philosophus od̄ erkündiger der natur Plato spricht / dz dise vilfeltige krümme der vñrsach halben erschaffen seien / dz wir nit on vnderlaß speiß nemen müßten / vñnd also vnser leben mit fressen vñd sauffen on alle kunst vñd weißheit zúuerzōren.

In disem langen ranē darm erhebt sich ein vnleydlicher schmerz vñd krümmen / so er verstopfft wirt vñd nichts durchgon mag / oder grobe záhe flegmatische schleyim darinn verschlossen seind.

¶ iij Von

Anatomi / Contrafactur vnd beschreibung Von den größern vnd gröbern därm/vnd erstlich vom sack oder blinden darm.

Der sack oder blind darm ist nechst vnder der leber vñ dem rechten nieren gelegen / dem erstgemelten langen dünnen ranen darm nechst angehasstet. Sein ampt vnd würckung ist / dz er am nechsten die vnsaubrigkeit von solchem langē ranem darm entpfahet / in welchem doch noch ettwas saffts ist / welcher von wenigen offtgemelten saugenden äderlin / auch in disen darm / an sich gezogen wirt / vñ dieweil diser darm ein statt vnd versamlung ist der überflüssigkeyt / ist er etwas weiter vnd größer dann die andern därm / derhalben er auch gemeynklich ein sack genennet wirt. Wirt auch der blind darm genannt / dann er hat alleyn ein eynigen eingang oder aufgang / durch welchen er die überflüssigkeyt von dem vorigen langen ranen darm entpfahet / welche / wa sy wol aufgesogen seind / von jm in den plast darm getrieben werden. In disem sack oder blinden darm sollen die würm wachsen / als etlich wollen.

Vom grossen plastdarm.

Aler nechst nach erstgemeltem sack oder blindem darm / volgt der plastdarm / auff zweyer elē lang / hat auch mancherley büg oder krümme / darmit die überflüssig vnreynigkeyt nit zū schnell durchlauff / sunder auch hi aufgesogen werd / durch die saugende äderlin / was noch von gistem safft überbliben ist. Diser darm fahet an / wie gesagt / nechst am sack / in der rechten seitten / erstreckt sich inn die lincke / erhoht sich dann zū dem miltz / überzeucht also den magen vnd die leber / die selbigen zū erwärmen / auch das er entpfahet vnder dem datten sack der leber / ein gāg auß dem gallen bälglin.

Dann dieweil diser darm fürnämlich erschaffen ist / die überflüssig vnreynigkeyt auß zū treiben / ist er fürnemlich der gallen von nöten / durch welche solche aufreibung gereyget vnd gefürdert wirt. Derhalben entpfahet auch die vnreynigkeyt in disem darm die farb / wirt erst zū kadt / vñ vñd von der gallen gegilbet. Dieweil auch in disem darm vilerley winckel seind / entpfahet das hart kadt solche gestalt

stalt der winckel. In diesem darm erhebt sich das grimmen vnd vn-
leidlicher schmerzen des darmgeichts / so er verstopfft / oder mitt
zähem flegmatischem schleyim erfüllt wirt.

Von dem letzten darm / der maß- darm genant.

Der plastdarm wendt sich von der leber / gegen dem lin-
cken nieren / daselbst fahet an der maßdarm / welcher
der schlechtest oder letst darm ist / der erstreckt sich biß
zu dem afftern. Diser ist angeheftet an das vnderst
beyn des ruckgrads / oberhalb des arßbürgels vnd
dem knorren oder ruckgleychen der nieren.

Führet auß das kadt vnd überflüssige vnreynigkeyt / derhalben er
vast weit vnd lang ist.

Zünderst an erstgemeldtem maßdarm ist der affter / welcher vñ
ettlichen meiß fleischlin / gleich als ein beüttel oder seckel / auff vnd
zü gethon wirt / darmit er bewaret sey / das vns nicht vnwissend /
oder wider vnsern willen / die windigen pläst / oder das kadt / in die
hosen entgang.

Also haben wir auff das fleissigst / doch in kurzem erzölet alle ge-
därm. Nun ist auch weiter von nöthen / das wir von jr züsamense-
tzung / materi vnd substanz reden. Die heütlin der darm seind vast
der art des fleysches / doch meer von weissem geäder erschaffen / ha-
ben vil breytter fachen / welcher natur ist außzütreiben vnd von sich
züschieben / dieweil sy aber wenig bedörffen an sich züziehen / habē sy
der andern fachen vil weniger.

Von dem dünnen netzlin / welches den frantz des kreses züsamenheffet.

Die seind noch weiter zweyerley stuck zubeschawen vnd
züerklären / vnder dem gedärm / so nitt darm seind / sunß
ein dünnes subtiles fellin oder netzlin durch das gedärm
geschrenckt / nitt alleyn die selbigen zühalten / tragen / vnder scheydē /
an den rucken zühefften / sunder fürnämlich die saugenden äderlin
E iij gleich

Anatomi/Contrafactur vnd beschreibung

gleich als rhölin/züenthalten/das sy den safft auß dem gedärm hin vnd wider aufsaugen/an sich ziehen/vnd zü der leber überschicken/dann dises fellin von vilen reynen subtilen äderlin züsamen gesetzt ist/vnd ist diß die nutzbarkeyt des fellins/des frantz des kreses. Dann dieweil ein lediger platz vnd vnderseyd ist vō der leber biß zü dem gedärm/ist von nöten gewesen/ettliche rhölin/die solchen aufgesignen safft dahin brechten/vnd dardurch zü der leber geleytet würde. Derhalben von dem gang oder porten der leber etliche adern entspringen/welche sich durch die därm eynpflanzen vnd erstrecken/den offtgemelten safft darauf züsaugen vnnnd an sich züziehen/vnd werden dise äderlin vnnnd das netzlin/welches sy enthalt/etwan von Galeno ein handt der leber genant/durch welche sy solchen safft zü jr zeücht.

Dises fellin/welches/wie gesagt/die saugenden äderlin enthalt/hat seinen vrsprung von dem andern fellin/von welchem wir oben gesagt/welches das schmerfellin vnd alle innerliche glider vmbgibt vnd bekleydet/vnd ist mitt fleyschigen drüßlin allenthalben erfüllt/welches die Griechischen ärzt für ein sunder stuck achten/als hernach gsagt wirt. Dises heütlin vnd fleyschige drüßlin enthalten die saugenden äderlin/sampt etlichem weissem geäder/mit feystigkeit durchspiect/der hertzadern wärme zügeben/der gleichen auch die därm züerhitzen/vnnnd auch den saugenden äderlin/das sy den safft vorhin etwas döwen mögen. Von dem weissen geäder entpfahen die därm entpfindlicheyt/so wirt der safft von den saugenden äderlin ansich gezogen vom gedärm/vñ die därm widerumb darmit gespeiset. Dann zügleicherweiss wie von dem stamm ein baums sich die äst der wurzlen in das erdtrich spreytten vnd zerteylen/darmit sy die narung vnd speiß an sich ziehen/also ziehen auch die ästlin der adern/von der grossen port adern der leber/durch erst gemeltes netzlin vnnnd drüßelts fleysch gespreyttet/allenthalben in die därm gepflanzt/gleich als obgemeldte wurzlen den safft zü der narung vnd fürung ansich ziehen. So seind aber die fleyschigen drüßlin vñ feystigkeit nit alleyn erschaffen zü beschirmen/sunder auch das gedärm züerfeüchtigen/die wärme züerhalten/der adern vñ auch des gedärms. Was sich etwan züvil melancholischer feüchte in disem drüßelten fleyschlin versamlet/erhebt sich ein melancholische wanwizigkeit/welche den nammen von disem fellin entpfahet.

Don

aller glider menschliche corpers.

xxij

Von dem fleyschigen trüßlin oder feyßte am fellin des tranges des kres.

Die Arabischen ärzt (wie auch droben gesagt) vnder scheyden diese fleyschig drüß vnnnd feyßtigkeyt des fellins / des kreses nicht voneynander / dann es ist nichts anders dann wie gesagt / ein fleyschige feyßte Materi / welche die läre statt zwischen dem eyngeweid / dem magen / milcz / der lebern / vnnnd dem gedärm auffüllet / darmit sy auch sanfft ligen / vnd enthelt die saugenden äderlin / wie sollich Galenus mit folgenden Worten bezeüget / der spricht / dz den leber vnd hertz adern an dem ort der port aderen / innerhalb in der höle der lebern / das sy sich ausspreyten in ettliche äst / ein vnderlegung geordnet sey / darmit sy nit brechen mögen.

Also hastu ordenliche beschreibüng diser beyden stuck dem gedärm vereynigt / welche doch nit gedärm seind an jnen selbst / als namlich die fleyschig vnnnd feyßte materi / so die lären statt zwischen dem eingeweyd auffüllen / vnd das heitlin / welchs die saugenden äderlin füret durch alles gedärm.

Von der schöpfung / natur / würckung vnd substantz der leber.

Die leber ist ein fürtrefflich edelglied des eyngeweydts / hoch nützlich zu der ernörenden oder fürenden krafft / derhalben jr würckung vnd auch die fürsichtigkeyt des schöpffers des Allmechtigen Gottes / hierinn wol zu betrachten seind.

Die statt der leber ist gerad vnder dem fleyschigen zwerchfel / welches den vndersten bauch von dem obern teyl der brust in mitte überzwerch scheydet / in der rechten seyten.

Die leber ist an der form oder gestalt halb Circkel rund / oð gleich als ein newet wachsender mon.

Die

Anatomi / Contrafactur vnd beschreibung

Die substanz der leber ist ein rot fleisch / gerad wie ein zůsamen gerunnen blůt / in welcher substanz allenthalben / gleich einem netzlin / die āst der port oder grossen leber ader / gespreyttet seind / dan in der innern hůle der leber ist ein gang / welchen wir die port ader nennen / von welcher gleich als die āst eins baums / die saugenden adern / vnd vil andere aderen mehr / ihren vrsprung haben. Diser gang oder stāmen wirt derhalben von Galeno ein port genant / dieweil durch ihn der safft in die leber gebracht wirt. Aber in der ۆbern fleche entspringet die grof leber ader / welche das blůt zů dem hertzen fůret / vnd wiewol die e ۆssersten gāng weiter seind / spreytten sy sich doch wunderbarlichen / gleich als kleine bāchlin / ānge vnd kleine āderlin / in das gantz corpus der lebern / zů solcher nutzbarkeit / dz die leber den safft auffss weittest aufgspreyt / dest baß dōwen vñ in blůt verwandlen mōg / den ganzen leib darmit zůnōren vnd speisen. Dann sollich allein die nutzbarkeit vnd wůrckung ist der leber / darumb sy auch vō natur warm vnd feucht ist / der natur des blůts gemāf / vnnd ist die fleischig materi die rechte vrsach / durch welche der safft in blůt verwandelt / vnd jr zůgleich / rot gefeibt wirt. Dann wiewol etlich halten / das hertz sey ein brun vnd vrsprung oder werckzeig des blůts vñ seiner schōpffung / halten wir doch die meynung Galeni / welche mit der warheyt leret / dz das fleisch der leber ein werckzeig vnd geschirz sey / durch welches eygne natur das blůt erschaffen vnnd bereyttet wirt / zů der narung vnd fůrung des ganzen leibs vnnd aller glider / aber doch theilet das hertz der lebern mit / den leblichen geyst vnd natůrlliche werme / derhalben erstrecken sich etliche hertzader / vō der nechsten grossen hertzader / in die leber / die seind vast klein / dann sy fassen kein blůt darauf / werden auch nitt genōret oder gefůret von feichtem dampff der leber / sunder bringen herzů den leblichen geist / vnd bereitten den weg zur aufteilung der dāmpff.

Es wirt aber das blůt bereit vnnd geleittert inn mitte der leber / namlich da das blůt von den āstē der port ader / in die āst der grossen leber ader gegossen wirt / derhalben auch in mittem fach der leber / das blāflin / darinnen die gallen verfasst ist / der gallen balg genant / erschaffen vnnd geordnet ist / dan die leber hat fůnff fach / durch welche sy gleich als mit vōlliger handt vnd fingern / den magen fasst / das mittel fach hat den gallen balg / von welchem sich eyn gang erstreckt zů den āsten der port adern / vnd von der port ader geht eyn āst in das milz.

So nun der safft gedōwt ist/wirt er gereynigt vnd geleittert in mitte der leber. Dañ zūgleich wie auch im wein/nit alleyn der wein/sunder auch etwas überflüssigkeit/als die trūsen/gefunden werden/welche von wegen ihrer schwere/zūgrundt sitzen/so hat er auch etwas lūstigs/welches man die blūmen nennet/so hat er auch weiter etwas wässerigs in jm/das selb verreicht im jerē/also auch der safft/so er gedōwt wirt/vnd in blūt verwandelt/müssen wir auch gedencken/das er sich reynige vnd veriāre/wie vom most gesagt ist/dann bleibt das grōbst vñ schwerest am boden / gleich als die trūsen oder heffen/welche der ast entpfahet/der zū dem milz geordnet ist/vnnd ist dises die grōbst vnd schwerst überflüssigkeit/die irrdisch vñ herb materi des saffts/die Melancholey genehet / Aber die leichtst überflüssigkeyt/der hitzigst vnd feürigst teil des saffts / scharppf vñ brinnend/die Cholerisch feuchte oder gallē / wirt in den gallen balg versamlet. Dieweil aber doch allezeyt noch etwas von der gallen oder Cholerischen feuchten bey dem blūt bleibt / wirt doch die grōst vnreynist materi vnd grōßer überflüssigkeit also darvon gescheyden.

Nach diser reynigung oder erleitterung des blūts/bleibt noch etwas wässerigs bey dem blūt/von welchem etwas noch im blūt verwandelt wirt/etwas auch bey dem blūt bleibt/darmit es nit zūdick werde/das es durch die āngen āderlin der leber fließen möge / auch die hitz des blūts ein wenig zūmilttern. Nach dem so das blūt vō der grossen leber ader außgeteilt ist / wirt die wässerigkeit zū den nieren vnd harngāngen geschickt.

Solcher grund/gründtliche erforschūg vñ verstand /ist über die maß nützlich vnd hoch von nöten / namlich zūwissen die vrsach vnd vnderscheid der natürlichen feuchten/aber die nutzbarkeit reyt die fleissigen/so lust vnd lieb tragen natürliche ding zūerkündigē/nit allein sollichszūerfaren vñ zūergründen/sunder auch die wunderbarliche schöpffung sollichsgöttlichen wercks vñ geschöpffs/dz wir die würrkung aller diser glider mit fleiß anschawē vnd betrachten/dañ daraufferlernen wir/das nichts vergebens oder ongefārdt /sunder ein yeder teil oder stuck/sampt seiner würrkung/durch die herrliche weißheit vnd fürsehung Gottes /der ein oberster werckmeister der natur ist/alles vorbetrachtet worden sey.

Dann sonderlich ist das corpus oder Substanz der leber dermaßen mitt fürsichtigkeyt erschaffen / das es der natur des blūts gemāß wer/vnd in dem safft vergleicht. So seind auch die kleine āderlin
gleich

Anatomi/Contrafactur vnd beschreibung

gleich als junge schmale bletlin/durch die ganz leber gespreytet/darmit der safft weit auß gespreitet/desten baß gedöwret würde/darmit wir auch gewarnet würden vnd ermanet/wie schädlich sey die überigfülle/vnnd wie vast der natur züwider. So seind auch weiter stuck verordnet/dardurch das blüt geleitert vnd gereynigt würde/defgleichen auch die natürlichen feuchten vnder scheydē/von wege wunderbarer nutzbarkeit/dann ein yede natürliche feuchte/sir natürliche würckung hat. Das blüt gibt narung vnd lebliche geyst/die überflüssige wässerigkeyt lindert vnd füret oder speist das blüt/die gallen/zerspreyttet/enzündet/vnnd treibt auß die Melancholische feuchte/dringt züsamen/vnd keltet. Daher entspringen mancherley vermischungen der Complexion der würckung/mancherley eygenschafft der gemütter vnnd hertzen/auch vnzälliche vilfeltige krankheyten vnd gebrechen. 2c.

Weitter ist das auch ein sunderliche hohe würdigkeyt der leber/das sy ein statt vnnd ort ist/daher alle blüt adern des leibs ihren vrsprung vnd anfang haben/dann hierinn volgen wir der leer Hippocratis vnd Galeni/dann Hippocrates schreibt/dz die leber ein wurzel sey aller blüt adern/dann inn der leber erwechset die groß leber ader/von welcher gleich als die äst/alle andere blüt adern entspringen. Dese ader wirt von Aristotele die leber ader vnd die groß blüt ader genennet/dann im ganzen leib kein grössere blüt ader ist/dann wieder vnderst stock des baums am vndersten allzeyt am dicksten vnd grösten ist/dann die andern äst vnd zincken/also ist auch in den blüt adern der stam vnd anfang am grösten.

Hippocrates da er die nutzbarkeit diser grossen leber adern beschreibet/nennet er sy ein überschickerin der narung/dann von diser grossen leber ader wirt das blüt durch die andern adern in den ganzen leib außgetheylet. Doch wie ein getreuer Burger/also ist auch die leber ihres oberherren erstlich eingedenck/dann zum aller ersten überschickt sy dem hertzen das blüt/vnd sollich nit alleyn dem hertzen sein bewisne gütthat züwidergelten (dann die leber entpfahet vom hertzen die lebliche natürliche wärme) sunder das sy den fürnambsten teyl/gleich wie ein fleissiger haupvatter/erstlichen speise/dann auß solchem blüt gebürt das hertz die leblichen geist dem ganzen leib/als ein höchsten schatz mitzüteylen.

Dise obgemelte groß leber ader steigt über sich durch das fleischig
zwerch

aller glider menschlichs cōpers.


rrb

zwerchfel/welches den vndersten bauch absündert vnd teylet / von
der hant / vnnnd den glidern des luffts vnd athems / dem hertzen zū/
gegen der hōle des hertzens / auff der rechten seitten. Auß diser spreyt
ten sich dann vnden / oben / vnd allenthalben / vilerley āst durch den
ganzen leib / wie du in nechstuolgender Figur gar klarlich vnnnd au-
genscheinlich sehen magst / welche ich dir zū mehrerm verstand vnd
gründtlicherer vnderweisung / für augen gstelt hab / die heymlichkeit
der natur vnnnd vnergründtliche fürsichtigkeit des Allmechtigen
Gottes / schöpffer aller ding / in disem irrdischen Cörper / mitt
nutzbarkeit vnd hohem verwundern / zūbeschawen
vnd zūbetrachten .xc.

Volgende Figur zeigt dir an die wunderbarlich aufspreyt-
tung aller blūt adern / so ihren vrsprung / wie gesagt / von der
lebern haben / wie sy sich / gleich als āst / vō der groß-
sen leber adern / durch den ganzen leib / inn
alle ort vnd glider erstrecken / dem leib
mitt geblūt speiß vnd narung
zūgeben / sampt treu-
licher erklärung
nechster Fi-
gur.

J. Nuzli

Anatomi / Contrafactur vnd beschreibung



Nützliche erklärung / vnd augenscheinliche anzeigung der grossen leber adern / von welcher alle blüt adern des gangzen leibs / gleich als von eynem stammen / auß der lebern ihren anfang vnd vrsprung haben.



So vnd ehe wir

fürtfaren / andere folgende glider des eyngeweydts / nach ordnung vnserß fürnemens zubeschreiben / wollen wir erstlich die groß leber ader in nechster figur angezeygt / vnd artlich fürgemalet / erklären / dieweil hierauf

nit wenig nutzbarkeyt geschöpfft werden mag ic.

A. seind die adern hinder den ohren / erstrecken sich zu den schlaffen.

B. zu der nasen / stirnen vnd obern wangen.

C. zu der zungen / dem hauchblat / gaumen vnd rachen.

D. die inern tieffen troffel adern / schlag adern / zwö groß hals adn.

E. Die euffersten troffel adern.

F. gond zu den hindern meißfleyßch des hals.

G. erstrecken sich durch die überzwerchen knorren oder gleych des genicks / in das marck des ruckgrads vnd hirns.

H. zu dem bühel der schultern vnd beyörter.

I. ist die eufferst haupt ader am arm.

II. zerteylet sich zu dem vordern teyl der brust vnd dutten.

III. zu dem obern meißfleyßch der brust.

IV. die inner rüßsen ader / im rechten arm / die leber ader / im lincken / die milz ader.

Anatomi/ Contrafactur vnd beschreibung

- P.** ist ein ast von der eüßersten haupt adern / zur mitlen ader.
Q. ein ast von den nieren oder vndersten lüchsen ader / zü der mittel adern.
R. zü dem gleych des elnbogens / vō der eüßern schulter oder haupt ader.
S. zü den adern der gwerb des elnbogens / von der vñdsten lüchsen ader.
T. die mittel ader / behelt den namen noch bey den scherern vnd balbierern / auch bey dem gemeynen volck / die Median genant. Dise fahet etwan an am gleych des elnbogens / etwan ein wenig darunder
V. zeygt an mancherley erstreckung vnd aufspreyttung der adern / in der eüßersten haut.

Volgt das ander Alphabeth.

- A.** Zeigt hie weiter an die aufspreyttung der adern / zü den vier obern / vier oder etwan drey rippen.
B. zü den acht vndersten rippen / hat nitt irs gleichen / hie nim̃ war / wie sy auß der rechten seitten der grossen leber adern entspringe.
C. ist der teil von der grossen leber adern / welcher in die höle geht / der rechten seitten des hertzens / wie droben gesagt.
D. ist die krantz blüt ader / welche etwan zwifach / wie auch die krantz hertz ader / erscheinet.
E. seind die adern des zwerchfels / deren werden etwan iij. gsehen.
F. erstreckt sich zü dem meißfleisch des ruckgrads / zü dem milz / vñ beyßtern vmb das milz herumb.
G. geht zü dem feistn netzlin der nieren.
H. dise adern füren das wässerig geblüt zü den nieren.
I. ist die samen ader der lincken seitten / nimpt etwan ein äßlin von dem stamien der grossen leber ader / welche sich mit jr vereynigt.
L. ist die samen ader der rechten seitten.
M. zertheilet sich zü beyden glencken der hufften.
N. zü dem meißfleysch der hufft / schlimmen vñnd überzwerchen meißfleysch des vordern bauchs.
O. gond zü den löchern des grossen beyns / zü end des ruckgradts / oberhalb

oberhalb dem arfbürzel.

P. zu dem masdarm vnd beyörter.

Q. zu der blasen vnd geburt glidern.

R. zu der scham/hals/vnd tieffe der barmütter.

S. zu den schloßbeynen vnd überzwerchen weißfleisch des vordern bauchs/vnd der merertheil erstreckt sich zu dem langen schlechten weißfleisch des vordern bauchs/vnnd vereinigen sich mit den adern der brust.

T. zu dem eüßern weißfleisch der diech.

V. durch die diech/durch den ganzen schenckel bis zum fuß.

X. zum gewerb der diech vnd eüßersten teil des obern schenckels.

y. erstreckt sich inwendig der diech/vnder der haut / bis durch den ganzen schenckel hinweg/zü dem fuß hinnauf.

Das drit Alphabeth.

A. im dritten/letsten vnd vndersten Alphabeth/vorgesetzter figur/ zeigt an zwen äst vom grossen stammen entsprungen /in mitte der diech/auf welchen die ader des kniebügs entspringt.

B. erstreckt sich von der ader der kniescheiben/in die eüßerst haut der diech.

C. ist die zertheilung oder spaltung der adern/in der kniescheiben verborgen.

D. gehört zu der haut des wadens. In diser adern /vnnd der adern des kniebügs/entspringt ein solcher gebrech /dz sy von vilem blüt getrunken werden/zerreißen vnd auffspringen.

E. kreicht durch den eüßern knoden /in den innern teyl des fuß gespreyttet/wirt nützlich für das hufftweg geschlagen vnd geöffnet.

P. kreicht durch den innern knoden/durch das inner theyl des fuß gespreyttet/die Rosen ader genant/ wirt den weibern in mancherley krankheyten der geburt glider oder barmütter geöffnet.

Also hastu kurze vnnd eygentliche erklärung aller blütadern/wie sy sich von irem stammen als die äst der grossen leber ader/in alle glider erstrecken/wollen wir also firtfaren/in fürgenomner ordnung die vorigen glider zü beschreiben. &c.

Anatomi/ Contrafactur vnd beschreibung
Ordentliche beschreibung
vnd gnügsame erklärung des bälgs
lins/ darinn sich die gall versamlet/
der gallen balg genennet.



Mitlen fack d

leber/ ligt das bälglin/ darinn
sich die gall versamlet / zu erklärung
vund leütterung des blüts/ der gallen
balg geneñet / wie auch d:oben gsagt/
Wa dann diser weg oder gang ver-
stopfft ist / also das die gall von dem

blüt nicht abgesündert werden mag/ vnd vil vnreynner überflüssiger
gallen dem blüt vermischet werden/ entstand darauf Cholerische fe-
ber/ oder die gilb vnd gelsucht. Aber der ast oder gang/ welcher/ wie
ich vorgesagt hab/ von dem gallen balg zu der leber geht/ der theylet
oder spaltet sich wie ein gabel / dann von dem erwechft ein grosser
ast/ welcher sich erstreckt bis in den ersten darm / welcher / wie auch
vormals gsagt / xi. zwerch finger lang ist/ die überflüssigkeyt dar auß
zütreiben/ in die andern folgenden darm.

In den magen geht gemeynlich kein eyngang der gallen/ darmit
nit von der eingefloßnen gallen/ so sy in magen kām/ die dōwung zer-
stōret würde/ vnd die narung auftribe. Dann der magen / wa er die
gallen/ welche vast scharpff ist/ in sich supffte/ würde er gereyzt / vñ
brech leichtlich obenauf/ vnd geb von sich die speiß. Ich sag aber/ dz
solcher gang selten gfunden wirt/ derhalben das Galenus schreibt/
das wenig cōrper seyen/ in welchen nit allein der gmeyn gang in den
ersten darm nach dem magen geht/ sunder das sich auch etwā ein ast
von dem selbigen erhebe / welcher ein wenig oberhalb erstgemeldts
darms/ sein eyngang hab in den magen. Diser/ wa er etwas weiter
ist/ geüßet er überflüssigklich gallen in den magen / daher dann ver-
ursacht wirt/ das der magen etwan mitt überflüssiger gallen erfüllet
ist

ist/von welcher nit alleyn die grün gallen/sund auch andere scharpffe feuchten erwachsen/durch welche die dörnung gehindert vnd zerstoeret/auch stätiger vnwillen vñ vnlust des magens entspringt. Aber solchen ist nichts bessers noch behülfflichers/wann das sy etwan durch obenauß brechen/vñ fürnemlich vor der speiß/solche überflüssige gallen von sich werffen.

Galenus zeucht an etliche Exempel/aber sollichs sehen wir auch täglich selber/das jr vil/ob sy sich gleich mässig vnnd bescheyden halten/in essen/trincken vnd eüsserlichen dingē/haben sy doch alle morgen ein vnwillenden magen/zü obenauß brechen geneygt. Auicennanennet solche arbeytselige leüt von geburt/dann sollichs ist kein zufall/sunder vō der natur erwachsen/welche über die natürlich weis disen andern ast erschaffen hat überflüssiglichen.

Dise haben (wie gesagt) ein stätigen vnwillen des magens/hauptwee/vnd werden nit natürlichen gefüret oder gespeiset. Diser ast ist auch etwan weitter/etwan enger.

Die Cholerischer natur seind/haben ein vast grossen gallen balg/dann die gall überhand hat/vnd vast überflüssig ist in inen/darumb sy auch übel gefüret werden/von wegen des scharpffen bitteren vnd vnlieplichen widerstendigen saffts.

Die nutzbarkeyt der gallen mag auß solcher beschehener red auch gemerckt vnd verstanden werden/dann in der erklärang oder leitung des blüts/ist ye von nöthen/das die gall auch ein fundere versamlung vnd behaltmiß hab/darumb jr der gallen balg verordnet ist. Erwermpet die leber/vnd erhelt sy vor feülniß/hat auch andere sonderliche würckung/als namlich die narung durch das eingeweyd zütreiben/vnnd die därm vom kadt vnd vn sauberkeyt zü reynigen .xc.

Anatomi/Contrafactur vnd beschreibung
Form oder gestalt/art/
natur vnd würckung des
milzes.



Mider linckensey-
ten begreiffet das miltz den ma-
gen etwas niedriger / von subtilem fleisch
zusamen gesetzt / luck vnd dünn / an der ge-
stalt garnabe gefierdt / schwarzgraw /
dann darinn versamlet sich das grob sch-
warz dick blüt die Melancholische feüch-
te / ist dem rucken angehefftet / vnnnd in mitte der vollkummen rippen.

Es erstreckt sich auch ein gang von der leber / von der port ader /
zü dem miltz / durch welchen wässerigen gang / das zähe blüt / darinn
die heffen oder trüsen vnd Melancholische feüchte versamlet seind /
vom miltz an sich zogen werden.

Das milz hat auch keyn ringe würckung / dann dieweil vil hertz-
adern durch es gespreyttet vnd zertheylet seind / entpfahet es wär-
me von dem herten / durch welche es das zähe blüt basz döwe / dar-
uon es dann etwas an sich nimpt / zü seiner narunn vnd speiß. Dann
erstrecken sich ettliche adern vom milz zü den neben örttern / welche
sollichs blüt weitter führen / die selbigen züspeisen. Aber fürnemlich
erstreckt sich ein gang / fürtrefflicher nutzbarkeyt halben / zü dem ma-
gen / durch welchen der magetwas von der melancholey an sich zeü-
het / welche / dieweil sy herb ist / zeühet sy den magenmundt züsamen /
darmit sy den selbigen zü der speiß reyze / vnnnd sollichs mundtloch
auch bschließ / vnd also in den magen gegossen / die behaltende krafft
desselbigen stercke vnd krefftige.

Hier auß magstu die nutzbarkeit des milz vnnnd der Melancholi-
schen feüchte vernemen vnd erlernen. Dieweil wir aber auch zü-
letzt von mancherley gebärden vnd bewegungen des gemüts reden
werden / wie das gemüt von einer yeden natürlichen feüchte bewegt
werde

werde/will ich doch in einer kürze anzeigen/wie das die Melancholische feuchte traurigkeit erwecke / vnd dz alle betrübniß vnd vnmüt vom miltz aufgegossen werde / derhalben die traurigen vnd betrübten/wa sy gleich nicht von natur vil überflüssiger Melancholischer feuchten bey jnen haben / gemeintlich schmerzen oder weetagen entpfinden inn der lincken seitten / vnder den rippen / dann daselbst die Melancholey getriben vnd aufgegossen wirt.

Man findet auch etliche/welche/wiewol sy sunst gesund vnd vnpresthafftig seind / doch wa sy sich mit sorgen vnd schweren gedanken beladen / solchen schmerzen fülen an gemeltem ort.

Zu andern/welche vil melancholischer feuchte bei sich haben / denen gebürt solche überflüssigkeyt / traurigkeit vñ vnmüt / auch wa solche überflüssige melancholische feuchte aufftreucht vñ übersich steigt in das hirn / erweckt sy verwürrung der vernunft / des gleichen auch wa sy sich aufgeist in die neben ort / vnd in das fellin des kranz des kreses / erwecket sy vnleidlichen schmerzen / welche krankheit auch ein sundern nammen entpfaet von solcher überflüssiger melancholey / in gemelte ort aufgegossen.

Etliche so mit disem vnleidlichen schmerzen belestigt seind / haben beyzeytten vnderliberung / dann so bald das gemüt mit wolgefälligem lustigem vñd anmütigem gesprech erfreuet vñd erlustigt wirt / gelegen sich gemeintlich solche schmerzen / aber so bald das gemüt mit vorigem anligen / sorg vnd bekümmerniß / wider überfallen wirt / erhebt sich der schmerz vil hefftiger dann vor.

Solchs hab ich der vsach halben erzölen wollen / denen so mit

grossen geschefften / vilerley sorg vnd angst überla-

den seind / wa sy mit solchem schmerzen üb-

erfallen oder beleydiget wurden /

das sy die vsach vñd vrs-


prung sollichs er-

lernetten

vnd erkennen. &c.

Natur

Anatomi/ Contrafactur vnd beschreibung
Natur/art/gestalt vnd
würckung beyder nieren.



Serstrecken sich

von der grossen leber ader/
so von der leber über sich zu dem hertze
geet/vil äst/aber vnder andern/zwen
die grössten/inn der gestalt volgendts
büchstabens A. Dise beyde entpfahen

die wässerig überflüssigkeyt/von dem blüt abgesündert/vnnd brin-
gens zu den beyden nierē/derhalben sy die an sich süpfenden adern
genant werden/aber mitt solcher wässeriger überflüssigkeyt/fleißt
auch etwas blüts zu den nieren/von welchen sy gespeiset oder gefü-
ret werden/darunder ist auch etwas gallen vermischet.

Beyde gemeldte adern gond zu beiden nieren/deren eine vnd der
leber/die ander zu dem miltz gesetzt vnd geordnet ist/von fleyschiger
substanz gschöpfft/hart vnd dick/darmit sy nit v öder wässerigkeit
vnd scherpfse der gallen zerflussen dder schmelzten. Oder/wie Ga-
lenus schreibt/dz nitt das blüt/daruon sy gespeiset vnd ernöret wer-
den/auch mit der wässerigen feuchten außflüsse.

Den nieren seind verordnet vnd zugeben/etwas grosse hertzaßn/
von welchen sy wärme vnd leblichen geist entpfahen/darmit sy den
harn vñ die überflüssigkeit durchseihen/vnd das blüt in jhre eigne na-
rung verwandlen mögen.

Galenus will/das auch durch solche hertzadern etwas vnreinig-
keit oder überflüssigkeit vom hertzen außgeführt werde.

In mitte der nierē ist ein höle/gleich ein wasser pfütze/zü was nutz-
barkeyt sollich geordnet/wollen wir jezund erzölen. Dann die ob-
gemelten adern so die wässerigkeit zu den nieren bringen/enden sich
nit in die erstgemelte höle/sunder als bald sy das fleisch oß substanz
der

der nieren erreychen / spreytten sy sich auß in vil kleine äderlin / durch welche die nieren das blüt der wässerigkeyt vermischet / entpfahen / darmit sy vom blüt gespeist vnd gefüret werden / welches / wa es geleittert vnnnd gereynigt wirt / fleißet die wässerigkeyt vnd gallen in obgemeldts grublin oder pfüzlin der nieren / von solcher höle oder pfüzlin fahet an in yedem nieren ein langs rölin hinnab steigen / bis zu der blasen oder blatern / dise beyde rhölin werden die harngäng genennet / dann der harn fleißt durch sy beyde in die blas / welcher / dieweil er yezund von dem blüt abgsündert vnd gescheyden / ganz wasserfärbig ist / von der gallen gefärbt wirt / gelbfarb / vnd ettwas scharpff.

Zügleicherweis aber / wie auff der erden von grobem zähem irrdischem schleyim / die stein bereyttet / vnd in dem ziegel ofen gebiant / oder gebachen werden / also wachsen auch in den nieren / vnnnd fürnemlich in offtgemeldter höle oder wasser pfüzlin / die steyn vnnnd grief / vō grobem zähem irrdischem schleyim / der sich fürnēlich von versalzner vnuerdöwter speis erhebt / so er sich setz in die nieren / vnd zūsamen gerinnet / wirt er erhartet von der hitz der nieren / die vnmäßiglich hitzig seind / gleich als vom feür die ziegelsteyn erhartet vnd gebachen werden.

Dieweil nun die nieren in solche höle gedrengt / werden die nieren oder das weiß geäder über die maß mit vnleidlichem schmerzen belästigt vnnnd angefochten / nachmals in der enge der harngäng / welche von den steinlin vnd grief gedrengt / entstadt darauff scharpffer vnd vnleidlicher schmerz / darvon vnwillen vnnnd oben auß brechen erweckt wirt / dann so das weiß geäder beschädigt oder gelegt

wirt / erstreckt sich die entpfindtlicheit zu den neben oder

beyörtern. Sollichshab ich erzölet / darmit die

natur der nieren deß bas erkündigt werde. Ir

gebürlich werck ist / die überflüssig wässe

rigkeyt an sich züziehen von der le-

ber adern / vnnnd den harn in

die blas züübersch-

cken .2c.

Anatomi / Contrafactur vnd beschreibung Der blasen oder blater

gestalt / würckung / natur vnd
eygenschaft.



Dem Cörper

des mañs ligt die blasen od blater / bei dem maßdarm / nahe dem astern / daher erstreckt sich jr hals zu dem mañliche glied / aber in den weibs bildern ligt sy etwas höher dann das mundtloch der barmütter / Dann inn weibischem cörper seind die harngäng kürzer vnd weitter / derhalben sy auch minder mit schmerzen vnnnd weetagen des steyns vnnnd grief der nieren belästigt werden.

Die blas ist zusamen gesetzt von einem fellin / von vilem weissem geäder / vilerley fassen durchschrenckt / mit schlechten vnd richtigen / damit an sich zuziehen / vnd mit überzwerchen / von sich zutreiben. Es seind auch etliche leber vñ hertz äderlin durch die blasen gespreytet. Der hals der blasen ist fleischig / vnnnd hat vil krümme / damit sy den harn dest leichter beheben mög. Hat auch weitter ein meißfleyß / welche das löchlin vmbgibt / damit wir den harn lassen mögen mit willē / vnd er vns nit entgägon vnser wissen. Vnd wiewol die blasen allein von einem fellin oder heütlin zusamen gesetzt vnd geschöpft ist / wirt sy doch noch von einem anderen vmbgeben / vnnnd seind also die harngäng durch sy beid eingehesstet vnd auß gespreytet / doch also / das beide eingäng oder löchlin nitt gleich gegeneinander stond / damit der harn nit widerumb hinder sich fließen möge. Aber wie klein vnd eng dise löchlin seien / kan darauf gemerckt werden / das solche in keinen weg gsehen oder gefunden werden mögen / so man auß einem geschlachteten thier die blasen nimpt / in welcher nur ein eingang oder loch gsehen wirt / namlich der hals der blasen / durch

• aller glider menschlichs cōpers.

xxxj

durch welche sy außgeleibert vnd entledigt wirt / sunder sy ist allenthalben beheb beschlossen / dermassen / das auch weder wind noch lufft dardurch dringen mag / dann inn dem todten Cörper dise enge gāng / welche den harn durch die harngāng entpfahen / beschlossen werden / wie dann die art ist des weissen geāders / so es gelegt wirt / das es zūsamē laufft vnd verstrupfft.

Die blas hat fūrtreffliche grosse nutzbarkeit / dann wa die überflüssige wässerigkeit nit außgeführt / sunder hin vnd wider in den glidern überblib / nach dem solche wässerigkeit hefftig zūgenommen / vnd der leib darmit erfüllet würde / müßte zūletzt etliche glider auffspringen vnd zerreißen / es müßte auch der mensch daruon ersticken / so das zwerchfel von solcher überflüssigkeit gedrengt würde. Derhalben die blas zū solcher nutzbarkeit erschaffen ist / das sy entpfahē die überflüssig wässerigkeit / it oben herab zūgeschickt / zūsamē versamle zū bequemer zeit der entledigung.

Die blas mag mitt vilerley fāl vnd gebrechen gelegt werden / wa sy auch leicht verwundet wirt / ist solche verwundung tödtlich.

In der blasen wachsen auch stein / von grobem dickem zāhem irrdischem schleim / welcher von der hitz gedōrt / zū einem steyn wirt / wie droben gsagt ist. Wirt auch angfochtē mit der sucht des schweren harnens / von tröpflingen harnen / desgleichen anderer verhinđniß des harns / also dz der recht gang verstopfft wirt von kaltem grobem zāhem schleym / vnnnd geschicht sollichs auch auß andern vrsachen / als vom stein / oder blōdigkeit vnd vnuermüglichē der austreibenden krafft. &c.

Gestalt / würckung / gelegenheit / natur vnd Complexion
der gefāß natürlichs samens.

G Der



Er gefäß des sa

mens seind zwey / zu beyder seitten / eins in der lincken / vñ eins in der rechten / aber das inn der lincken seitten wölle wir erstlich für die hand nemen vnd beschreiben. Oberhalb des lincken nierens / von der ader / welche die wässerigkeyt in den selbige nieren bringt / entspringt ein blüt oder leber ader / des gleichen von der hertz a-

der / welche auch zu den selbigen nieren kumpt / vñnd etwas grösser ist / entspringt auch ein hertz ader / Dise beyde äst / der blüt oder leber ader / vñd hertzader / vereinigen sich / kummen zusamen / vñnd werden mitt einem fellin von weissem geäder vmbgeben / erstrecken sich also biß zu den gemächten.

Also hat der samen krafft von der leber / von wegen der blüt oder leber ader / Vom hertzen / von wegen der hertzadern / Vñd von dem hirn / von wegen des hirnfellins / vñ weissem geäder / dan das weisse geäder oder neruen haben den vrsprung vom hirn.

Dieweil aber dise leber ader ein vrsprung hat von der adn / durch welche die wässerigkeyt zu dem lincken nieren gebracht wirt / ist der samen dises gefäßs wässeriger vñ vñkressziger / derhalben bequemer meydlin zugeberer.

Aber in der rechten seyten entspringt die blüt oder leber ader des selbigen gefäßs vñ einem ast des grossen stammens der leber ader / etwan oberhalb / etwan vnderhalb dem nieren / vñd entspringt auch die hertz ader vom rechten stammens der grossen hertzadern / welche beyde auch also vnder sich steigen / vñd mitt einem solchen fellin von ein weissen geäder vmbgeben werden / biß sy zur statt der gemacht kummen.

Deweil nun von dem rechten stammens der leber ader / das gfäß des samens entspringt / ist der samen näher der natur des blüts / vñd wärmer. Dise gefäß ziehen an sich vom ganzen leib die nützlich vñd erflüssigkeyt der vierdten dōwung / vñnd bereyten gemächlich in die natur des samens / darumb werde sy die zubereyten gefäßs des samens genennet.

Dieweil aber dise gfäßs etwas hart seind / erreychen sy nit gar die gemacht

gemeldet / sunder erreycht ein ander gfaß gleich einer blasen / von etlichen sellin zûsamen gsetzt / in welche die gemacht vmbwicklet seind / vnd bekleydet / in dise bekleydung / welche weicher vnd linder ist / enden sich die vnder sich hinnab steigenden gefaß des samens / vnnnd durch ire außgang fleußt die feuchte in die gemacht / welche / dieweil sy hol vnd lufft seind / vñ warmer natur / ziehen sy den samen an sich / vnd döwen in / das er darinn weißfärbig werd / vnd die geberende krafft entpfahet.

Darüß wirt Aristoteles mit fûg vnd recht von Galeno gestrafft / welcher vermeynt vnd fürgeben hat / wie die gemacht den samen alzeyn an sich ziehen / das er außgegossen werde / vnd dz sy nichts nütze zû dem geberer / auch den samen nit endern / noch die geberende krafft geben. Dañ die gemacht seind warmer natur / so fûren auch die hertz adern / von welchen droben gesagt ist / den leblichen geyst dahin / derhalben von der wärme der gmacht / der samen vollen gedöwt vnd bereyttet wirt / darvon er erst die geberend krafft entpfahet.

Dann vor vnnnd ehe solche feuchte inn die gemacht kumpt (wie wol sy mit der weil in den adren bereyttet wirt) ist sy doch noch rotfärbig / vnnnd neher der natur des blüts / aber nachmals inn den gemachten verwandelt sy erst die farb / derhalben sy daselbst mehr geändert wirt / vnnnd ein sunderliche gestalt des samens entpfahet.

Weitter wirt auch Aristoteles fûglich darinn gestrafft / das er widerficht / das der samen von allen teylen des leibs zûsamen fließe. Dann dieweil wir sehen / wie sich vilerley fäl vnd gebrechen etlicher glider in sunderheit in die nachkûnenden / von den eltern in die kinder erstrecken / gibt sollichs klarliche anzeygung / das der sam desselbigen glids / vom presthaftigen glid der eltern entsprungen sei. Derhalben sollichs auch Hippocrates bestättigt / das der sam von ganzem leib vnd allen glidern in sunderheit genommen werde / gsunder samen von gesunden glidern / blöð vnd mangelhafter / von mangelhafter glidern / erkennet auch das vast vil samens vom hirn genommen werde / dañ das hirn hat ein grosse gemeynschaft mit dem samen / dieweil dasselbig gänzlich auß dem fürnambsten theil des samens / voll des leblichen geists (wie auch droben gesagt ist) erschaffen wirt. Derhalben auch nichts schädlichers / noch das dem hirn mehr zûwider vnd entgegen ist / gefunden werden mag / dann überflüssiger gebrauch ehelicher werck.

Es werden auch die gemacht den schrepffköpfflin oder ventosen
G ij ver

Anatomi/Contrafactur vnd beschreibung

vergleicht/dann wie die selbigen das blüt an sich ziehen / also haben die gemacht ein grosse krafft den samen an sich züziehen. Aber wir wollen vns hie wider zü vnserm fürnehmen hören.

Dieweil nun die gemacht/welche luct seind / gleich ein schwammen/den samen gedöwet haben/fleißt er widerumb darauf / in die bekleydung/welche die gemacht vmbgeben / dann er wirt von der wärme vnd seinem leblichen geyst getriben / dann der samen ist voller leblichs geists/wie auch droben gesagt / Von solcher bekleydung der gemacht wirt er gebracht in die gefäß / welche in durch mancherley krümme/zü dem mannlichen glied bringen. Dise gefäß gerings herumb allenthalben mit drüschtem fleisch vmbgeben/haben vilerley holer krümme/darinn sy den samen behalten / derhalben sy auch die gefäß der behaltniß des samens genennet werden.

Die gemacht werden auch Zwiling genennet/dieweil jr in weib vnd mann zwen seind.

Die eüßerst haut darinn die gemacht verfasst / nennet man den sack der gemacht.

Weiblicher geburt glider/ oder der bärmütter eygentliche beschreibung/ jr gelegenheyt/art/natur/ vnd würckung.



Die bärmüter hat zwenyerley teyl oder vndschend/erstlich die gefäß vnd behältniß / in welche der samen entpfangen wirt. Der and teyl ist der lang schmale yngang zü erst gemelten gefäßsen/der hals der bärmüter genant. Dieweil aber die behältniß des samens grösser vnd weitter ist dann der hals / seind zü beyden seitten
des

des gefäſſes des orts da es sich zu dem hals neigt/gebänd vnd haſſtungen verordnet/gleich zweyen hörnern krüm gebogen / wie ein wachsender Mon.

Dise hörner ſeind die gebänd /durch welche die barmütter an die hufften gehaſſtet iſt.

Die gmächt der weiber ſeind zu beyden ſeytten bey diſen hörnern gelegen/vil kleyner wann die gmächt des mañs/auch von natur kelter/geberen doch ettwas ſamens/welcher auch dünner iſt wann des mañs ſamen/vñ wäſſerig/wirt doch in der entpfenckniß dem mañlichen ſamen vermicheſet/welcher von diſem geſpeiſet vñnd geſüret wirt/wie Galenus ſpricht /das der mannlich ſam daruon gmehet/vñnd die frucht von jnen beyden geſchaffen werde/dann beyde ſamē halten ſich gleich in würckung das kindt zu ſchöpffen/In beyden ſamen iſt vil des leblichen geysſts/aber der mañlich ſamen dieweiler hitziger iſt/vñnd nit als dünn vñnd flüſſig / iſt er auch in der würckung krefftiger.

Dieweil aber die gmächt des weibs auſſerhalb der barmütter ſtond /vñnd aber der ſamen in die barmütter gegoffen werden müß/darmit er dem mañlichen ſamen vermicheſt werde/ſeind auch/wie dem mañ/ſolche gefäſſe verordnet /dann die gefäſſes des ſamens /die materi des ſamens vom ganzen leib des weibs an ſich ziehen/den ſelbigen entpfahen die gmächt/ſo ſy in gedöwēt haben /liberſchicken ſy in wider in andere gefäſſe /welche die barmütter begreifen/welche ſo bald ſy ſich von den gmächten abtheylen/ye lenger ye weiter werden/biſ ſy ſich in die barmütter begeben /vñnd die ſelbig erreychen. Durch diſe gāng/welche ſich öffnen von der bewegung Elicher werck/wirt der ſamē eyngegoffen in die hōle oder tieffe der barmütter/vñnd ſeind aber ſolche letzte gefäſſe der weiber anderſt geſtal tet dann der mann/welche durch vilfeltige krümme / ſich biſ zu dem mañlichen glid erſtrecken/aber im weib ergreifen ſy die barmütter vaſt nahe.

Die barmütter iſt auch innerhalb beſprengt/gleich als mitt eyttel düpflin oder punctē/welches alles außgāng ſeind der adern /die ſich allenthalben herzu geben zu der barmütter. Diſe außgāng faſſen an ſich die faſen des kindts bālglin/darmit ſy die frucht in mütter leib beheben vñnd behalten mögen/auch ſpeiſ vñnd narung geben.

Diſer obgemelten außgāng der adern/ſeind dreyerley nūtzbarkeyten/dann erſtlich ſeind ſy die gāng vñnd rhoilin/durch welche die vñ
G iij reynigkeyt

Anatomi/Contrafactur vnd beschreibung

reynigkeyt des weibs blümen aufffließt / So geben sy auch das reynest geblüt zu der speiß vnd narung der neuen frucht. Weiter so begreifen sy auch die fäsen der afftergeburt / das kind in der bärmütter vnd geburt glidern zūhalten vnd beuestigen.


Etlich meynen dise außgāng der adern haben iren vrsprung von den gefäßen des samens. Galenus meynt auch / von dem stamen der grossen leber ader. Etliche seind on zweifel aß der adn / welche sich von den brüsten zū der bärmütter erstrecken / dann die brüst ziehē ein teil an sich vom blüt der bärmütter / welches inn milch verwandelt wirt / wie wir auch droben gesagt haben / auß der meynung Hippocratis / welcher spricht / das die vnreynigkeyt weiblichs blümens / vñ die milch / vast nahe verwandt seyen.

In der bärmütter werden zwey hölin gesehen / eine inn der lincken seitten / vnd eine in der rechten seitten / in der rechten seitten werden die kneblin / in der lincken die meydlin entpfangen / wie man sagt.

Es wirt die bärmütter mitt vilerley mangel vnd gebrechen überfallen vnd angfochten / dises orts nit vñsers fürnemmens zū erzölen / Plato nennet sy ein lebendigs thier / dann sy von einer sunderlichen eygenschaft / lust vnd begird hat zū güttem geruch / auch von gewisser bewegung wegen / welche jr doch zufals halben wider faren / dann jr Substantz ist von weissem geäder / derhalben sy leichtlich gelegt wirt / wa sy dann gelegt ist / zeücht sy sich zū samen mit schmerzen ꝛc.

Darmit du aber sollichs alles klaren / augenscheinlichen bericht vnd vnderrichtung habest / will ich dir geschehener red / von den innerlichen glidern im vndersten bauch verschlossen (welchen wir vñ den dreien theilen / in welchen wir erstlich den menschen getheylet / nach der leer Galeni / zum ersten beschriben haben) folgende zwey figuren eins auffgethonen eröffneten mañs vñnd weibs / für augen stellen / mit gnüglicher erklärang / wie volgt.

Nächst



Anatomi/ Contrafactur vnd beschreibung
Nechst vorgonder figuren/
eins eröffnetten oder auffgethonen mañs/
eygentliche erklärung/ vnd ordenliche
vnderweisung.



Nechst vorgon
der Figuren eins menschli-
chen cörper eröffnet/ darinn alle glied
entpößt gsehen werden / so innerlich
im leib verschlossen seind / sihestu ey-
gentliche obgemelte theilung oder vn-
derscheydung des leibs/ namlich in iij.
theyl vnder scheyden/ als in den vndersten bauch/ welcher die glider
der narung fasset/ bißher auffß fleißigst vnnnd eygentlichst/ nach der
meynung Galeni/ zñ dem ersten beschriben / nachmals den anderen
teyl/ die brust/ darinn die glider des leblichen geists vnnnd athems be-
schlossen seind/ als hertz vnd lung ꝛc. durch das fleyschig zwerchfál/
von welchem bald hernach sunderliche meldung beschehen wirt/ vñ
dem vndersten teil gescheyden. ꝛc. Des gleichen auch das oberst teil/
namlich das haupt.

Darmit du aber solcher figuren klaren bericht vnd gründtlichen
verstandt fassen mögest / soltu acht haben auff trisachs Alphabeth
oder büchstaben des A B C. darmit diser cörper verzeychnet ist/ das
erst/ welches den andern theil begreiffet/ von welchem hernach auffß
nechst geredt wirt/ erstreckt sich biß auff den büchstaben L. bezeych-
net die glider der brust / vnnnd in obgemelter vnder scheydung/ den
andern theyl. Das ander nechstuolgend fasset die glider der na-
rung/ welche wir in nechst vorgonder red gnügsamlichen beschriben
haben. Des gleichen das dritt gibt anzeygung volgender glider des
samens/ vnnnd der geburt dienstlich. Dieweil aber nun solche glider
beyder vndersten Alphabeth / auffß fleißigst vnd eygentlichst (wie
erst gesagt) beschriben seind/ wöllen wir auch auffß nechst solche inn
vorgonder

vorgonder figur/durch die büchstaben verordnet/auff das eygentlichst zu gründlicherem bericht für augen stellen.

Vnd bedeyt das zwifach A A. das Corpus des magens/ von welchem wir das gedärm abgesündert haben/vnnd herauf gezeychnet/darmit es desto baß gesehen werden möcht.

B. ist die leber mit iren fünff fachen /deren alleyn drey in diser figur gesehen werden mögen.

C. ist das milz in der lincken seitten/next st bey dem magen gelegen.

D. das bälglin/darinn sich die überflüssig gallen oder Cholerische feuchte versamlet/ligt im mitlen fack der leber /da die reynigung oder erleütterung des blüts volbracht wirt.

E. bezeychnet den ersten darm des vnderste außgang des magens/wirt xij. zwerch finger lang gemessen.

F. ist der schlauch darm.

G. der blas darm.

H. der sack oder blindt darm.

I. der maß darm/ der letst darm/sampt dem afftern.

K. ist ein kleins zäpflin oß anhang des blinden darms oder sacks etc.

Also hastu klaren bericht des Alphabeths /darmit das gedärm vnd glied der narung bezeychnet seind/ will ich dir weiter das nechst nolgend /so die gfaß des samens vnd harngång bedeytet/auch auff das kürzest erklären.

A. bezeychnet den stammen der grossen leber ader.

B B. seind beyde nieren/einer in der rechten/der ander in der linckē seitten/welche vom stammen der grossen leber adern zwen äst entpfahen/die weissen adern genant /durch welche das wässerig geblüt von der leber in der scheydung zu den nieren geschickt wirt.

C C. seind die harngång/durch welche der harn von den nieren zu der blasen überschickt wirt.

E E. beyde ort /bey welche sich offst gemelte harngång in die blasen begeben.

D D. seind die samens adren.

F. ist die blasen.

G G. seind die gemächt.

Anatomi/Contrafactur vnd beschreibung

SS. seind die bekleydung der gemächt/die den samen entpfahen von den gefässen.

II. seind die gefäss mit vilen hollen krümmen/durch welche der samen zu dem mannlichen glid überschickt wirt.

K. der blasen hals.

L. das vorder teyl mannlichs glids.


III. zu beyden seitten ein ast der grossen leber adern/darvñ sich alle ast der blüt adern durch den ganzen schenckel aufspreyten vñ erstrecken.

II. ist ein ast der grossen hertz adern/von welcher sich zugleich weiß in beyden schenckeln alle hertz adern erstrecken vñ aufspreyten in beyde schenckel.

Also hastu nun ein klaren bericht aller innerlichen glider des erste vñ vndersten leibs eins mannlichen Cörpera/dieweil sich aber al leyn die geburt glider in einem weib anders erzeygen/will ich dir in volgender figur/sampt gründlicher vñ eigentlicher erklärang/sol lichs eingüthen bericht geben.

Volgt ein figur eins auffgethonen weiblichen Cörpera/darinn fürnemlich gesehen werden die geburt glider vñ gefäss des samens/wie sy in einem weib gstatet vñ gelegen seind/mit kurtzer vñ eigentlicher erklärang.

Eygentliche



Anatomi/Contrafactur vnd beschreibung
Eygentliche beschreibung vñ
 erklärung der geburt glider eins weibs / wie
 solche innerlichen gestaltet vnd gelegen seind / sampt
 den gefässen des samens.



Jeweyl inn dem

weiblichen Cörper von den in-
 deren glidern des eingeweydts / keyn sun-
 derlicher noch mercklicher vnderscheyd
 ist oder gespürt werden mag / dann allein
 in den geburt glidern / adern vnd gefässen
 des samens / hab ich dir solche in nechst vor-
 gonder Figur augenscheinlich fürgestellt / zu mererm verstand vñnd
 klarerer vnderrichtung obbeschehener red / sampt volgender weitte-
 rer vnderrichtung.

A. bedeuët den stammen der grossen leber oder blüt ader / der sich vn-
 der sich in leib erstreckt / vnd narung gibt allen glidern des vnder-
 sten theyls des leibs / vnderhalb dem fleyschigen zwerchfel.

B B. die weissen samens adern.

C C. die adern / welche sich durch mancherley ästlin in die barmüt-
 ter spreytten / vnd als etlich wöllen / auch der frucht in mütter leib
 narung bringen.

D D. seind beyde gemacht des weibs.

E E. die bekleydung der gemacht / von den adern oder gefässen des
 samens / vnd hertzadern zusamen gesetzt.

F. Ist das Corpus der barmütter / der blasen nit vast vngleich.

G G. seind die hörner der barmütter / mit welchen sy beuestigt / dem
 ruckgrad vnd nebens örtern angehaftet ist.

H. ist der hals / vnd innerliche öffnung oder mundtloch der barm-
 mütter / da sich der blasen hals in die barmütterhineyn begibt.

- J. das eufferst mundtloch der bermütter/die scham.
 K. beyde äst oder stammen zū beyden seitten / von welchen sich alle blütadern durch den ganzen schenckel erstrecken.
 L. den stam der grossen hertzadern / vō welcher die hertz oder puls adern auß gespreyttet werden.
 M. ist die blasen/darinn sich der harn versamlet / oberhalbten auff der barmütter gelegen.
 NN. beyde brüst oder dutten.
 OO. die harngång/durch welche der harn in die blasen fleußt/von den nieren.
 PP. die nieren zū beyden seitten ꝛc.

Also haben wir auff das fleissigst vnd eigentlichst angezeygt vnd bschriben alle glider des vndersten bauchs/so zū der narung oder fā rung des ganzen leibs /auch zū geberen vnnnd menschlichs geschlecht zū erhalten/dienstlich seind. Dise/wiewol sy in der würckung vnnnd irem ampt oder gebürlichem werck/nitt als edel noch würdig seind/ als die obersten glider/seind sy doch gleich als nütz / vnd nit weniger von nöthen/die natur zū erhalten/also das wir sy gleich wol möch ten vergleichen der haufßsorg/oder fleissiger haufßhaltig/durch wel che der bauch versorgt/vnd der mensch gespeiset/auch menschlich ge schlecht durch die gebārung erhalten wirt. Aber nun weiter wöllen wir den menschen von solchem ringem vnnnd nidrigem stand/zū hö heren ehren bringen/vnd die höhere würdigkeyt des hertzens vnnnd neben glider herum erzölen / welche wir nach fleissiger haufßhal tung/burgerlichen ämptern vnd pflichten vergleichen wöllen.

Aber doch vor vnd ehe wir hie weiter fūrtfaren/wöllen wir vor hin den Leser ermanen / das er bey jm selbst betrachten vnnnd fleissig ermessen wöll/wie hohe treffliche nutzbarkeyt auß der erkandtniß aller glider erwachse/dann ein sollichs fūrnemlich dienstlich vnnnd hoch nützlich ist/die leipliche gesundtheyt der menschen zū erhalten/ so wir eygentliche alle solche glider erkennen/ir natur/eigenschafft/ krefft vnd würckung ein gūts wissen tragen.

Zum andern bringt es ein vnaufsprechlichen lust vnd wolgefällē rechtgeschaffnen gemütern/solche wunderbarliche würckung vnd wilfeltige eygenschafft zū erkennen /inn so mancherley glidern des
 S menschen

Anatomi / Contrafactur vnd beschreibung

menschen eingepflanzt. Es zeugen vns auch an solche gefäſs vnd geſchirr/wie groſſe achtung zu haben ſey auff die mäßigkeit/ dann wa ſolche gefäſs überfüllt / beſchwert vnd überladen ſeind / mag die rechte dörung nit volbracht werden/wa dann in der erſten dörung geirret iſt/wirt ſolchs durch die andern folgenden nitt gebessert oder geändert / derhalben ſo man ſich überfüllt / den leib überflüſſig mitt ſpeiſe erſettigt/mag ſolche nit gedörwt werde/gibt ein böſen ſafft/welcher nachmals auch böß geblüt gibt/vnd wirt alſo der leib mit vnna türlicher narung geſpeiſt/vnd mit ſchädlichen feuchten erfüllet.

Das auch die geburt glider vñ die gefäſs des ſamens alſo vaſt verſichert/vnd auff das beſt verſorgt ſeind /mitt höchſtem fleiß/von ſo mancherley gāng vnd krümme verordnet / was gibt es anders / dan ein anzeigung der mäßigkeit/vñnd das der ſamen alleyn zu der notturfft menschlichs geſchlecht zu erhalten/gefaſſet vnd behalten werde. Es wer auch on zweifel die natur der menschen dermaſſen nit geſchwecht worden/wa alleyn der ſamen zu der notturfft/vnd wie ob geſagt/menschlichs geſchlecht zu erhalten / gebraucht worden were/ aber es wirt noch täglich ſolche geſchwechte natur weiter verderbt vñnd noch vil vnkrefftiger gemacht / durch das ſündtlich laſter der fleiſchlichen begirlichkeit.

Weitter gibt auch die ſchöpfung des menschen ein herrlich exempel/das wir erſchaffen ſeind die welt zūmehren/vnd menschlichs geſchlecht zu erhalten. Dieweil wir auch nun ſehen / mit was ernſt vnd fleiß die natur das kindt in mütter leib verſorgt/ſpeiſet vnd fūret/iſt es ein groſſe vnſinnigkeit/vnmenschlicher vnuerſtand / vnd der natur gānglich zuwider/das ein menſch dem andern alſo auffſezig vñ nachſtellig ſein ſoll/durch vnzāliche tödtliche gfar vnderſtand zu verderben vnd vmbzubringen/welche doch von der natur/als einer götlichen werckmeiſterin/dermaſſen verſorgt/erhalten vnd auffbracht ſeind. Aber ſollichs vnd dergleichen mehr / mag gar feyn erlernet vñ abgenommen werden/wa man alle ſolche glider mit fleiß/vnd verſtändigem gemüt erkündigt.

Zum leſten aber künden wir augenſcheinlichen mercken/auf der wunderbarlichen ſchöpfung des menschen/vnd vnergründtlichen zuſamenſezung/das der menſch nit vergebens/vñnd von ongefārd erſchaffen ſey / ſunder von Götlicher weiſheit/vnd ſolcher höchſter fürſichtigkeit des Almechtigen Gottes/ der alle ding durch ſein götlichen radt vorhin betrachtet hat.

Aber

aller glider menschlichs cōpers.

xxxviij

Aber nun wollen wir von disem ersten theyl/gleich als der haufhaltung/von welcher alle andere glider narung entpfahen/abweichen/welche doch/wa sy nit vom hertzen kressst entpfienge/namlich die natürlich wärme/für sich selbs nichts aufrichten würden &c.

Engentliche beschreibung/ artliche Contrafactur vnd erklärung der an dren vnder scheydung / oder des andern teyls mensch lichs Cōpers/das ist der brust/ vnd darinn verschlossner glider.



De wollen wir
erstlich den güchertzige Leser
in kurzem vndrichten/der grossen nutz
barkeyt dises andn vnd mitlen teils des
leibs/ehe wir das hertz vnnnd beyneben
glider beschreiben vnd erklären.

In disem andern teyl der brust ist das hertz/die lung/vnd geschirz
oder werckzeug des athems / luffts vnnnd der stim verschlossen / ein
werckstatt der natürlichen hitz vnnnd leblichen wärme. Dann di
ses orts fürnemliche würckung ist / die natürliche lebliche wärme
zügeben/erhalten/vnnnd in den gängen leib aufzügiessen / weiter
auch den lufft an sich züziehen/das hertz zükülen vnnnd züerquickten/
auch die stim züwegen bringen.

Das gebänd der brust haben wir droben gnügsamlichen erzölet/
Derhalben wir hie sollichs übergond vnnnd fürtfaren wollen /erst
lich die fellin vnnnd beschirmungen/nachmals das hertz vnnnd lung/
ordenlich zübeschreiben / yhz natur / kressst / würckung vnnnd eygen
schafft züerklären.

Der fellin der brust seind drey / das erst theilet oder vnder schey
det die brust durch die mitte in zwey teyl / nach der länge in die linck
S ij vnd

Anatomi/ Contrafactur vnd beschreibung

vnnnd recht seyt/das ander vmbgibt vnd bekleydet die rippen. Das dritt vnderseydet die brust überzwerch vom vndersten bauch/darinn die glider des eingeweydts zu der narung dienstlich / verfasst seind.

Von dem ersten fellin der brust/von welchem sy nach der länge in zwey teil vnderseyden wirt.

DAs erst fellin vnderseydet innerhalb die ganz brust voneinander/vnd teilet sy in zwey theil/die linck/vnd die recht seit. Dises fellin vnderseydet auch gleicherweiss die lungen/darmit zu beiden theilen das hertz zwifache erkülung durch den athem schöpfen mög.

Dises fellin/dieweils es vast starck ist/hafftet es an/der brust/blut adern/hertz adern/weiss geäder vom hirn/den schlundt/oder die lufftrhör/vnd die lung/vnd wirt sollichs fellin am vordern teyl der brust/an das vorder mittel beyn der brust/dahinden an die knorren des ruckgrads/angehafftet.

Von dem ripfällin/welches innerhalb die rippen vmbgibt vnd bekleydet.

DAs ander fellin innerhalb der brust/bedeckt vnd vmbgibt die rippen ganz vnd gar/ist vast subtil/von weissem geäder innerhalb über die rippen allenthalben gespreittet/sy zübedecken/sampt den meißfleischlin darzwischen. In disem fellin erhebt sich ein schwere vñ sorgliche krankheit des scharpfen febers vnd innerlich entzündung vnd geschwer/dann etwan dises fellin/etwan die meißfleischlin darmit entzündet werden/namlich/wa an disem ort die scharpfen feuchten auffwallen/erhizigt werden/vñ also erfaulen/es volgt aber alzeit ein überhizig scharpff feber/von wegen der nähe des hertzens/auch das dises fellin mit dem nechstuolgenden überzwerchen zwerchfel vereynigt ist/welches auch von der nähene wegen/erhizigt/vnd von seiner bewegung/die entzündung mehret.

Don

Von dem fleyschigen zwerchfel/welches die
brust von dem vndersten bauch / darinn die glider
der narung verschlossen/theylet vnnnd
absündert.

DAs letzt vnd dritt fel/wirt das zwerchfel genant /dann
es theylet oder vnderseydet die glider des luffts vnd
athems von dem vndersten bauch / darinn die leber /ma
gen /miltz /gedärm /eyngeweyd /vnd was zu der narung
dienet /verschlossen seind. Difes fel ist vast fleyschig/
vñ dick /derhalben füglich ein meiß fleisch genant werden mag/
dannes /wie solche meiß fleisch /vast fleyschig ist /mit vilem weissem
geäder /mit zweyen dünneren fellin vmbgeben /von vil grosser nütz
barkeit wegen erschaffen / namlich das dardurch die lungen bewegt
werde /den lufft vnnnd athem an sich zuziehen / vnnnd wider von sich
zugeben. Zu dem andern /dases theyle vnnnd vnderseyde die gli
der der narung vnnnd fürung / von den edleren glidern des leblichen
geystes / luffts oder athems / auch das es den schlundt oder magen
mundt zusamen trucke / darmit die dämpff nach der eyngenommenen
speiß nitt zühessig auffriecken vnnnd übersich steigen. Zum dritten/
das es den stamien der grossen leber ader befestige vnnnd übersich für
re. Zum vierdten /dases dem gedärm in aufreibung der vnreynig
keyt vnd bauch /behulfflich sey.

Die grosse /breytte vnd nidergebogne gestalt vnd form / mag nach
seiner gelegenheyt gemerckt werden /dann zūnderst steigt es über
sich /vnnnd erstreckt sich bis an das vorderst knürspelecht beyn der
brust /vnd wirt solchem vordern bein der brust angehaftet /dann es
erreycht die lung /darmit es sy treibe vnnnd bewege /breyttet sich also
auß vnden herumb /vnnnd wirt dem ruckgrad angehaftet / bey dem
zwelfften knorren des ruckgradts / oberhalb den lenden / in der rech
ten seitten hat es ein loch / durch welches loch der stam der grossen
leber ader übersich steigt von der leber zu dem hertzen (wie dann da
uornen an einem sunderlichen ort hienon geredt worden ist.) In der
lincken seitten hat es auch ein ander loch / durch welches der schlundt
oder speiß vor sich erstreckt bis in den magen. Es gond auch weitter
durch offtgemeldts zwerchfel / äst / von dem grossen stamien der
hertz adern.

Anatomi/ Contrafactur vnd beschreibung

Hiemerck ein wunderbarliche geschicht / die Plinius beschreibet /
namlich wie ettlichen kempffern oder sechtern das fleyschig zwerch-
fel gewundet oder geletzt worden sey / dise sollen von stätigem lach-
en gestorben sein / vnd sich zütodt gelacht haben. Daher ettlich mey-
nen / das dises felein ort vnd statt sey / da sich das lachen erhebt / oder
des gelächters / dann es hat vil weisses geäders / darumb solches kiz-
len scherpfper entpfunden wirt. Dann lachen ist nichts anders / dan
ein bewegung oder aufspannung dises fels / von wegen hefftiger
entpfindtlicheyt.

Plato der fleissig erkündiger der natur / vnnnd trefflich Philoso-
phus / schreibt / das zügliche wie in einem wolgebawenen hauf / von
nötten ist wandtscheydung yederley gemacht vnnnd wonungen / das
also auch in disem trefflichen geschöpff vnnnd wunderwerck Gottes
in menschlichem Cörper / von nötten gewesen sey solcher vndersey-
dung / durch dises fellin / welches die edlern glied des leblichen geists /
luffts vnd athems / gleich als die firtrefflichsten vō den vndersten /
die zū der narung gehören / vnderseyd / gleich wie die Säl vnd an-
dere gemacht / von der kuchen vnd speykamern abgesündert vnd vn-
derscheyden seind. Solcher meynung Platonis volgt auch Aristos-
teles / vnd schreibt / das dise vnderseydung des vndersten bauchs /
von der brust / durch das mittel fleyschig zwerchfal / derhal-
ben erschaffen sey / das der böß geruch vnd gestanck von
dem eyngeweyd vnnnd gedärm nicht durchtringe /
über sich steig / vnnnd die obersten / Edleren /
vnnnd firtrefflicheren glider
verleze.

Von beschirmung

des hertzens / das hertz=
heißlin genant.

Dieweil



Jeweil wir obge

melte drey fellin der brust/gnüg-
samlich/nach vnserm beduncken vnd ver-
mögen beschriben haben / erfordert vnse-
re fürgenomine ordnung weiter auch das
hertz fürh anden zunehmen / als den für-
nambsten theil inn der brust verschlossen/
aber doch/ehe wir dasselbig angreiffen/
wollen wir erstlich seine nechste wonung

vnd beschirmung beschreiben vnd erklären / dann das hertz wirt zu-
gleich auch von einem solchen fellin/wie obgesagt / nechst vmbgeben
vnd beschirmt / welches wir wol das hertzheißlin nennen mögen/
dann von Galeno wirt es auch also genennet / Ist von weissem geä-
der dermassen zūsamen gesetzt/dick vnd vest / das es etwas weycher
ist dann bein/doch das hertz beschirme/wirt dem fellin /welches die
rippen vmbgibt/angehaftet / des gleichen auch dem anderen/so die
brust nach der länge vnder scheydet / vnnnd auch dem obgeschribnen
fleyschigen zwerchfel /wirt auch also durch seine heitlin dem her-
zen angehaftet. Haltet in sich gefasset/ein wässerige feuchte/doch
der selbigen wenig/aber doch alle zeyt vorhanden /darmit das hertz
daruon/gleich als von einem nassen taw/befeuchtet werde / das es
nicht von grosser überschwencklicher hitz verdorre. Wa auch diser
feuchter taw ertrücknet / wie den schwind suchtigen vnnnd abnema-
menden geschicht / so stirbt der mensch / gleich wie auch denen ge-
schicht/so hefftige anligende schmerzē haben des gemüts. Wa auch
dise offtgemelte feuchte zūhefftig überhand nimpt / entstadt darauf
zittern/beben/vnd erstöckung der leblichen geyst.

Es ist auch weiter noch ein fette vmb das hertz/welcher/die ma-
gers leibs seind/gar wenig haben/aber die masten vnd feysten
haben ihr vil. Dise feystigkeyt ist auch von der natur
verordnet/das sy verhütte / dz das hertz nitt von
stättiger vnablässlicher bewegung
verdorre ic.

Anatomi / Contrafactur vnd beschreibung
Des edlesten / fürtrefflichsten
glids in der brust verfasst / namlich des her-
zens / eygentliche beschreibung / seiner zusamense-
tzung / gestalt / art / würckung / natur /
vnd eygenschafft zc.



Dgleycherweiß

wie in der welt die sonn / die
hitz oder wärme der selben / ein vsach
ist / darnon das erdtrich fruchtbar
wirt / also ist auch das hertz in mensch-
lichem Körper / ein brunn vnd vsprung

der leblichen hitz vnd natürlichen wärme. Darmit aber die würdig-
keyt vnd fürtrefflicheyt des hertzens eygentlich gemerckt vnd ver-
standen werden mög / wollen wir erstlich sein gebürliche würckung
vnd nutzbarkeyt erzölen / dann sollichs alles nachmals gründtlicher
vnd eigentlicher verstanden werden mag / so zuvor alle stück darvon
es verordnet vnd zusamen gesetzt ist / erzölet vnd erkläret werden.
Vnd ist aber in gmeyn sollichs sein gebürlich werck vnd ampt / nam-
lich / das es das angezogen grob dick blüt von der leber / reynige / er-
werme / vnd zum theyl den leblichen geyst gebäre / vnd den übrigen
erwärmten theyl / dem gangen leib in alle glider überschick / die sel-
bigen zufüren vnd nören. Dann wa das geblüt nit entzündet wür-
de / oder erhitzigt von der natürlichen hitz vnd leblichen wärme / vn-
also in solcher wärme von dem leblichen geyst erhalten würde / so be-
schehe kein änderung noch narung oder fürung.

Derhalben auch das hertz ein geschirr vnd werckzeüß genennet
wirt aller natürlichen würckung / dann zu der änderung vnd ver-
wandlung / des gleichen auch zu andern würckunge / der leblich geyst
hoch

hoch von nöthen ist/welchen das hertz gebürt/vnnd durch den ganzen leib in alle ort außspreyttet vnd theylet.

Hierauf mag nun weiter gemerckt vnnd ermessen werden / auß solcher würckung / wie hoch nützlich / vnnd trefflich von nöthen sey dem leib / dis glid. Dann wa die natürlich hitz / leblich wärme / vnnd die leblichen geyster verloschen seind / sterben darmit ab alle würckungen. Es zeygt auch sollich an die erfahrung / wa das hertz verwundet wirt / dz ein yedes lebendigs thier von solcher wund stirbt / vnd bald seins lebens beraubt wirt.

Wiewol aber noch weiter andere gebürliche würckungen vnd ämpter des hertzens / in erzölung der theil / darvon es zusamen gesetzt vnnd geordnet ist / angezeygt vnd beschriben werden / ist von nöthen anfänglich zusagen / wie das hertz ein statt vnnd ort / auch ein sonderer werckzeig ist aller bewegung des gemüts / derhalben es wunderbarlicher art / mit vilfeltigen fassen bewegt wirt / die im hertze erschaffen vnnd verordnet seind / vnnd ist sollich grosser verwunderung würdig / dz das hertz vō so vilerley bewegüg bewegt wirt / in freüß / leyd / traurigkeit / vnnd dergleichen / das sollich als bald zü hertzen gadt / Waraüf mögen doch immermehr solche wunderbarliche vilfeltige bewegung entspringen im hertzen: Die Instrument der bewegung erscheinen / aber darab ist sich hoch zü verwundern / in solchen vilerley fassen vnd fachen / solche wunderbarliche krefft zü sein / also dz das hertz / als bald vns etwas begegnet / ang sagt oder verkündigt wirt / als stümpflingen bewegt werden soll.

Derhalben das hertz gar geschicklichen einem Künig vergleicht wirt / von beyder würckung vnnd ampt wegen / darumb das es die leblichen geyst gebürt / durch welche aller krefft würckung erhalten werden / derhalben es auch ein behausung ist des lebens / vnnd auch / das es ein sitz / werckstatt / gwis ort vnd statt ist / aller bewegung des gemüts / freüß / leyd / forcht / hoffnung / vnmüt / betrübnis der liebe / haß / neidt / zorns / barmherzigkeit vnnd beiamern ic. Gleich wie auch ein Künig (wa er anderst ein rechter künig ist) von bösem vnd güttem / was dem gemeynē nutz widerfert / fürnemlich bewegt werden soll / dieweil nun das hertz fürnämlich solche bewegüg befindet / vnnd jr ampt / mag es billich ein Künig des leibs genennet werden.

Weitter auch / dieweil die todten oder abgestorbenen solcher bewegung

Anatomi/ Contrafactur vnd beschreibung

gung keine haben/ist züachten / das vns das leben am meysten an solchem ort/welches am trefflichsten fület oder entpfindet / lige / vnnnd sein statt habe.

Also haben wir auff das kürzest vnd eygentlichst von der gebürlichen würckung vnd ampt des hertzens geredt/wöllen also weiter firtfaren/die substanz des hertzens zübeschreiben / welche ein grob dick fleysch ist /hart züsamen getrungen/vilseltiger fasen/durch welche das hertz on vnderlaß bewegt wirt. Dann solche / natürliche vnnnd angeborne/bewegungen seind des hertzens/als der schlag des puls des hertzens/vñ von bewegung des gmüts. Aber das hertz zitterē vnd beben ist ein böser züfall vnd krankheit/kein natürliche bewegung des gmüts/wirt auch auß vil anderer vsach erweckt/wiewol wan solchs zittern vnd beben herzü schlecht/in hefftiger bewegung des gmüts.

Der puls schlag des hertzens ist aber derhalben von nöten/dz dar durch der lufft an sich gezogen werd/züfülen/vnd das auß der bewegung die geyster entstanden / Auch weiter / das durch solche bewegung der leblich geyst vnnnd blüt in alle ort des leibs außgespreyttet wurden/vnnnd wie Galenus spricht / das der gebrauch der fasen erkant würde / dann solcher puls schlag des hertzens / wirt geursacht von den hōlin des hertzens/so sy sich auff vnd zü ziehen.

Dieweil aber nun ein mercklicher vnder scheyd ist/in solcher wunderbarlichen vilseltigen bewegungen des puls schlags des hertzens/wirt doch solche vilseltige bewegung sunderlichen gemerckt in mancherley ānderung der bewegung des gmüts / vnnnd ist sollichs sunderlich züerwunderen / das inn solchen bewegungen des gmüts/das hertz durch sollichs auff vnnnd zü ziehen / sunderliche natürliche feuchte an sich zeücht im leib/als im zorn die gall od Cholerisch feuchte/in freüd vnnnd wollust spreyttet es auß das geblüt zü eüßerst/aber in forcht zeücht es dasselbig an sich/in vnmüt vñ traurigkeit bewegt vnd zeücht es die grob schwer melancholisch feuchte oder schwarze gallen. Wer kan aber solcher vilsältiger vnder scheyd gründtliche vsach erkündigen?

Das aber alle solche bewegung vom hertzen beschicht/haben wir güt wissens/derhalben die natur vnd krefft des hertzens vast wunderbarlich sein müssen/warumb es sich also erfrew / oder in vnmüt vnd trauren fall / vnd dergleichen vil andern bewegungen mer des gmüts / angfochten/vnd in seiner würckung getriben werd/nit anderst

ders dann wie der wagen von den fürgespannen pferden gezogen wirt/dzes ye in einer yeden bewegung des gmüts / ein sündliche natürliche feichte bewege vnd an sich ziehe / aber von solcher wunder-
barlichen änderung des gmüts im hertzen / werden wir zū end dises büchs noch weiter redē. Hab hie alleyn sollich auff das kürzest an-
ziehen wollen / das verstanden werd / zū was vsach / gebrauch vnn-
nuzbarkeyt / also vil fassen in dem hertzen erschaffen seyen / vnn-
d das solche vilfältige vngleiche ändung oder bewegung mit fleiß gmerckt
würde / das wir auch lereten vnd anzeigten / dz das hertz ein ort vnd
statt sey solcher bewegung vnn- d änderung des gemüts. In heyliger
göttlicher geschuift wirt auch das hertz genennet für dasselbig teyl/
darinn die rechten änderungen des gemüts verfasset seind.

Die hasen/hirzen vnn- d esel haben grosse hertzen / darumb spricht
Aristoteles / das die forchtsamer seyen / so ein grof hertz haben / aber
sollich werde verstanden von ein grossen weitten hertzen / das nit
vast dick ist / nit hitzig gnüg / das wenig leblichs geysts gebäre. Dann
welche ein grof hertz haben / vast dick / hitzig / vñ so vil leblichs geysts
gebürt / die seind starck / kressstig vnd kün.

Der starck Aristomenus Messenij / wirt beyn alten gschichtschrei-
bern hoch gelobt / der hat dreyhundert Lacedemonier erschlagen vñ
erwürgt / inn disem hat man ein harig hertz gefunden / darauf man
mätmassen vnd abnehmen mag / das es grof / grob vnn- d vast hitzig
gewesen sey.

Aristoteles zeygt auch an / das die / welchen das fleisch des hertzes
vast dick ist / vnuerständig vnn- d doll seyen / vnd herwiderumb die /
welche die fleischig substantz des hertzens / weich vñ luck ist / scherpf-
fers verstandts seyen / glaub das sollich der vsach halben sey / dz sy
subtilere lebliche geyster geben.

Das hertz ligt inn alle weg zū messen / recht in mitte der brust / aber
yergund helt man es darfür / das sich der vnöst spitz des hertzens / ge-
gen dem lincken dutten erhebe / villeicht / das es der lincken seytten
ettwas mehr wärme gebe / dann inn der rechten seitten wirt die hitz
gemehret von der leber. Auß diser vsach haltet gemeynlich yeder-
man von dem gemeynen volck / das hertz lig in der lincken seytten &c.

Die gestalt des hertzens vergleicht sich einer Dann nuss / oder ey-
nem vast stumpffen kegel / alleyn das es zū beyden seytten ein runde
auffgebogne fleche hat. Weit innerhalb zū fassen die innern hölin
die im von nöten seind.

Die

Anatomi / Contrafactur vnd beschreibung

Die lung vmbgibt das hertz zü beyden seitten / in der lincken vnnnd der rechten / on allein züforderst / da ist es bloß von der lungen / vnnnd vnbedeckt. Aber nun wollen wir weiter firtfaren / ein jegklich stuck oder theyl / daruon das hertz züsamen gesetzt ist / in sunderheyt zü beschreiben.

In dem hertzen seind zwo hölin / eine in der lincken / die ander inn der rechten seitten / dise seind in mitte vnder scheyden / in welcher vnder scheydung etliche löchlin gsehen werden / von etlichen die drit höle genant / oder die mitler höle / solche hölin / dieweil sy vast eng vnd klein seind / mögen sy am besten inn den hertzen grosser thier gsehen werden / als kñw vnd ochsen.

Die hölin in der rechten seitten des hertzens / hat die nutzbarkeyt / das der stam von der grossen leber ader darein gang / welcher das blüt von der leber bringt / welches in dise höle fleißt. Sollichs blüt wirt dann in drey teil vnder scheyden vnd abgsündert / von etlichem teyl des subtilisten blüts / mit Cholerischer feuchte vermischet / wirt die lung gespeiset. Der ander teyl wirt durch obgemelte gang in die lincke höle des hertzens gegossen / vnd in leblichen geyst verwandelt. Der drit teyl / vnd der merer teyl fleißt von der höle der rechten seitten / in die mitlern höle hin vnd wider / das er auffsupffe den lebliche geyst (Diser teyl hat die art des orts / zwischen Euboea vnd Attica gelegen / Euripus gnant / in welchem das wasser täglichen sibem mal verschluckt / vnd als oft widerumb auß gegossen wirt) nach dem er den leblichen geyst entpfangen hat / wirt solcher teil durch die äst des grossen stammens der leber oder blüt adern außgetheylt / durch den ganzen leib in alle ort / zü der narung vnd fürung.

Siemerck die groß würdigkeit diser hölin / welche dem ganzen leib vnd allen glidern das blüt / welches den leblichen geyst entpfangen hat / mitteylt vnd überschickt. Nun wollen wir weiter auch die nutzbarkeyt der lincken höle erzölen / so wir vorhin die züsamen setzung der rechten hölin beschriben.

In die recht höle des hertzens seind zwo blüt adern eyngehefftet / namlich der oftgemelt groß stam der leber ader oder blüt ader / den wir zü vil malen ein weg vnnnd gang genennet haben / durch welchen das blüt von der leber zü dem hertzen gebracht wirt / aber vorhin ehe sich solcher groß stam der leber ader in das hertz erstreckt / in die rechte hölin / spreytten sich auß zwen kleine äst / die begreiffen das eüßerst teyl des hertzens / vnd teylet mit / dem hertzen blüt / vnd am selbigen
ort

aller glider menschlichs cōpers. xliij

ort/da der stam̄ der grossen leber ader in das hertz eyngadt / inn die recht hōle nahe bey den ohren / das man also nennet / wie volge wirt / entspringt von off tgm̄ltem stammen der grossen leber ader ein ast / der erstreckt sich über sich zu der gurglen / gleich als ein stam̄ aller über sich steigenden blütadern / welche dem obern theil oberhalbē der brust / blüt bringen zu jr narung. Vnd sey sollichs gnüg geredt auff diß mal / von dem stammen der leber ader / dan̄ sollichs droben alles klarlichen beschriben / vnd durch augenscheynliche artliche Contrafactur angezeygt ist.

Die ander blüt ader in der rechten hōle des hertzens / entspringt auß dem hertzen selber / den andern blüt oder leber adern vngleich / derhalbē sy ein vermischten namēn entpfangen / vnd ein hertzblüt ader genennet wirt / von den newen ärzten vnd fleissigen erkündigern der natur / ein stille vn̄klopfende hertzad̄ gnant wirt / aber der vrsach halbē ein blüthertz ader genāt / dieweil sy eben gefast ist wie die klopfenden oder schlahenden hertzadern / namlich dicker starcker haut / dann die andern leber oð blüt adern / welche das blüt zu der narung fassen / seind alleyn gefasst mitt einer eynfachen haut / dann das blüt ist dick / darumb seind die gefäße deß dünner / darmit die narung füglicher außgespreyttet werden mög. Aber die schlahenden oder klopfenden hertzadern haben baß versichert werden müssen / darmit der leblich geyst / der subtil / reyn vnd düñ ist / nit gleich durch tringen oder verriechen möcht. Derhalbē solcher hertz adern haut sechs mal dicker ist / dan̄ der blüt oder leber adern haut vnd fassung / also werden die blüt oder leber adern / von den hertz oder puls ad̄n / so schlahen oder klopfen / vnder scheyden.

Aber diße obgemeldte rübig hertz ader die wir ein blüthertz ader gnant haben / vergleicht sich den rechten hertz adern / daher sy auch den namēn entpfangen hat / dan̄ dieweil sy erschaffen ist / die lung zu nören / jr fürung vnd speiß zūbringen des blüts / hat sy auch stercker sein müssen / dann sy fasset subtil scharpff blüt von gallen / welches leichtlich verriechen oder durch tringen möcht. Damit aber sollichs gwendet würde / hat sy krefftiger bewarung bedörfft / so ist auch solche stercke der fassung fürnemlich von nöten gewesen / darmit solche ader von der stäten bewegung der lungen / nit zerrissen oder gebrochen würde. Dises seind die fürnamblichsten werck der hōle der rechten seyten.

Anatomi / Contrafactur vnd beschreibung

Nun wollen wir in fürgnommener ordnung fürtsaren / auch dermassen die lincke höle mit jr zugehörd zubeschawen vnd erkläre. Dise höle fasset das regiment / vnd ist gleich ein Schloß vnd veste des lebens. Dann zugleich erweiß wie die flam durch den wiechen das öl oder fette an sich zeücht vnnnd verzöret / also zeücht dise höle / von der rechten vnnnd mitlern höle / das blüt an sich / welches sy verwandelt vnd ändert inn lebliche geyst / gleich als in ein flammen des liechts. Vnnnd wie in dem wiechen / der flam ein warer brunnender rauch ist / also seind auch die leblichen geyst / rauch des blüts / der da brennet vñ vast hitzig ist / also das sy recht vnnnd wol ein rauch genennet werden möchten. Dise lebliche geyst gebürt die lincke höle des hertzens / derhalben sy in der hitz krefftiger ist dann die recht höle.

Nun wollen wir auch weiter die stück vnnnd züsamensetzungen diser höle beschawen vnnnd erklären. In diser höle seind auch zwey rhören eyngepflanzet / die ein vast groß / ein stam vnnnd vrsprung aller anderer äst der hertzadern / dann zugleich erweiß wie die blüt adn oder leber adern / so das blüt zü der narung aller theyl des leibs / aufspreytten vnnnd fassen / von dem grossen stammen der leber adern ihren vrsprung habē / also entspringen auch alle hertzadern / welche den leblichen geyst fassen vnnnd führen / von disem grossen stammen der hertzadern.

Dise hertzadern seind gemeynlich mit den blütadern gsellet / vnd durch den ganzen leib aufgespreyttet.

Diser groß stam der hertzadern / theylet oder spaltet sich / nach dem er sich ein wenig auß dem hertzen heraus begeben vnd erstreckt hat / inn zwey theyl oder grosse äst / der ein steigt übersich / das er den leblichen geyst / den obersten glidern bring / Der ander vnd grösser / steigt vnder sich hinab.

Dise äst begegnen den ästen der grossen leber ader / mit welchen sy sich gesellen (wie obgesagt) vnnnd züsamē halten durch den ganzen leib / in alle ort vnd glider gespreyttet / dann gar selten ein hertzader / on ein blüt oder leber ader gefunden wirt. Vnnnd ist aber hie gar lustig vnd wundbarlich zumercken vnd zü betrachten / die nutzbarkeyt solcher züsamē gesellung vnd vereynigung der blüt vnd hertz adn / was nutzbarkeyt darauf entspringe / dann auß solcher vereynigung beyder aderen / entpfahet die blüt ader durch vast enge vnsichtbare gāng / den leblichen geyst / welcher durch die natürliche wärme vnd lebliche hitz / das blüt erweckt / erquickt / döwet vnnnd erhaltet. Herwiderumb

aller glider menschliche corpore.

fluss

widerumb auch/so entpfahen die hertzadern etwas blüts von den blütadern/von welchen sy befeuchtet/vnnd der leblich geyst gemehret wirt. In solcher widergeltung entpfangner gütthat/diser beyder/hertz vnd blüt adern/ist vns gar ein schön Exempel der widergeltung entpfangner freundschaft für augen gestellt/on welche die natur nit erhalten werden mag.

Oberhalb vmb die lungen herum/vnder der kälen/ist ein düssecht fleisch verordnet/den übersich steigenden hertz vn blüt adern/in den ergrimpten vnnd zornigen steigen die erhitzigten geyster hinauff/entzündendie lung vnnd das haupt/die augen vnnd das ganz angesicht werden rotfarb/vnnd erbrennen. Darumb spricht Hippocrates/das vom zorn die hitz zu dem hertzen/lungen vnd haupt gegeben werde/aber freud vnd wolgefallen erleuttern das hertz.

Also haben wir erzolt den vrsprung des stammens der grossen hertz adern/Nun wollen wir das ander rölin diser höle erklären vnd beschreiben. Dises rhor wirt ein hertzblüt ader genant/gleich wie von der ader droben gesagt ist/welche wir ein blüthertz ader geneinet haben/dise erstreckt sich zu der lunge. Vn wirt nit alleyn irer gestalt halben/sunder auch von wegen irer nutzbarkeyt vnd gebrauch/von der blüthertz adern vndscheyden/welche ir vrsprung hat auß der rechten höle des hertzens/in die lunge erstreckt. Dan von der rechten höle des hertzens wirt das blüt in die lungen gesant/sy züspeisen. Aber diser gang in der lincken höle/bringt von der lungen den lufft vnnd athem/das hertz zükülen/dann der lufft wirt durch den athem/durch das lufftrhor der gurglen/in die lungen gebracht. Es spreyttet aber dise hertzblüt ader ettliche ästlin/welche obgemelts lufftrhor der kälen erreychen/vnnd den athem durch ärge löchlin oder aufgänge entpfahen/das sy solchen dem hertzen züschicken.

Herwiderumb füret auch dise ader den dampff vnd den erhitzigten lufft auß von dem hertzen/doch zugleich/wiewol sy auch der lungen den leblichen geyst züfüret/vnnd das erwärmpt blüt von dem hertzen/sy züerhitzigen. Zü solchem gebrauch ist sy geschaffen vnd gestaltet worden/dann sy nitt also dick/vnnd wolbewaret ist/als andere hertz adern/sunder hat allein ein eynige haut oder fassung/darmit sy leichtlicher vnd bequemer auffgespannen vnd zügethon werden mög/den lufft an sich züziehen vnnd von sich zügeben/ Weiter

I ij auch

Anatomi/Contrafactur vnd beschreibung


auch/dz das dämpffig blüt darauf verriechen mög / vnd sy von irer hertigkeyt wegen / die bewegung der lungen verhinder.

Derhalben wirt dise ader ein hertzblüt ader geneñet / dann sy fürnämlich erschaffen vnd geordnet ist / den lufft vnd geyst zûführen / aber doch in der gestalt vergleicht sy sich der blüt adern.

Also hab ich in kurzem die hertzadern sampt yhren ästen vnd außspreytung erzölt. Darmit du aber auch sollich durch augenscheynliche fürmalung / ein grundtlichern augenscheynlichen bericht findest / willich dir volgendts Contrafact mǎñlin für außstellen / mit eygentlicher vnd hoch nützlicher erklärung.

Volgende Figur gibt dir ein anzeygung aller hertz
adern / wie sy sich von dem hertzen / als ihrem
ursprung / vom grossen stamien der hertz
adern außspreitten mit iren ästen /
in alle ort vñnd glieder der
menschen / den leblichen geyst auß
zûspreyt
ten ic.

Aller



Anatomi / Contrafactur vnd beschreibung
Aller hertz oder pulß adern /
 so den leblichen geyst in alle ort des leibs auß-
 spreitten / in nechst vorgonder figur künstlich Contrafeitet /
 für augen gestellt / weittere erklärang.



N nechst vorgon-
 der figur hab ich dir augen-
 scheinliche vnderichtung geben aller
 hertz oder pulß adern / wie sy sich vom
 hertzen als irem ersten vrsprung / von
 dem grossen stammen der hertz adern
 in manche äst außspreyten / vnd in al-
 le glider sich eynpflanzen / den selbige
 den subtilen leblichen geyst vom hertzen züzubringen / darmit du ab-
 er solche für augen gestelte figur gantzlichen verston mögest / will ich
 dir folgenden weittern bericht vnd vnderweisung geben ꝛc.

Erklärung des ersten obersten Alphabets.

- A.** zeigt an die durchschrenckung viler hertz vnd blüt äderlin in bey-
 den vordern hölin des hirns.
- B.** ist die durchschrenckung erstgemelter hertz vnd hirn äderlin / zñ
 vnderst des hirns / nechst dem vnðlegten beyn / das wundbarlich
 netzlin genant / darinn wirt der leblich geyst in den sinlichen geyst
 bereyttet.
- C.** seind die hertz oder pulß adern / die sich hinder den ohren hin-
 auff / zñ den schlaffen vnd angesicht erstrecken.
- D.** gond zñ der zungen / dem gaumen / vnd obern teyl der speißrözen
- E.** seind beyde grosse hals hertz adern / werden auch die schlaff
 adern genant / dann wa sy beyde miteinander zñsamen getruckt /
 vñnd also der durchgang des leblichen geystes verhindert wirt /
 wirt der mensch doll / dum / vnd zum teil vnendtpfindtlich / als sei
 er schlafftruncken.

aller glider menschlichs cōpers. . xlvj

ff. zū den überzwerchen gleychen des genicks/ sich biß zū dem hirn erstreckend.

GG. spreytten sich auß gegen dem vordern teyl des brustbeyns/ vñ zū den dutten/ vereynigen sich mitt den selbigen/ so durch die stracken weißfleisch gond.

HH. spreytē sich auß in die weißfleisch/ auff der hōle der schultern.

II. zū dem durchgonden euffersten weißfleisch der rippen/ dutten oder brüsten.

KK. gond in den arm vnder beyden ūchsen adern.

LL. zū dem gleych oder glid des elnbogens/ an jedem arm zwo oder zwifach.

MM. innerhalb der handt/ vnd erstreckt etliche āstlin außserhalb in daumen.

NN. zū den obersten rippen der brust.

O. ein fūrtreffliche grosse spaltung oder teylung des grossen stammens der hertzadern/ in welcher der dickst vñnd grost āst sich vnder sich hinab inn den leib erstreckt/ vñnd vil āst zū yeder rippen außspreyttet.

P. ist das stück von dem grossen stamē der leber ader/ der sich einpflantz in die hōle der rechten seitten des hertzens.

Q. ist die blūthertz ader/ welche den lufft vnd athem fūret von der lungen/ in die lincke hōle des hertzens.

R. ist die blūthertz āst/ welche der lungen blāt zū der narīg bringt/ auß der hōle des hertzens.

SS. seind kundtbare hertzadern des fleischigen zwerchfels.

T. in die inner hōle des milzes/ nach gestalt desselbigen grōßer.

V. geht in die inner hōle der leber/ vñnd zū dem blāßlin/ darinn sich die gallen samlet oder gallen balg.

X. zū dem magen/ darmneg/ Geüdel oder schmerfel.

Y. in das hertzin oder wep der saugenden āderlin oberhalb.

Erklärung des andern Alphabets.

J iij 22

Anatomi/ Contrafactur vnd beschreibung

AA. gond zů den nieren/etwas kleiner dann die blůt adern.

BB. seind die samenherz adern/zů yeder seitten eine.

C. spreyt sich auß durch das nezlin oder wep der saugenden ästlin.

DD. zů den gwerben oder knorren des ruckgrads/zů den überzwerchen vnd schlimmen meiß fleischen des vndersten vordn bauchs.

FFF. zů den löchern des vndersten beyns / zů end des ruckgradts / oberhalb dem arßbürgel. Dise werden von etlichen fälschlichen auß vnuerstand für die guldin adern des affsterns angezeygt.

GG. zů der blasen/vnd in beyderley geschlecht / weib vnd man / zů den geburt glidern.

HH. die hertz adern/durch welche der frucht in mütter leib / der athem vnd leblich geyst mitgetheylt vnd überreycht wirt / erstrecken sich etwan in grosse stammen.

II. erstrecken sich über sich in die schnůt schlechten meiß fleisch des vordern bauchs/vñ gond zůsamen mit den hertz adern der brůst / durch welche die barmütter sunderlich gemeynschafft hat mit den brůsten.

KK. zů den gleychen der hufft/vnd eüssern teil der diech.

LL. ein verborgne spaltung in der knyefcheiben oder knyebůg / tieff verborgen.

NN. ligt verborgen im innern teyl des füß.

UU. durchkreucht den eüssern teyl des füß / doch in der tieffe erstrecken sich vast kleine ästlin in den oberen teil des füß / vñnd sunderlich ein kundtbarlichs ästlin außwendig vmb die groß zehen.

Anzeygung etlicher sunderlicher zerspaltung vnd außspreyttung der äst des stammens der grossen hertz adern.

Etwan wirt gesehen / das sich die glinck schlaff ader des hals / von deren zeucht / so inn den glincken arm geht / als auch beyder hertz adern der brůst / gesehen worden / abgetheylt oder gescheyden von deren / die in die recht handt außgespreyttet wirt.

Die

aller glider menschlichs cörper.

xlviij

Die spaltung des stammens der grossen hertzader / wirt auch vngleichlich gefunden / ettwan vast nahe bey dem hertzen / ettwan ein wenig darvon.

Die kranz / lufft oder hertz adern / haben nit mögen in vorgesezter figur in irem visprung angezeygt werden / dann sy liegen verborren vnder dem netzlin / vnnnd verhütten / das der leblich geyst nit wider züruck lauff in das hertz.

Die hertz adern / welche den leblichen geyst zu der leber / miltz / dem magen / dem schmerfellin vnnnd wep der saugenden aderlin bringen / haben etwan zwen visprung oder wurzlen / wie in vorgesezter figur gesehen werden mag / ettwan drey / auch ettwan (welches doch inn menschlichem Cörper vast seltsam ist) nur einen. Aber gemeyntlich erstrecken sy sich auff vnser anzeygung / nach überzwerch.

Nach dem beyde samen hertz adern / erstlich bey vnsern zeytten erfunden vnd gemerckt worden seind / hat man sy allzeit gefunden anderst entspringen / von den stämmen der grossen hertz adern / wann die blüt oder samen leber adern / es ist auch ettwan die glincken nicht gefunden worden.

Die hertzader mitt L. L. verzeychnet / ist auch ettwan gefunden worden / sich bis auff den halben theil des schinbeins erstreckend / vnzertheilt oder vngespalten.

Die auftheilung der hertz oder lufft adern im eussersten fuß vnd knoden / wirt eben dermassen wie die in der eussersten hand / in mancherley weiß / vngleichlich zertheylet vnd aufgespreyttet ic.

Der fürnambsten äst so yhren visprung haben von dem stamm der hertz adern / werden hundert vnd syben vnd vierzig gezölet.

Also haben wir die hölin des hertzens / vnd alle rhörlin vnd gänge der hertz vnnnd blüt adern / so iren visprung darauf haben / nach vnserm beduncken gnügsamlich angezeygt vnnnd beschriben. Aber hie werden noch weiter von erfarnen ärzten / auch ettlich dem hertzen zugehörige theil beschriben / welche doch vast klein seind / darumb sy auch von wenigen gemerckt / Vnnnd erstlich zwey öhlin / das seind netzlin von weissem geäder zusamen gesetzt / welche runzlen / oder krumme hölin haben / Dise dienen beyden rhören oder gängen / namlich dem ast der grossen leber ader / vnnnd der hertz blüt ader.

Dann

Anatomi/Contrafactur vnd beschreibung

Dann an dem teyl/da sich der stam̄ der grossen leber oder blüt aß in das hertz hinneyn begibt/ist solchem eyngang zugeben ein öhlin/ (das ist/wie gesagt/ein fellin von weissem geäder) welches ettliche runtzlen oð krummehölin hat/die selbē besprēgt der strom der grossen leber aß mit ein wenig blüt/darmit/wa das hertz durstig wirt/aber nicht schnell gnüg/blüt von dem stammen der grossen leber adern an sich ziehen mag/von disem öhlin/als vom nechsten/sollichs blüt entpfahē. Dann der durst des hertzens ist also starck/das es durch das hefftig ziehen/den stammen der grossen leber oder blüt ader zer reißen möcht/derhalben in mangel/das hertz sollichs blüt vð disem öhlin oder fellin an sich zeucht/als von der nähe/welches sich baß thānen vnd strecken mag/vnd wider zūsamen ziehen/darumb auch das hertz das blüt gar schnell darauf zeucht.

Eben dermassen ist auch bey dem eyngang der hertz blütadern/ein sollichs öhlin gesetzt/welches den überflüssigen lufft vñnd geyst des hertzens fasset/an sich zeucht/vnd wider gibt. Darauf nun zumercken ist/das solche öhlin verordnet seind/damit allzeyt überflüssig blüt vnd leblicher geyst vorhanden wer.

Weitter seind noch kleyneretheyl/welche gar kaum gesehen oder durch das gesicht erkant werden mögen/von wegen jr kleyne/namlich kleine thürlin/in den vier gängen oder rören/die wir droben erzölt habē/als der stam̄ der grossen leber oder blütader/die blüthertz ader inn der rechten höle des hertzens/aber inn der lincken höle/der stam̄ der grossen hertz puls/oder lufft adern/vñ die hertz blüt ader. Dife werden/wie gemeldet/ein yede in sunderheyt/durch solche deckel oder thürlin/geöffnet oder beschlossen.

Galenus will/das sy ein form vñnd gestalt haben eins dreyeckchten spießeisens.

Dife ringe oder vast kleine theyl/so auch in dem hertzen gefunden werden/hett ich nit angezeygt/wa mich nit sunderlichen yhr grosse nutzbarkeyt darzū triben/Dann sy nitt alleyn erschaffen/auff vñnd zū/zūschliessen/darmit nichts zūhefftig auß oder eynfliesse/sunder sy seind ein werckzeig oder Instrument der ansich ziehung/Dann durch die bewegüg des hertzens gedōnet/erstrecken oder thānen vñ ziehen sy auch die fassung oð heütlin beyderley adern/darmit sy das erflüssig blüt oder überflüssigen geyst von sich schieben.

Das

aller glider menschliche corpers. xlviii


Das hertz sampt allen seinen zugehörigen teylen / haben wir auff das fleissigst nach vnserm vermögen angezeygt / beschriben vnd erklärt / aber zu weiterm vnd besserem verstand / wer vast nützlich / etwan die hertzen vnuernünfftiger thier mit fleiß zubeschawen / darmit wir durch solche augenscheinliche bericht aller ding / ein gründtlichen verstand fassen vnd abnehmen mögen.

Dieweil wir aber solchs wunderbarliche werck mit fleiß beschawen / sollen wir bey vns selber bedencken vnd erkennen / die vilfältigen wundbarlichen bewegungen dises glids / wie ein herrliche krafft die leblichen geyst zugeberet vnd allen glidern mitzutheylen / vnnnd außzuspreyten an alle ort / also werden wir on zweifel / wie zum offternmal gesagt / wol erachten künden / das solliche herrliche werck nit on vrsach / sunder durch den wundbarlichen vnergründtlichen radtschlag vnd fürsichtige vorbetrachtung des ewigen Gottes vñ höchsten werckmeisters erschaffen sey / welcher seiner Götlichen macht in disem glid sunderliche anzeigung eingepflantz hat / durch welche er will / das sein Götliche krafft vnd macht erkennet werde. Dann das hertz nit alleyn ein brunn ist des lebens / sunder auch / wie droben gnugsamlich angezeigt / ein sitz vnnnd gewisse statt aller innerlicher bewegung des gemüts / alles des so vns zühanden gadt. Solche wunderbarliche bewegung in freud / leyd / traurigkeit vnd wolgefallen / gibt auch weiter sunderliche anzeigung / das wir nit von vnfinlicher natur alleyn erschaffen seye / eszeygt auch ander almechtig Gott durch solche wunderbarliche bewegung / seinen vätterlichen willen vnnnd anmüt zü seiner creatur vnd schöpffung / das er die gerechtigkeit liebe / vnd die laster haß vnd ein abscheühens darab hab / also fñhrt vns die betrachtung vnd beschawung des hertzens / zü der waren erkantnis Gottes des Almechtigen schöpffers. &c.

Fürter wollen wir die übrigen theyl in der andern vndercheidung / oder andern theil menschliche corpers / namllich die lung vnnnd jr angehörig theyl / erklären vnd für augen stellen.

Der

Anatomi/ Contrafactur vnd beschreibung
Der lungen clare beschrei-
bung/irer gestalt/zusamensetzung/krafft/
natur vnd würckung.



It was für sich

tigkheit das hertz vō der lungen durch die natur vmbgeben ist/ gibt ein anzeygung ihr ampt vñnd würckūg / sy wirt auch gar geschicklichen von dem trefflichen Philo-

sophen vñnd erkündiger der natur Platone / ein weycher lufftweher gnennet/ so wir jr ampt/würckung vñnd zusamensetzung vernemen. Dann die substantz der lungen ist ein luck leicht lufftig fleisch / gleich einem zusamen gerunnenen blütschaum/zum teil von dreierley rōren zusamen geflochten/gleich einem netz durchschrenckt / vñnd durch die gantz lung auß gespreyttet. Dann die gurgel oder lufftrhōr/vñnd die zwei rōren so vom hertzen kummen/gond biß in die lungen / namlich die blüthertzader / welche auß der rechten hōle des hertzens der lungen blüt bringet zū der narung/vñnd die hertz blüt ader / welche ein rhōr ist des luffts/dise spreytten sich alle auß in kleine āstlin durch die gantz lungen. Dann von dem grossen rhōr der gurgel oder lufftrhōr wirt erstlich der lufft durch den athem an sich gezogen/welchen nachmals auß diser lufftrhōren / die hertzblüt ader an sich zeicht/vñnd zū dem hertzen schickt. Derhalben auch die lung on vnderlaß bewegt wirt / auff vñ zūgethon / also dz sy an sich ziehe/vñnd vō sich gebe den lufft / darauff der athem entspringt. Dz aber die lung nit vō jr selbst/sunder von der brust vñnd vom fleyschigen zwerchfel bewegt werde/leret Galenus gar fleissig vñnd eygentlichen / sy wirt auch von der bewegung des hertzens getriben ꝛ.

Gleich wie von der lebern gesagt ist / also ist auch die lung in ettliche fach getheylet oder zerspalten / namlich in drei fach / eins in der rechten seitten/vñnd zwey in der lincken.

Die

Die lung hat weiter zwifache würckung / dann sy dienet dem hertzen / vnd der stim / sy zūformieren / dem hertzen beweist sy zwifache gütthat vnd nutzbarkeyt / erstlich bringt sy im den lufft / der die hitz des hertzens küle / vnd solchen lufft bereyttet sy erstlichen / dann das hertz wurde gelegt vnnnd beleydigt / so zūvil kalter lufft stracks darzūtrungen / oder zūvil luffts. Die ander gütthat ist / dz das hertz ersteckt würde / wa es nitt durch die lung den dāmpffigen athem außtreiben möcht / von überschwencklicher vile des leblichen geystes / derhalben hoch von nöthen gewesen ist / das ein solch Instrument oder werckzeüig erschaffen wurde / dardurch solche dāmpff füglichē verriechen möchten. Darumb auch die lung dermassen erschaffen ist / das sy vil athems fasse / darmit vnderweilen / wa die schöpfung des athems vnderlassen würde / doch das hertz athem haben / lufft nemmen / vnd wider von sich geben möcht. Wa aber die lung nicht wer / würde der mensch vnnnd ein yedes lebendigs thier / das athem schöpffet / gar bald ersteckt.

Hierauf magstu vrtailen vnd mercken / wie nützlich sey die schöpfung des athems / vnd auß was vrsach die lung zū solcher schöpffung erschaffen sey. Aber die fisch im wasser haben kein lung / darumb schöpfen sy auch kein athem / doch ziehen sy ein wenig luffts an sich / durch die federn der ohren / bedörffen aber wenig luffts / dieweil sy kalter natur seind.

Die ander nutzbarkeyt der lungen ist / das sy den lufft treib inn die lufftrhōr der kälē / die stim zūformieren oder bereyten / dann gleich wie in einer pfeiffen / also wirt auch die stim zūwegen bracht / durch den eingeblasnen lufft / mit der zungen mancherley weiß gebrochen / wie wir auch durch den schlag in andern stimmen / menschliche stimmen zūwegen bringē / eben dermassen wirt auch die menschlich stim geformiert vnd zūwegen bracht. Sollichs aber vergleicher sich etlicher maß einer sackpfeiffen / dann die lung wirt von dem fleyschigen zwerchfel getriben vnd zūsamē getruckt / wie solcher läder sack / das sy dem lufftrhōr der kälē den lufft gibt / welcher durch die halb runden zirckel erstgemelts rhōrs / vnd dem kleinern zünglin oder hauch blat / vilfältig geändert / gebrochen / vnd darauff die stim vnd red geformiert wirt. Aber wie sollichs durch die natur / durch erzölte Instrument gschicht / also vnderstadt die kunst hierinn der natur zūfolgen / durch solche künstliche instrumēt / welche ire stimmen vom lufft entpfahen / als mancherlei art vnd gschlecht der pfeiffen vnd irs gleichē. Dieweil aber die fisch kein lungen habē / seind sy auch stock stim.

K Der

Anatomi / Contrafactur vnd beschreibung
Der lufftrhören oder kälrhö
ren ordenliche beschreibung / seiner zůsamensetzung /
art / natur / wůrckung vnd vilfeltigem gebrauch.



Vom gaumē biß
zů der lungen / erstrecket sich
ein gang / zwifacher nutzbarkeit halbē
erschaffen / dan er dienet zů der schöpf
fung des athems / vnd zů der stim / dan
der lufft durch den mundt vnd naßlö
cher geschöpfft wirt / durch dises rhor
oder gang in die lung gebracht / vnd
vom selbigē verriecken die dāmpff widerumb auß vom hertzen / wie
droben gsagt ist. Dieweil aber dises rhor dem hertzen von nōtten
was / von wegen der überschickung des luffts / hat sich noch ein ande
re nutzbarkeyt zůtragen / dann darmit nit an ein andern ort von nō
ten sein wůrde / noch ein ander rhor der stim halben zůbereyten vnd
erschaffen / ist dises rhor dermassen von göttlicher fürsehung geord
net / dz es auch ein Instrument oder werckzeüß wůrde der stim / für
nemlich dieweil zů der stim der lufft von nōten ist / welchen dises ror
hauffecht füret. Es ist auch weiter von nōten gewesen ein bewegüg /
welche den athem in solche rōren treib / sollichs volbringt die bewe
gung des fleischigen zwerchfels / von welchem die lung getribē wirt /
derhalben die gelegenheit des orts / vnd die geschicklicheyt aller obge
melten stück / ein visach gewesen seind / das dises ror ein werckzeüß vñ
instrument wůrde der stim. Ich glaub auch dz auß sundlichem radt
schlag vnd Gōttlicher fürsehung / dem hertzen die gschirz vnd werck
zeüß der stim zůgeben seind / gleich den Künigen / Fürsten vnd Herrē
ire redner / Oratores vnd Legaten. Oder dieweil die ansechtung des
gmüts vnd hertzlichs anligē fürnemlich durch die stim anzeygt wer
den künde / vñ aber solche anzeigende stim nit vnberadtlich schlechts
in leffzen / sund von grund des hertzens herfürbracht wurde / so das
selbig von bewegung des anligns entledigt ist.

Das werck dises glids geschöpff ist vast wunderbarlich / wie dan
wol

aller glider menschliche cörper.

I

wol zuuerneremen ist auß volgender beschreibung. Dañ dise obgemelt rhor ist gleich einer pfeiffen / streckt sich hinab in die lung / als bald sy die selbig erreycht / teylet vñ spaltet sy sich voneinander in zwen äst / auß welchẽ gar vil kleiner ästlin weiter entspringen / durch die gantz lungen gespreytet. Dis oftgemelt lufftror ist zum teil zusamen gsetzt von knürspelin / vnd zum teil von fellin oder heitlin / dann dieweil sy bewegt werden muß / wann sy den lufft auflaßt vnd entpfahet / dan im athmen so sy den lufft vñ sich gibt / wirt sy erweittert / aber im an sich ziehen zusamen getruckt / derhalben hat sy beschaffen werde muß sen von weichern nachlassenden gebänden oder beweglichen fellin. Aber weiter / dieweil sy ein instrument oder werckzeüg ist der stim / haben jr die knürsplin zugeordnet werden müssen / von welchen die ringlin in solcher gurgel oder kälror gemacht seind / eben dermassen zusamen gefügt / wie die gleychlin im Kreps schwantz / die hertigkeit diser knürspelechten zirckel / ist zur stim von nöte gewesen / dan es mag kein stim geben / es werde dann der lufft gebrochen durch ein widerstos. Aber dise zirckel seind nit gar rund / dann am selben ort da oftgemelte gurgel oder lufftrhor / den schlund oder speisrözen begreiffet / hat dasselbig theil linder vñnd weycher sein müssen / darmit solcher schlund oder speisror im verschlinden nit gehindert würde. Es ist auch solche käl oder gurgel ror mitt den fellin vmbgeben vnd bekleydet / das harter fellin vmbgibt vnd bedeckt innwendig die knürspelring etwas harter / darmit sy bschirmpt seyen / dz sy nit von scharpfen dämpffen vnd flüssen zernagt oder verlegt werden.

Aber in der schöpfung des anfangs der gurgel oder kälrhors / ist die natur über die maß wunderbarlich gewesen / dan solcher anfang zusamen gsetzt ist von meißfleisch / weissem geäder vnd knürspelin / vnd wirt mit heitlin oder fellin vmbgeben vnd bedeckt / das meißfleisch vnd weisßgeäder bewegen die knürspelin / welcher knürspelin drey gezület werden / wiewol ein yedes auß vilen zusamen gsetzt ist / das eüßerst vnd dicker / wirt das knöpflin am hals genant / vnd eüßerlichen griffen vnd gesehen.

Das and ist das hauchblatt / in gestalt eins kleinen zünglins / gleich wie die zünglin in schalmeien / krumphörnern vnd dergleichen / dem knürspelin angehaftet / welchs wir das knöpflin im hals (oder das weingürgelin nennen) mit zweyen meißfleisch / durch welche es bewegt wirt / das es auff vnd nider gang / mancherley stimmen herfür zübingen. Dises ist zusamen gsetzt von feichthem fettem schleyimigem fleysch / darmit es nit von stätter bewegung verdorre oder er-

K ij trückne

Anatomi / Contrafactur vnd beschreibung

trückne / sunder das es ein eigne angeborne befleißigüg hab / dienstlich die stim züwegen zübringen vnd formieren / wie dann gemerckt wirt in hitzigen brennenden febern / das die krancken schwerlich reden / von trückne vñ dürre wegen sollichs hauchblats oder zünglins.

Dises zünglin oder hauchblatt hat zwifache nutzbarkeit / ist ein fürtrefflich vnd fürnembst instrument die stim züwegen zübringen / vñ ist ein deckel / darmit die gurgel oder kälror beschloffen wirt / das weder speiß noch tranck hineyn fließen mög / derhalben denē so im essen vil redē / dieweil sollichs zünglin oder hauchblatt auffglassft / vnderweilen etwas in solche käl oder lufftrhören salt / daruon der mensch ersticke / wa es nit wiß züruck darauß gebracht würde / sollichs nennet man in die vnrecht käl gefaren vnd erkirnt / küpt inen zühilff mit hartem schlagen auff die schulter byhel / sollichs was in dises ror vnrecht kummen ist / wider züruck zübringen.

Das drit knürspelin ist geordnet zwischen dem anfang des käl oß lufftrors / vnd dem hauchblatt oder zünglin / hat auch zweyerlei nutzbarkeit / erstlich das es die stim hilfft züwegen bringen / dann wann sollichs zusamen gezogen / geet das hauchblatt auff / vnd wirt ein löchlin wie in einer pfeiffen / gerürt vom hauchblatt / vñnd wirt also die stim züwegen bracht. Die ander nutzbarkeit ist / das dises knürspelin zügleich wie das hauchblatt / verhütet / dz im essen oß trincken nichts in die vnrecht käl fare des lufftrors / also verhütet es / dz im obenauff brechen nichts darein fallen mög. Also haben wir dises knürspelin nach der meynung Galeni beschriben / welchem wir vor andern hie rinn volgen / dieweil er sollichs klar vñnd eygentlich beschriben hat. Aber hie mag ich nit fürüber gon vnd verschweigen / den trefflichen irthumb des grossen hochberümpften Philosophen vñ erkündigers der natur / Platonis / welcher vermeynt hat / offtgemelts gurgel oß lufftrhor sey ein gang des trancks / welcher dardurch einfließe zü der lungen / aber solchen irthumb Platonis widersprechen Aristoteles / vñ die ärzt garfüglich / dann der tranck gleich wie die speiß / durch den schlund oder speißrhor / in den magen fleißt / da er gedöwt werden muß / darmit er in der leber in blüt verwandelt werde / welches durch den stammen der grossen leber ader / zü dem hertzen gebracht wirt / wie droben gnügsamlich gesagt ist. Aber die gurgel oder kälror ist allein ein gang des luffts vnd athems. In solchem irthumb seind noch heüttigs tags vil leüt bey dem gemeynen mann / welchen durch vnuerstandt / solche erkündigung der natur / nit weiters dann dem groben vihe bekant seind.

Rechte

aller glider menschlichs cōpers.

ij

Rechte vnnnd ordenliche be=

schreibung der andern rhören in dem hals/des
gangs speiß vnd trancks/seiner zůsamensetzung/art/
eygenschaft vnd nutzbarkeyt.



Wiewol wir in

bschreibung des magens
droben auch meldūg gethon ha-
ben/vnnnd den brauch dises speiß
rors bschriben/wōllen wir doch
solche red dises orts wider für-
handen nemmen/darmit der vn-
derscheid diser beyd rhören dest

klarlicher gemerckt vnnnd verstanden werde. Diser rhōr ist ein gang
speiß vnd trancks/von heitlin vnd faserichem fleisch zůsamen gsetzt/
welche der ansich ziehung vnd aufwerffung oder von sich gebung/
dienstlich seind/derhalben ein grosser vnderseyd ist zwischen der
speiß rōren/vnd lufft rōren/dann sy seind vngleich in der substanz/
gebrauch vnd nutzbarkeit/gelegenheit der statt/vnd auch der länge/
dann die substanz der lufftrōren ist knürspelecht/wie droben gnüg-
sam gsagt ist/darmit sollichs rhor stercker sey/vnd nit zůsamen fall/
sunder offen bleib/ein gang des luffts vñ athems. Aber die speißrōr
ist weyher/geht oder felt zůsamen/von jrē faser zůsamen gezogen/
wann sy lār ist/vñ wiewol solche rhōr oben weiter ist/wirt sy doch
ye länger ye enger/bis sy den magen erreycht vnder dem fleischigen
zwerchfel/dan̄ daselbst ist der magenmundt/welcher nach entpfan-
gner speiß genglich verschlossen wirt/darmit die natürlich hitz im
magen erhalte werd/den safft zūdōwen/dan̄ wa solchs mundtloch
von blōdigkeit wegen/nitt wol beschlossen wirt/wirt die dōwung
dardurch gehindert/rohe dāmpff steigen über sich/vnd riechen auß
dem magen/darauf vnwillen vnd vil böser zůfall vnd franckheitte
erwachsen. Nutzbarkeit halben haben sy auch ein vnderseyd/dan̄
die kal od lufftror ist ein gang des luffts vnd athems/aber d schlundt
od speißror/der speiß vñ trancks/welche sy auch bereyt zur dōwūg.

K ij In

Anatomi/Contrafactur vnd beschreibung


In gelegenheit vnd art haben sy gleichen vnder scheyd voneinander/dan die gurgel oder kälthor ligt zū vnderst im hals / dann sy von jr reihe vnd hartigkeit wegen baß versorgt vnd beschirmt ist / auch das sy geräder vnd gleichlicher sich zū dem muntt erstreckt / darmit on vnderlaß lufft vnd athem zū schöpfen. Aber die speisrhor ligt zū vnderst im hals / baß verborzen / darmit sy meer wärme behalt / im hinab steigen wendet oder beügt sy sich eyn wenig gegen der rechten seitten / darmit sy weiche vnnd statt gebe dem stammen der grossen hertzadern / so bald sy sich aber garnaher zū füget zū dem fleyschigen zwerchfel / beügt oder neygt sy sich widerumb herumb gegen der lincken seitten / darmit sy dem stammen der grossen leber ader dises orts statt geb / also weicht sy gleich einem vnderdienstbarē / vast fleissig den fūrtrefflichern glidern / aber solche krümme vn biegung seind solchem rhor nūtzlich / das es dardurch beuestigt vnnd vnderhalten werd / auch das weis geäder zū entpfahē / vnd auch dz wir im schlinden oder verschlucken nit gehindert würden.

Der länge nach ist aber ein vnder scheyd / dann die lufftrhor ist vil kürzer dann die speisrhor / dann die lufftrhor endet sich in die lung / nechst dem gabelbeyn / zū vnderst dem hals / im grüblin. Aber die speisrhor ist vil länger / dann sy erstreckt sich vil weiter / vom hals biß auff den xij. knorē oder gleych des ruckgradts / daselbsterreicht erst solche speisrhor den magenmuntt vnder dem fleischigen zwerchfel / dann auch dasselbig zwerchfel die speisrhor zū samen truckt / darmit der magenmuntt deß baß bschlossen werd / die speisrhor ist auch eben ein ding mitt dem magen / wie dann sollichs augenscheinlichen gesehen wirt. &c.

Also hab ich dir alle innerliche glider des andern vnder scheydts / (in welchem wir droben den menschlichen Cörper weibs vnd mañs geteilt haben) auff s ordenlichst vnd fleissigst beschriben / biß auff die zungen vnd innern theyl des muntts / aber vor vnd ehe wir sollichs fürhanden nehmen / wollen wir dir beschehener red / zū bessern vn klarerem verstand / nechstuolgende figur eins auffgethonen menschlichen Cörper für augen stellen / sampt gründlicher erkläring / wie dann bißher / auch in andern glidern beschehen ist.

Volgende figur eins geöffnetten mañs / gibt dir vnderweisung aller glider so im dritten vnder scheyd / in welchen wir droben menschlichen Cörper geteilt haben / namlich der brust / verfasst seind / mit kurzer vnd eigentlicher auflegung oder erkläring.

Nechst



Anatomi/Contrafactur vnd beschreibung
Nechst vorgonder figur eyns
 eröffnetten menschlichen Cöpers/ außlegung vnd
 gründliche erklärung aller glider/ so im andern teil menschlichen cö-
 pers/namlich der brust/verschlossen seind.



Ben nechst vor-

gonde figur/hab ich dir auch
 dieweil für augen gestellt / aber nichts
 weiters erkläret dann die glider der
 ersten vnderscheydung / namlich des
 vndersten bauchs vnd innerlicher gli-
 der vndhalb dem zwerchfel verschlos-
 sen. Aber dieweil wir in nechst vorgo-

der red auch die beschreibung des andern teils/namlich der brust/vnd
 was darinn verschlossen ist / nach vnserm vermögen auffss fleissigst
 fürgeben haben / fordt vnser fürgenomine ordnung / dir sollichs auch
 zu merem verstand / augenscheinlichen anzúzeygen / vnd weiter er-
 klären durch nechst vorgonde figur / in welcher im ersten Alphabet/
 welches wir (wie vorgesagt) bis hieher vorbehalten haben / Das A.
 die speisrözen bedeiüt / den gang der speis vnd trancks zc.

B. ist der anfang der gurgel oder lufftrhözen/

C. die lincke seitten der lungen.

K. die recht seit.

D. das hertz sampt den blüt adern die im narung geben.

E. Die höle des hertzens in der rechten seitten.

F. die höle in der lincken seitten / durch beide schnit angezeygt.

G. ist der vndst teil des schlunds oder speisrözen / da er das zwerch-
 felerreycht / vnd durchdringt zu dem magenmundt.

H. ist das spizlin des hertzens / welches sich ettwas auß oberzölter
 visach / gegen der lincken seitten neygt.

I. zeygt an das fleyschig zwerchfel / welches den vndersten teil / da-
 rinn die glider der narung verschlossen / vom andern vñ mitlern
 teil

teyl der glied lebliche geists vnd athems / vnd scheidet vñ abtheilet.

Die übrigen angehörigen gliedstück haben von ihr ringigkeit wegen / in solcher enge nit füglich angezeygt werden mögen / seind aber eygentlich gnüg beschriben / das sy von ein yeden verständigen leichtlich erkant werden mögen ꝛc.

Volgt die erklärang der zungen vnd innern teil des mundts.

Beschreibung der zungen vñ ir angehörigen teyl innerhalb des mundts verschlossen / ir züsamensetzung / nutzbarkeit / natur vnd eygenschaft.



Zächst vordst an

dem obersten theyl des gurgel od kältrors / ist ein zwispaltē beinlin / diser gestalt Y. welches die knürspelin daselbst beschirmt / vñnd ein stütz ist vnd anhaftung der zungē / welche daran beuestiget ist / mitt vil weiß fleisch. Dises beynlin hat zwen

zincken / dan wa die zung allein einem zincken angehaftet wer / wurde sy vngleichlichen bewegt werden / vñnd ganz vñnd gar auff die eine seitten sich ziehen. Damit sy aber gleichlich bewegt würde / wirt sy von disen zincken befestiget / auff welchen sy schwebt / wie ein vñnderstützter rüstzeüg. Es ist aber die zung ein weiß secht fleisch / lück / weich / voller weiß geäders / hertz adern vnd blüt adn / hat vil weiß geäders / von wegen vilfeltiger bewegung / vñnd auch zweyer sinnlichkeit halber / des geschmacks / vñnd kostens oder süßens / vñnd wiewol sollich weiß geäder ein ding seind / welche den geschmack vñnd süßung geben / ist doch sollich weiß geäder darvon gescheyden vñ abgündert / darvon sy bewegt wirt / derhalben die so in das gnick verwundt werden / erstummē / ob sy gleich den geschmack nit verlieren. namlich dz solch weiß geäder gelegt ist / welches die bewegung gibt.

Die

Anatomi/Contrafactur vnd beschreibung

Die zung hat aber vil hertz adern / dann sy vil geister notturfftig ist / vnd viler wärme / von wegen so vilerley bewegung / derhalbē sy auch vil blüt äderlin hat / darmit jr nicht in der naturg gebreht. Jhe ist auch weiter feüchtigkeit zugeben / darmit sy nit verdorre oder vertrückne / von wegen stäter bewegung. Also sihestu hie das der speichel auch etwas nutzbarkeit bringt. Dañ wiewol der speichel ein überflüssigkeit ist flegmatischer feüchte / eyntweßs vom haupt herab fallend in gaumen / oð übersich steigend auß dem magen / ist sy doch dar zu nützlich vñ dienstlich / dz sy die zung erfeüchte / derhalbē seind auch die löcher erschaffen im vndersten bein / darauff innerhalb das hirn ligt / zwischen dem rachen vnd naßlöchern / dz dardurch athem vnd lufft geschöpfft werde / vnd auch die speichel dardurch fließe / daher auch solche löcher ein seihung genant werden. Vnd wiewol hie auß vnser red klar vñnd offenbar ist / wie fleissig hierin die zung versehen sei / wirt doch die wunderbarliche fürsichtigkeit vnd geschickligkeyt des höchsten werckmeisters fürnemlich gspürt / wa wir sehen vñ erkündigen möchten alle meißfleisch / durch welche die zung wunderbarlichen bewegt / hin vnd her gespannen wirt / wie ein arm brost vñ der fennen. Die zung hat weiter dryfache nutzbarkeit / dañ sy formiert vnd bringt zu wegen die red / namlich die verstantlich ist / dañ in der gurgel oder kälthor / wie droben zuvil malen gsagt ist / wirt die stim zu wegen bracht / vnd nit die red / darumb ist die zung ein instrument vnd werckzeug der verstantlichen red / auch ein instrument sinlicher entpfindung / zum dritten dienet sy auch die speiß zu kwen vñ hinab zú schlucken / vnd durch die speißthor zú verschlinden.

Sie ist aber auch weiter zúerston / dz der rachen auch dienstlich ist zum geschmack / dann er des gschmacks auch teilhaftig ist / dañ er bedeckt vnd vmbgeben wirt von ein fellin / darin etlichs weis geader ist / daruon er den geschmack vñnd entpfindtlicheyt entpfahet. Aber das ist die höchst würdigkeit / welche niemandts gnügsamlich nach größe solcher überschwencklichen nutzbarkeit / aussprechen mag / namlich dz sy ein würckerin ist / dardurch die sprach vñ wolreden zu wegen bracht werden. Dann wiewol die vernunft vñ gmüt an de teil des menschen weit übertrifft / wer doch solche wenig nütz / wa die zung nit an tag legte vnd herfür brecht / was wir im sin vñnd herten gefasst haben.

Durch dises glid wirt zu wegen bracht / dz dem menschen sunðlich zúgeeignet / vnd das gröst vñ fürnêlichst ist in vereinigung der menschen / namlich ander leüt leren vnd vnderweisen von Gott dem Allmechtigen



aller glider menschlichs cōpers. liij

mechtigen / des gleichē auch von and gūten gebürlichen erbarn din-
gen. Dise hat die menschen vereinigt / vñ in gesellschaft vnd gemein-
schafft zusamen bracht / durch dise werden die vnuerständigen zartē
gemüter vnd hertzen der kinder zum verstand vnd tugent bracht / vñ
gmeiner gebürlicher würckung / was inē wol anstat / von iren eltern
geleert vnd vnderwisen / auch darzü gereizt. Dises glid hat die men-
schen zusamen getriben in Burgerliche stānd / sy erhalt sy sunderlich-
en / sy regiert auch die Gotseligkeyt / Gsatz / gericht vnd bündtnis / sy
erkläret vnd eröffnet rādt / in zweifelhaftigen sachen / mässigt vnd
zwingt alle bewegung des gmüts / benimpt dem hertzen alle traurig-
keit / vnd wendet ab das gmüt von allem vnmüt / erweckt / vñ löschet
wider haß / neid vnd zorn / die freuelen werden von jr erschreckt / vñ
die erschrocknen vnd erschlagnen erkeckt vnd getröst. Aber solchem
weiter nachzudencken wöllē wir diser zeit faren lassen / dan es nit in
vnserm ringen vermögen ist / solche vilfeltige vngleichheit zūfassen /
vnd alle erzölen. Dan es stadt allein ein rechtgeschaffnen menschen
zū / dz er verstand / dz die zung allein darzü erschaffen vnd verordnet
sey / dz durch jr ampt vnd gebürlich werck / der ewig Almechtig Got
erkant werd / nachmals dz wir vnserm nechste durch mittel der red /
behülfflich seyen / dz also dahin allein der gebrauch der zungen gericht
werde. Dan es ist kein schädlicher pfeil dan die zung / wa sy zūschādi-
gen gescherpfft wirt. Weiter sollen wir auch mit höchstem fleiß be-
trachten das grof wunderwerck / dz wir durch die zung / gleich wie /
die leyr durch die nāgel oder andere instrument / durch die schlahen-
den griff / als vilfeltig vndercheidliche mancherley stimen vnd ver-
ständliche wort zūwegen bringen vñd aussprechen künden / welche
wörter ein anzeigung vnd bedeüttung seind / vñ gleich ein gemāls al-
ler ding / auch der gedankē des gemüts / dan anders nit wol verstan-
de werden mag / warumb die verständliche stim also durch dise bewe-
gung geschehe vnd volbracht werd / dan allein dz Gott die natur di-
ses menschs also erschaffen vnd geordnet hab ic.

Also haben wir volkummenlich vollendet den ij. teil der vñdschey-
dung menschlichs cōpers / nālich die brust / vnd darinn verschloffen
glider. Aber vor vnd ehe wir den höchsten vnd letsten teil erklären /
wöllē wir dir dieses edel glid der zungen / sampt seinen zūgehörigen
teilen / auffz fleissigst Contrafeytet / für augen stellen / mit nützlicher
erklärung in nechstuolgender figuren ic.

¶ Volgende figur gibt dir anzeigung eins auffgerisnen mauls / was
darinn beschawet werden mag / sampt der zungen / rachen /
gaumen löchern. ic. Nächst

Anatomie / Contrafactur und beschreibung



aller glider menschlichs cōpers.

16

Nächst vorgonder figur eins

auffgerißnen mauls / sampt der zungen vnd darzü-
hörigen theylung / eygentliche erklärung.



Leicherweiß als

noch bißher geschehen ist / al-
so hab ich dir auch nächst vorgonde Fi-
gur eins auffgerißnen mauls für augē
gestellt / zū mehrerm verstandt vnd klā-
rem bericht beschehener red / vnd sol-
cher glider beschreibung.

S. bedeiit das zäpflin im hals / hanget
oben am gaumen / erstrecket sich zūnderst inn mitte beyder mandel /
mit welchen es zum offternmal von herab fallenden flüssen von dem
haupt / erfüllt / aufflaufft vnd geschwült / nit on gefärligkeyt vnd hin-
derniß am schlinden vnd athem schöpfen.

B. gibtein anzeygung des hauchblats oder des zünglins mit welch-
em die gurgel oder kälrhör zūgedeckt wirt.

C. ist die ganz zungen / welche wir auch sunderlich zūnderst haben
auffreissen lassen / zū augenscheinlicherm bericht beyder der speiß
vnd lufftrhören anfang.

A. bedeiit den anfang der speißrhören. Die lufftrhör ist bedeckt
mit dem hauchlat / mit **B.** verzeychnet.

D. ist das beyn des rachens.

E E seind die löcher / durch welche sich das hirn durch die naßlö-
cher vnd gaumen innerlich reynigt.

Die ordnung der zān vnd was weiter hierin zūbeschawen ist / wirt
in der letzten figur vnd Anathomie des haupts weitleuffiger erklärt.

Also haben wir gānzlich vollendt beyde teil menschliche Cōpers /
den vñsten / darin die glider der nahrung / vnd zur geburt dienstlich /
verschlossen seind / des gleichen auch die brüst sampt iren angehören-
den glidern / dem athem oder lufft vñnd leblichen geist / natürlicher
hitz verordnet / volgt 8 lest / oberst vñ furtrefflichst teil des haupts.

Anatomi/Contrafactur vnd beschreibung
Des höchsten fürtrefflichsten
obersten glids /des haupts/ vnd darinn verschloß-
ner glider/der sinnlicheyt vnd vernunft/eygentliche beschrei-
bung/vnd nutzbarliche erklärung.



Ir haben nun

zu dem offternmal den
gütherzigen Leser ermant/dz er
wöll mit reuerenz vñ eerentbiet-
tung das wundbarlich gschöpff
menschlichs Cöpers bschawen
vnd betrachten / dann sollichs
fürwar ein herrliche zeügnis ist/

das solche natur von dem höchsten gemüt vnd verstand erschaffen
sey/darumb will ich auch hie ein yeden weiter ermanet haben / das
er auch mit höherer reuerenz vnd ehrentbietung/das haupt vñ hirn
anschawen wöll/in welchem teil fürnemliche warzeychen erschei-
der Götlicheit/namlich die erkantnis/vernunft vnd gedechtnis/in
solcher würckung ist fürwar ein Götliche krafft verborgen / welche
vñ vnvernünftiger/vnsinlicher natur nit hat sein mögen. Sollichs
hab ich den Leser ermanen müssen/ehe wir in vnserer fürgenommenen
ordnung fürtfaren/darmit er hierüber Gott den schöpffer vñ ober-
sten werckmeister sollichs wunderwercks / erkenne. 2c.

Von der statt vnd gelegenheit des haupts wollen wir in kürze re-
den/dan ein yeder wol abnehmen mag/das sollichs von schönheyt
wegen/zñ vnzalbarer nutzbarkeyt zñ oberst gesetzt sey.

Galenus der trefflichst Griechisch arzt schreibt/dz solchs die best
form vnd gestalt des haupts sey / ganz zirckel rund wie ein kugel/
doch ein wenig überlängt/er lobt auch ein grosses haupt / doch dz es
der Proportion des leibs gleich sey. Hippocrates will auch/dz man
das haupt fleissig beschawen soll/dann ein spizkopff bedeüt böse Cö-
plexion des hirns/def gleichen auch ein kleiner kopff bedeütet wenig
hirns/vnd zu vast trucken/wie der Moren köpff/ dann sy wonen in
vast

vast hitzigen landen/ darumb ist auch sollich volck vil vngschlachter vnnnd vngeschickter. Derhalben auch ein überspiziger kopff der klein ist/bedeutet eyntweders ein zusamen getrungen eingepfrengt hirn/oder zerstörung vnd gebrechen der mitleren hōle des hirns/vñ aber solcher fäl der inderlichen hōle/ist der vernunfft fast hinderlich/ als wir hernach weitleiffiger sagen wollen/wann wir die hōlin des hirns vñscheyden /vnd eins yegklichen würckung erkläre werden.

Die nutzbarkeit des haupts ist/dz das hirn darinn verschlossen werde/sampt dem geschirr vnnnd werckzeug der sinnlicheyt/ welches die fürnambsten teil seind /vñser leben zuregieren vnd gewältigen /verordnet zur vernunfft vnnnd verstand/welches sein fürnambste würckung ist. Erstlich wollen wir die angehörigen teil des hirns erzōlen/deren etliche das haupt bedecken vnd umgeben /ettliche innerhalb des haupts gfunden werden/ dann so wir in einer sumi erklären was das haupt für teil begreiffe/wirt sollich leichtlicher in gedächtnis bleiben/vnd also das ganz werck für augen gestellt /höher vnnnd grösser verwundern habē. Darumb wollen wir erstlich ein anfang nehmen am haar/wiewol solche zum teil ein überflüssigkeit seind.

Nächst vnderm haar ist ein haut/etwas dick vnd fleischig/damit die haar darinn einwurzlen mögen /vnder der haut ist ein wenig fleischs/zūforderst an der stirnen vnd den schlaffen / nachmals ist ein dünnes fellin/welches das ganz bein des haupts umgibt/ hat seinē vrsprung vom weissen geäder vnd gebändlin/welche durch die näht der hirnschalen dringen/vom harten hirnsfellin/Dura mater genāt/von vilerley nutzbarkeit wegen erschaffen / Erstlich dz es der hirnschalen anheffte das hart hirnsfellin/Dura mater genant / nachmals das es entpfahe vnnnd erhalte die hertz vnnnd blūt āderlin /welche zū oberst des hals aufgespreytet/übersich steigt dem haupt zū/ vnd sich also durch obgemelte nāt der hirnschalen hineyn begeben / das hirn zūspeisen/nōren vnd erhalten. Difes fellin gibt auch der hirnschalen entpfindtlicheyt.

Vnder difem fellin ist das ganz beyn der hirnschalen /der gerner kopff oder todten schedel/diser umgibt /versichert vñ beschirmt das hirn. Diweil etlich löchlin vnd gāng von nōten gewesen seind/ vmb gwisser vrsach halber/ist diser todten kopff od hirnschalen nit von einem ganzen beyn erschaffen /sunder von syben beynen zusamengefügt/ mitt nāten/welche zū solchem aufgang auffglaffen / als

Anatomi / Contrafactur vnd beschreibung

hernachmals gesagt wirt. Vnder der hirnschalen ist das hart hirn fellin / Dura mater genant / dises fellin ist zimlich dick / enthelt die blüt adern / welche das hirn füren / vnd ihnen narung geben. Nach disem volgt das dünn hirn fellin / Pia mater genant / das ist gar ein dünnes flemlin / das zünechst das hirn vmbgibt vnd fasset. Dann das hirn / in welchem etliche weitte hölin seind / mit gwissem vnder scheyd abgesündert / vnder welchen zwen rund gebogne klöz / sampt anderen theilen des hirns / wie wir volgendes weitter darnon reden werden / vnd zu vnderst garnabe vnder dem ganzen hirn / wirt die wunderbarlich durchschrenckung der hertz vnd blüt adern gsehen / das wunderbarlich netzlin genant / dann ein löchlin / in welches gleich als inn ein sumpflin / alle überflüssigkeit des hirns zusamen rinnet / welche zu teil zu der nasen / vnd zum teil durch die speychel außgeworffen wirt. Weitter so entspringen auch vom hirn weisse geäder oder hirn äderlin / welches instrument vnd werckzeug seind der sinnlicheyt / nachmals erscheinen die augen / ohren vnd nasen. 2c.

Von dem harten hirn fellin /

Dura mater genant.

Das hart hirn fellin ist ein heitlin von weissem geäder / starck vnd dick / doch viler vnsehtbarer außgang / innerhalb nechst den hirnschalen / vmbgibt das ganz hirn von der stirnen an / bis zu dem hindern teyl des hirns / welches teil das kleiner hirn / oder der spiz des hirns genant wirt / nach der länge / der massen / das in der mitte ein scheydüg gsehen wirt / welche auch in dem hirn vnuernünfftiger thier erscheynet. Weitter auch / dieweil das kleiner hirnlin / das zu hinderst im haupt gelegen ist / den mehrern theyl vom andern hirn abgesündert / erscheynet / wirt es auch hie vom harten hirn fellin vnder scheyden / zwischen beyden größern klözen des hirns / nach der breytte.

Dises fellins nutzbarkeit ist / das das hirn beschirmt werden mit weyherer bedeckung dan der hirnschalen / darmit es sich nit in hefftiger bewegung anstoß an die hert hirnschalen / vnd darnon gelegt werde. Es hat auch noch ein andere nutzbarkeyt / namlich die blüt adn / welche das hirn vnd beyörter nören vnd speisen / sy zuenthalt.


Von

Von dem dünnen hirn fellin/
Pia mater genant.

Dach obgmeltem hartem hirn fellin/ vmbgibt das hirn
zünechst ein reins dünnes flemlin/ welches Pia mater
genennet wirt/ das ist vast reyn/ subtil vnd dünn/ von
weisssem geäder/ das hirn nechst vmbgebende/ sollich
fasset oder vmbgibt es aber nit allein/ sunder dringt auch hineyn inn
vilerley falten die im hirn gesehen werden/ vnnnd bekleydet auch die
seitten vnd mündt der grossen hölen. Dises fellin beschirmpt vnnnd
fasset das hirn/ gleich wie das kindtsbälglin oder asster geburt/ die
frucht in mütter leib.

Sein nutzbarkeit seind/ erstlich/ dz es das hirn gleich als ein wey-
che bind vmbgeb/ dz es nit zerfließe. Zum andern/ dz es nit alleyn die
blüt vnd hertz äderlin entpfahet vnd züsamen fasset/ sunder auch hin-
eyn füre die subtilisten rölin in das hirn/ dz dasselbig von blüt adn
genöret/ von hertz adern den leblichen geyst vnd lebliche hirtz entpfa-
he. Die dritt nutzbarkeit ist/ dieweil das hirn von ihm selbs vnent-
pfindtlich ist/ dz es durch dises neztlin/ das von weisssem geäder ist/
entpfindtlicheit entpfahet.

Des ganzen hirns vnd
aller zugehörigen theyl/ eygent-
liche beschreibung.



De kummen wir

doch zülest zu dem grossen
Heyligthumb/ welches mich/ so ichs
eigentlich betracht/ widerumb in gros-
se verwunderung bringt. Wir wissen
das sollich ein statt vnd ort ist der ge-
dancken/ wader mögen aber solche kü-

2 in men

Anatomi / Contrafactur vnd beschreibung

men? Dann was ist doch diser klotz anderst / dann ein blöde schwache züsammenn rinnung auß dem samenn auffgewallet? Dannocho dieweil in solchem klotzen als vil weiter hölin seind / als wonungen / wie salt solcher feuchter klotz nitt züsamen / was mag in doch vnderstützen? Wir sehen das in andern gebewen / alle eingebew mit seülen / traumen / keffern vnnnd dergleichen / wol versorgt vnnnd vnderstützt seind / aber das hirn was mag es für steürung oder vnderstützung haben / darmit solche weitte hölin nicht verfallen / in solchen weychen flüssigen klotzen? Aber dieweilich sollichs fleissig vñ emssigklich bei mir selbs betracht / bedunckt mich / dz das hirn ein vergleichniß hab mit dem himmel.

Dann der himmel / wiewol er ein klarer lufft / vnd lüfftiger natur ist / felt er doch nit züsamen / bewegt sich nit von seiner statt vnnnd geblürlichem ort / also bleibt auch das hirn beston / gleich Göttlicher natur / vnd fallen solche weitte höle nit züsamen / dann durch trang des todts. Es ist ein alt Sprüchwort / das der mensch gleich sey einer kleineren welt / derhalben müß sich ye ein teil des menschen dem himmel vergleichen. Aber fürwar der glantz des geists / welcher vom hirn zu den augen kumpt / gibt gewisse zeügniß / dz das hirn gemeynschafft hab mit dem himmel / dann wir sehen das solcher geyst gleich als ein füncklin ist vnd klarer schein eins liechts / vnd disem vergleichen sich auch andere lebliche geyst des hirns / die garnache ein himlische natur an sich nehmen.

Derhalben was das hirn sei / ob es gleich von dem samenn entsprungen / wie droben gesagt / in schöpfung der frucht in mütter leib / ist es doch ein himlisch ding / vnd ist auch derhalben sich mehr züerwundern ab der natur des samens / das auch der selbig ein gemeynschafft hat mit diser übertrefflichen himlischen natur.

Hierinn ist sich fürwar zübeiamern menschlicher blödigkeit / welche das herrlich werck Gottes nit verstadt noch erkennet / vnd würdigkliche gnüg betrachtet. yetzund zügleich wie ein mechtiger hauff der dünst vnnnd dämpff on vnderlaß über sich steigt in die lufft gegen dem himmel / also auch das hirn / dieweil es ein weycher klotz / voller leblicher geyster ist / vnd wirt auch sollichs für ein vsach gesetzt / das es also auffrecht erhalten wirt.

Aber yetzund wollen wir etliche teyl des hirns beschreiben / dann der substanz vnd würckung mögen sich die menschen mehr verwundern / wann dz sy solche gnügsamlich beschreiben künden.

Die substanz des hirns entspringt vnd wirt geschöpfft vom besten theil des samens/voller geysts.

Von dem hirn soll weiter auch abgsündert vnd gescheyden werden/das im vordern teil des haupts ist/von dem hindersten/welchs wir das kleiner hirnin nennen. Dises/dieweil es dem andern in der substanz gleich ist/vnnd zu vnderst ganz vereinigt/vnnd gleich ein stam des vordern klotz/ist es doch ein wenig harter/dann von disem entspringt das marck des ruckgradts/vnd das harter weis/geäder. Drogen haben wir auch gesagt/das ein vnderseydung sey zwisch dem vordern teil des hirns/vnd disem/welchs vom fellin Dura mater genant/geordnet ist/darmit es stercker wer.

Von den innern hölin des hirns.

Die hölen oder weitten gräben oder löcher im hirn/haben grosse würdigkeyt/dann sy seind die rechten gefäss vnnd Instrument der sin. Diser hölin werden gemeynlich .iij. gezölet/welcher teilung wir auch volgen/dieweil wir solichs an jm selbst recht beschreiben mögen.

Von der ersten höle oder gräben in dem hirn.

Er vorder theyl des hirns hat zwo weitter langer höle/der gstat eins newgewachsenen Mons/in der weite eins eyes/garnabe bis zu den ohren sich erstreckend. Diser hölin/wiewol ihr zwo seind/werden sy doch gemeynlich für eine gezölt/vnd die erst hölin genant. Es ist aber die ein höle inn der lincken/die ander in der rechten seiten/vnd seind ihr beyder seitten bekleydet oder vmbgeben mitt dem reynen hirnsfellin/Pia mater genant/in welchem ettliche reyne hertz vnnd blüt äderlin das hirn sensstigtlichen rüren. Dise hölin seind voller geysts der sinnlichkeit/dann so die hertz aderen den leblichen geyst von dem herten bracht haben/wirt er klarer vnnd liechter in disen hölin/vnnd auß einem feürigen lüfftigen lüfft/ein himlischer glantz/die würckung der innerlichen sinnlichkeit zu wegen zubringen.

L iij Wiewol

Anacomi/Contrafactur vnd beschreibung

Wiewol aber solche heyimlichkeit vnd verborgne würckungen nit klarlich gnüg gesehen werden mögen / aber doch in andern ringern würckungen durch grossen fleiß / vil glaublicher mütmassen erfunden vnd zusamen bracht seind / nimpt mich wunder wie das bissher von den gelerten auch hierin nit erforscht oder solchem nachgetrachtet worden / wie doch solche würckung geschehen / zanken sich allein in der zal solcher hölē / wiewil der selbigen seyen / sagen dan blöflich / wie solche hōlin instrument vnd werckzeug seyen der sinnlichkeit / aber Dnsianus ein trefflicher arzt vnd etwas erfarnier / spricht / dz der leblich geist darinn verfasst vnd erklärt / der recht werckzeug vnd instrument sey solcher würckūg / laßt auch also darbey bleibē. Der halben wol gefragt werden möchte / ob auch das hirn etwas thū zū solcher würckūg / ob es nit bewegt werde darzū / oder ob es sei gleich einem gfāß sollichs leblichs erklärts geists der sinlichkeit / auch ob sollichs das ampt vnd werck sey des weissen geäders oder nernen / das sy die einbildung in der sinlichkeit verfaßt / zum hirn bringen / oder ob sy auch weiter von den sinlichen geistern gerürt werden. Diweil in solcher würckung / durch welche fürnēlich das leben des menschen regiert wirt / ein solcher vertunckelter vnuerstand ist / solten wir billich menschliche natur vnd blōdigkeit beiamern vnd beweinen / vnd von hertzen begeren / dy solche bildtnis Gottes vns eingetruckt vnd eingepflanzt / durch ein newes liecht erkläret würde. Aber weiter wa vns zimpte / vnser meinung vnd mütmassung zū erklären / halten wir dar für / dz solche würckungen der sin / verstand / vernunft vnd entpfindlichkeit / nit gschehen on bewegung des hirns / dann wie im hertzen das selbig den leblichen geist rürt vnd treibt / wirt doch auch das hertz darvon gerürt / also auch / ob gleich der leblich erklärt geyst der sinlichkeit in den hōlin des hirns ein werckzeug vñ instrument ist / durch welches bewegung die gedanken entspringen / halt ich doch / dz auch das hirn oð das weis geäder der nernen gerürt werde. Vnd zūgleich wie ein seyttē so sy gerürt wirt / lauttet / also acht ich auch dz solche würckungen geschehen / so das hirn vom sinnlichen geyst gerürt wirt / dann fürwar von eüsserlichen sinnen kumpt die bildtnis zū dem hirn durch das weis geäder der nernen. Dises ist der fürgāg der würckung der sinlichkeit / das solcher fürgang dem leblichen geist vereynigt wirt / welcher leblich geyst das hertz vnd nernen rürt / vñ newe würckung gebürt.

Der trefflich Philosophus vñ erkündiger der natur Plato / brauchet die gleichnis eins sigels / will also bedeütten / das zūgleich wie
mit

aller glider menschlichen cörper. li

mitt einem sigel/die bildtnis vom sinnlichen geyst ins hirn getruckt were. Das aber das hirn etlicher maß bewegt werde in solchen würckungen der sinnlicheyt/geben ein anzeygung die runden schmierlin/oder würmlin (also genant der gestalt halber) welche derhalbē verordnet seind/auff vnnd zū zūziehen/die hölin des hirns. Sollichs auff vnnd zū ziehen offtgemeldter hölin/ist on zweifel der würckung halber geordnet. Sollichs gibt auch weittere anzeygung die bemäzung des hirns/welche folgt nach schweren vnd tieffen gedanken.

Dieweil aber das hirn luff vnd schwammecht ist/nimpt es zū sich vnnd gibt von sich die geyster/gleich wie an obgemeltem ort Eurippo/das wasser auß vnnd eyn fleißt. Darmit auch das weiß geäder oder neruen/die sich zū den eüsserlichen sinnlicheyt erstrecken/krafft entpfahen möchten von sinnlichen geistern/vnd widerüb die eynbildung herzūbringen eüsserlicher entpfindlicheyt/haben sy gleich zū vndersteiner yeden hōle iren vrsprung. Wiewol wir aber noch weiter hernachmals von der statt vnd gelegenheyt des weissen geäders oder neruen reden wollen/hab ich doch sollichs hie auch anzeygen wollen/zūermanen/dz wir gedencken/wie die geyster der sinnlicheyt zū solchem geäder kummen mögen/vnd auch/wie sollichs weiß geäder ire bewegung vnd erzwitzeren zū den geystern der sinnlichkeit bringen/dann es mag nit geleügnert werden/das sollichs erzwitzeren vorhin zū den geystern kummen muß/vor der würckung innerlicher sinnlichkeit. 2c.

Bis hieher haben wir geredt von der statt/ort oð gelegenheit vñ auch der gestalt der beyden hölin des hirns/welche für die erst hölen gerechnet werden/wie obgesagt/haben auch zum teil jr nutzbarkeyt gemeldet/namlich das sy behülfflich seind/die innerliche würckung der sinnlichkeit zūvolbringen/oder das sy gleich einem gefäß oder holmgeschirr seyen/darīn sich die geister der sinnlicheyt samlen/oder das durch jr auff vnnd zū ziehen/auch solcher würckung der sinnlichkeit geholffen werde. Es haben auch solche hölin weit sein müssen/darmit die sinnlichen geyster platz vnd statt haben/erhalten vnd getrieben/vnd die neruen oder weiß geäder rüren vnd erzwitzeren möchten. Dann wa dise hölen mit vnreynigkeit erfüllt werden/das ist mit bösen giftigen zāhen feüchtigkeiten/wie inn der sucht des grossen schlags gschicht/werden die geister der sinnlichkeit überfallen/vñ die würckung des weissen geäds vnderlassen/so höret dann auff die entpfindlicheit vnd bewegung/wa dann die brust nit weiter bewegt wirt/hat das hertz kein athem mehr/vnd erstickt.

Galenus

Anatomi / Contrafactur vnd beschreibung

Galenus erzölet volgende drey nutzbarkeytten / Erstlich / das der sinnlich geyst in disen hölin bereyttet werde / Zü dem andern / das sy den lufft zü sich ziehen / vnd von sich geben / das ist / dz sy den lufft entpfahen / vnnnd wider auflassen / durch welchen die geyster der sinnlicheyt erquicket vnnnd erhalten werden / Die drit / das sy ein bequeme statt vnd ort seyen / zü dem außgang der versamlung der überflüssigkeit. Von disem teyl des wunderbarlichen geschöpffs des hirns / haben wir auff dis mal gnügsam geredt / wölle weiter firtfaren / auch andere teil / namlich die zwey runden schnierlin für hand zünemmen vnnnd erklären.

Von zweyen runden schnierlin / beyde hirn würm genennet.

Der einer yeden hölin ist ein langs schnierlin / züsamengesetzt von blüt vnd hertz adern / mit einem fellin vmbgeben / welches fel dem reynen flemlin / Pia mater genant / sich vergleicht. Dise schnierlin / die weil sy lang seind / gleych oder gewerblin haben / vñ rot seind / werden sy die hirn würm genant / erstrecken sich bis zü den ohren vnd zü der mitlern höle. Ir ampt vnd nutzbarkeyt ist / das sy die geyster der sinnlichkeit zü der mitlern höle bringen / die hölen auff vnnnd zü ziehen / durch bewegung so mit willen geschicht / wie man achtet. Dann dieweil sy gleychlin oder gewerblin haben / erscheynen sy als ob sy darzü erschaffen seyen / das sy sich strecken vnd züsamenziehen künden.

Von der mitlern höle des hirns.

Adem ort / da zületzt die zwo vorderen höle züsamengond / vnder den selbigen ist ein andere höle / gestalt wie ein schnecken heißlin / Dann züendt beyder obgemelter würm / seind zwey hohe auffgebogne teil des hirns / welche vom fellin beider würm oder schnierlin / welches sich außspreytet / vmbgeben werden / entbor auffrecht gesteckt wie zwo stützen / diese rüren sich in züsamenziehung der löchlin / aber im auffgon der selbigen / gond sy voneynander.

Zwischen

aller glider menschlichs cōpers.

12

Zwischen disen beyden hohen auffgebognen teylen / ist ein hōle / in der weitte eins eyer dotters / vom hirn gleich als einem gwelb / bedeckt. Dise hōle wirt die mitler hōle genant. Dise hōle ist / nach der meynung Serophili / erschaffen / den geist der sūlichkeit hindurch zū lassen / zū der dritten hōle des hirns / welche zū vnderst ist im kleinern hirmlin / dem grossen angehafftet / daselbst die krafft der bewegung zūgeben. Die mitler hōle wirt verschlossen von einem kleinen klōzlin / welches sich in der gestalt vnd grösse einer eychle vergleicht / das ligt zwischen der mitlern hōle vnd anfang der dritten / vnd wiewol es vnbeweglich ist / vnd enthalt die hertz vnd blūt adn / ist es doch gesetzt gleich im thorwart / zwischen den hōlin / einen engen weg zūgeben zū der dritten hōle.

Von der dritten hōle des hirns.

Das groß vnd das kleiner hirn werden durch ein scheydung abgesündert / wie auch droben gesagt ist. Dieweil aber die drit hōle des hirns gar zū vnderst ligt im hindersten kleinern hirmlin / ist von nöten das durch solche scheydung ein gang sey / durch welchen der geyst der sūlichkeit dahin kommen mög / derhalben ist ein löchlin oder grüblin durch das hart hirn / Dura mater genant / dringend in das kleiner hirmlin / durch welches ein strömlin geet vom vordern hirn / von welchem obgemelte krummehōlin / der gestalt eins schnecken heißlins / geformiert wirt / zū vnderst außgehōlt / Diser hōle ist überlegt der grösser klōz des kleinern hirns / also ist das vnderst teil mit dem hindern vereynigt / vnd hat das marck des ruckgrads den vrsprung / zum theyl vom vordern theyl des hirns / vnd zum theil vom hindern / das kleiner hirmlin genant. Also haben wir bissher die drey hōlin des hirns erzōlet / deren zwo im vordern hirn / die drit in der wonung des kleinern hirnlins erschaffen seind.

Dieweil wir die form vnd gestalt dises wercks zum teil für augen gestellt haben / wollen wir auch die nutzbarkeyt ersuchen / vnd mögen in einer sum / dreyerley nutzbarkeyttē erzōlet werden / die yederman bekant seind / namlich dz solche hōle erschaffen sey / das die sinnlichen geyst dardurch ire gāng haben / welche die würckung eüsserlicher vñ innerlicher

Anatomi/ Contrafactur vnd beschreibung

innerlicher sinnlicheyt vnd entpfindlicheyt zůwegen bringen / auch das sy die krafft der bewegung geben vnd verleihen / aber sollichs ist wolbewist. Wa wirs aber fleissiger vnd eygentlicher erklären wolten / wie doch solche innerliche würckung der sinnlicheyt vnnnd entpfindlicheit zůwegen bracht werden / da bleiben wir ganz erstockt / behangen / vnd müssen bekennen / das wir gehindert werden mit finstere vnd dunckle / das wir solche wunderbarliche bewegung nit beschawen künden / derhalben wir auch von der würdigkeyt des herrlichen geschöpffs ringer achten / vnnnd weniger sorg haben die natürliche krefft zůerhalten. Es wirt auch weiter deß minder erkant der oberst werckmeister / welcher solche anzeygung seiner götlichen weißheit vnd vätterlichs willens vns eingebildet hat. Dieweil aber solche heimlicheyt nit erkläret oder geoffenbaret werden mag / wollen wir vns der gemeynen beschreibung behelffen / vnnnd schickt sich gar wol vnd fügt sich recht das Aristoteles leret / das zwo innerliche sinnlicheyt seyen / Die erst ist der gemeyn sinn / vernunfft vnnnd verstand / so alle ding entpfahet vnd vnderseydet / vnd was ihm fürkumpt / ye eins auß dem andern erachtet. Die ander sinnlicheit ist die gedächtnis. Das aber zwo sinnlicheyten seien / ist fürnemlich erfaren worden dardurch / das etwan die ein hinweg genommen wirt / vnd die ander vngeletzt / als in der trefflichen grausamen pestilentz in Attica / die zů anfang des Peloponesischen kriegs über die maß gewütet hat / geschehen ist / in etlichen / die von solcher sucht entledigt / vnd wider auffkūmen seind / dise seind zů einer solchen vergessenheit kūmen / das sy weder die iren noch sich selbs mehr erkant haben / in disen was die sinnlicheit der entpfahung vnd mütmaßung bliben / aber die gedächtnis gantzlich hinweg genommen. Plinius ein trefflicher erforscher vnd erkündiger der natur / schreibt auch / dz einer vñ ein steynwurff gleich schreiben / lesen / vnd aller gütter künst vergessen hab. Derhalben wirt auch einer yeden hōle ein sunderliche sinnlicheyt verordnet / die vordren hōlen seind gefaßs des gemeynen verstands / sinn vnd vernunfft / aber im hindern teil des haupts ligt die gedächtnis. Carpus ein berühmter wundarzt gibt zů / alle würckung der sinnlicheyt beyden vordren hōlen / ob gleich in yeder besondere würckung beschehe / achtet die mitler hōle sey erschaffen zů eym durchgang der sinnlichen geyster inn die drit hōle / da die bewegung von sinnlichen geystern gegeben wirt / vermeynt auch / das die nutzbarkeit vnnnd ampt der mitlern hōle sey / das die überflüssigkeyt dardurch

aller glider menschlichen cōpers.

lxj

durch inn das sumpflin oder drächter des hirns fließe. Sollich erzölen wir nit derhalben/das wir die meynungen der alten verwerffen wollen/dan was nützet es vnerkante ding zūwidersechten: Wöllen vns darmit benügen lassen/das wir in gemeyn vnd kurzer summa wissen/das dise hölin/gefäß vnd wonungen seind der würckung der sinnlicheyt/das ein yedes ort sein sundere würckung hab/ist auch kein ringe mütmaßung/das auß verlegung des hinderen theyls des haupts/die gedächtnis verloren wirt/on verlegung ander sin vñd vernunft. Darumb laßt vns also setzen/das die sinnliche geyster etliche bildtnis der gedächtnis halber/dem hirne yntrucken im hinderteyl. So setzen wir auch weiter/das etliche/andere in gütter vñ scharpffer gedächtnis weit übertreffen/welche doch sunst etwas im verstand zūfassen/langsamer seind. Sollich haben wir anziehen müssen/dieweil wir erzölen sollen die nutzbarkeyten offtmelter hölin/darmit sollich wunderbarlich werck vñd gschöpff Gottes/in hoher reuerenz vnd würdigkeit gehalten würde/wiewol in menschlicher blödigkeyt alle ding nit gänglich erklärt werden mögen.

Vom sumpfflin oder drächter des hirns.

Deiter ist noch ein hölin oder sumpflin/die hat die form vñd gestalt eins drächters/ligt vnder der mitlen hōle des hirns/gegen dem vnderlegten beyn/darauff das hirn sündiert ist. In dises sumpflin fließen die groben dicken überflüssigkeitten vom hirn/welche nachmals in speychel verbandlet/oder durch die nasen außgeworffen vñd gereynigt werde.

Aber oberhalb dem kleinern hirmlin/da sich das hart hirnfellin Dura mater genant/zwifachigt/das kleiner hirn vom größern zūscheyden/ist ein ander sumpflin/inn welchem sich ettliche blütadern versamen/das blüt dareyn zūgießen/das es darauff tropffe in das hirn/dasselbig zūbefeuchtigen/dises wirt auch ein sumpfle genant/das hab ich darumb angezeygt/das man in den nammen nicht ir werde.

Von dem wunderbarlichen netzlin.

lx Disen

Anatomi/ Contrafactur vnd beschreibung

DIsen grossen nammen entpfahet dises netzlin/nit von wegen seiner würckung oder nutzbarkeyt / sunder von wunderbarlicher gestalt / dann es dermassen durcheinander geschrenckt ist / das es wolein wunderbarlichs netzlin genennet werden mag / von hertzadern / welche sich über sich strecken / durch das vnderst beyne / darauff das hirn ligt / durchdringend / vnd sich spaltend in vil ästlin / welche wunderbarlichen durchschrenckt / dises netzlin bereyten. Von disen hertzadern erstrecken sich äst durch das hart hirnsfellin / Dura mater genant / die kummen zu dem hirn. Man vermeynt das dise seltsame durchschrenckung des wunderbarlichen netzlin vñ nöten gewesen sey dahin zuuerordnen / dz das hart hirnsfellin von der hertigkeyt des vnderlegten beyns / nit geletzt würde / wa es dasselbig nechst rüret / oð das die vil außgang solcher hertzäderlin deß mehr leblichs geists darzu brechten / welcher durch solche weitte außspreytung bereyttet vnd gereynigt würde etc.

Beschreibung der an- gen vnd gesichts.

Vnder den andern eüßerlichen sinnlicheyten oð fünff sinnen / übertreffen die augen / welche / wie Plato spricht / vnser eürneme geleytter vñ anweiser sein sollen / zu der erkättnis Gottes / so wir das schön geschöpff des himmels anschawen / achtung haben des wunderbarlichen lauffs vñ bewegung / welches alles sunst nit gemerckt noch erkant werden mag / dann alleyn durch das gesicht.

Dises geschöpff ist wunderbarlichen zusamen gesetzt / namlich vñ vier heütlin vñ dreyen feuchten / dan wiewol sollichs weitleüffiger vñ gnawer ersücht wirt von künstlern / ist doch sollichs diß orts nit vnser

vnfers fürnemmens / sonderlich dieweil sy allein ein yedes fellin inn zwey teil vnder scheyden / das hinder vnd vorder teyl / wie dir volgende figur anzeygen wirt.

Das erst fel wirt Coniunctiuagnant / das ist / ein zusamen fugend fellin / dann es vereynigt das aug mit dem haupt / vnd hefftet es ihm an / hat seinen vrsprung von den fellin / so die beynder stirnen vmbgeben vnd bekleyden / des gleichen auch von den innern fellin 8 auglider / dises vmbgibt das ganz aug / biß auff das hirnfellin / Cornea genennet /

Das ander fellin nennet man Cornea / das ist ein horn fellin / der gestalt halber / dann es vergleicht sich einem dünnen schifer von eynem horn / durchscheinend / hat seinen vrsprung vō dem harten hirn fellin / Dura mater genant / ist im vordern theyl durchscheinend / das hinten dick / grob vnd finster / darumbes Clitotica genant wirt.

Vnea ist der zirckel oder das graw in den augen / Vnea genant / vō einem weinbözlin / welchem es sich vergleicht / in der runde vnd mit den löchlin. Diser graw zirckel im aug / vmbgibt das kindlin oß den augsternen / welches das loch ist / das die sehenlichen geyster fasset / In disem seind die neruen oder seheadern / welche solche sehenliche geyster zum hirn bringen / eyngepflanzt.

Das dritt fellin heyst Aranea / ist innerhalb der Vnea / vnd fasset die Cristallinen feuchte / mit einer flachen ebne / gleich einem glatten spiegel / darinn die gestalt vnnnd bildtniß aller ding so wir sehen / erscheinen / vnd ist dises vil heller vnd glantzender dan ein spiegel / hat seinen vrsprung vō der seheader / derhalben dises geschöpff / dieweil es über die maß glanzend vnd liecht ist / gibt es klare anzeygung / der gemeynschafft des hirns mit der himlischen natur.

Der sinnlicheyten des aug seind drey / die erst Albugineus / der vergleicht einem eyer dotter / doch vil dünner vnnnd flüssiger / ist gesetzt zwischen dem hornfellin / vnnnd gibt das weiß in den augen / vnd kumpt biß zu dem fellin / droben Aranea genant / die Cristallinsche feuchte zū befeychtigē / vnd das ganz aug / hülff auch von seiner subtiligkeyt wegen / das die geister dest leichter hindurch dringen mögen.

Vitreus wirt die gläsin feuchte genennet / dann sy einem zerlasnē oder geschmolznen gläs anlich sein soll / ettwas schwarz / mitt weißem vermischet / ist mit flüssig / sonder ettwas hart / vnd ein sitz der Cris-

stallinen

Anatomi / Contrafactur vnd beschreibung

stallinen feüchten/vnnd mehrern teil des kindlins im aug / dann die Cristallinen feüchte ist in diser gläsin feüchte gefasst / gleich wie ey n Edelgestein in einem ring/derhalben sy beyd von einem teyl gefasset werden/innerhalb dem fellin Aranea/die gläsin vnd Cristalline feüchte. Galenus setzet/das die Cristallinen feüchte von der gläsin geführt vnd ernöret werde.

Die Cristallinen feüchte ist die übertrefflichst feüchte/ in welcher fürnemlich das gesicht volbracht wirt / dann dise feüchte ist gleich ein glantzender spiegel/hat sein klarheit von keinem andern ort/sunder von seiner selbs eygnen natur/vnd erleuchtet die andern teyl / in welchen ettwas klarheit ist/von seinem schein. Dise feüchte ist auch nit flüssig/sunder hart vnd dick / gleich wie ein wachs/darmit sy die bildtnis der gesehenen ding fassen mög vnd entpfahen / vnd scheynet gleich ein Edlen gesteyn/in mitte des aug kindlins. Etwan geisset solcher schein sein liecht herauf für die augen/als in kazen augen/darbey man wol mercken kan/was klarheyt vnd scheins dise feüchte in ihr hab ic.


Darmit du aber alle solche fellin vnd feüchten augenscheinlichen sehen vnnd erkennen mögest/hab ich dir zu besserem verstand / volgendts figür lin/eins voneinander geschnitnen augs / nach der länge für augen gestellt.ic.

Volgende Figur gibt dir ein anzeygung aller heütlin vnnd feüchte eins auffgeschnitnen augs / nach der länge/
vast künstlich/artlich vnnd wol
Contrafact.ic.

Oidenliche



Ordenliche beschreibung der nasflöcher vnd ohren.



Es ist nit von nö

ten/noch dises orts vnser für
nemens/von der zusamenetzung vnd
erschaffung der ohren vnd nasflöcher
vil red zütreibē/wöllen allein den güt-
herzigen Leser ermanet haben/dz sol-
che/gfäß vnd werckzeüg seind der sin-
lichkeit/geruchs vnd gehördts/Dañ es

seind erstlichen zum gschmack verordnet zwey runde fleischlin/inner-
halb der hirnshalen/züoberst der nasflöcher / von der substantz des

III in hirns

Anatomi/Contrafactur vnd beschreibung


hirns erschaffen / mitt dem dünnen hirn flemlin / Pia mater genant / vmbgeben / der gestalt / wie die wärzlin an den brüsten der weiber / doch lenglechter / dann sy erstrecken sich zü den löchlin des beyns / oberhalb der nasen / derhalben sy sich spizen gleich wie obgemeldte wärzlin. Es ist aber nütz vnd von nöten gewesen / das solche instrument vnd werckzeug des geruchs / innerhalb der hirnschalen verordnet weren / dann die sünlichkeit des geruchs ist darzū geben / das hirn darmitt züstercken. Dise fleyschlin oder wärzlin fassen die wolriechenden dämpff vnd dünst durch die löchlin des beyns / oberhalb der nasen / vnd überschickens zü der hôle des hirns.

Aber die naßlöcher haben dreyerley nutzbarkeit / Die erst / darmit alle überflüssigkeyt dardurch vom hirn / die sich in das sumpflin od droben gemelten drächter / gesetzt haben / ausfliessen / vnd zü anfang der naßlöcher / daselbst ettwas erhartet / nachmals aufgeworffen werden. Die and nutzbarkeit ist / dz der geruch durch die naßlöcher an sich zogen werd. Die drit nutzbarkeit ist / dz sy den lufft an sich ziehen / vnd in die hōlin des hirns schicken / vnd den selbigen widerumb außfüren zc.

Das instrument oder werckzeug des gehōrds ist ein fellin im loch des harten steynigen beyns / welchs ein würtzel vnd gang ist des gehōrds / dan̄ dises fellin entspringt von den nernen oder weissem geā der des gehōrds / welche jm krafft geben / darumb die nernen von diesem fellin gerürt / gleich wie ein seyt vom schlag den klang entpfahet / vnd dieweil aber solche nernen gerad vnder der hōlin des hirns entspringen / kñpt als bald solcher klang vnd erzwitzern biß zü gemelter hōlin / gleich als wañ einer ein steinlin in ein wasser wirfft / sich je ein zirckel nach dē andn erhebt / durch dē teil damit dz wasser gerürt ist.

Also haben wir auch den höchsten fürtrefflichsten obersten theyl menschlichs cōrpers / sampt allen darin verschloffen vñ dazū angehōrigen gliedern vnd teilen / in vnser fürgenomnen ordnung beschrieben vnd vollendet / dieweil aber hierin in solchem wundbarliche geschöpff / zūsamensetzung vñd mancherley würckung der sünlicheyt / sollichs dem Leser etwas dunckel vñ vnuerständig erscheinē möcht / hab ich / gleich wie auch in andn teilen des leibs / solche vollendte red durch nachuolgende eygentliche vnd artliche Contrafacte figuren / weiter zü mererm verstandt / durch augenscheinliche erkklärung / verständigiger vnd bas begreifflicher / für augen stellen wollen / wie dann ein yeder verständiger / so lust vnd liebe hat die trefflichen wunderwerck des Almechtigen schöpffers in menschlichem cōrper zū beschawen / selbs wol ermessen vnd erkennen wirt zc.

Augen



Anatomi/ Contrafactur vnd beschreibung
Augenscheinliche erklärungs
 vnd eygentliche künstliche fürmalung des haupts/
 hirns/vnd aller darzü gehörigen glider/mit schönen artlichen Con-
 trafacten figuren/sampt jr deitung vnd erklärungs/für augen gestelt/
 zū rechter Anatomi/vnnd warer erkantnis aller sinnlicher
 teil des menschen/im hirn verfasst/vast nütz-
 lich/vnd hoch vonnöten.

A nechst vorgon-
 der ersten figur der Anatomi/
 oder eigentlichen bschreibungs des haupts/
 hirns/vnd aller darinn verschlossener vñ
 angehöriger teyl/sihestu das ganz haupt
 vnuerfert/allein geseübert/vnnd zū dem
 schnitt bereyt.

A. bedeyt ein schnierlin/mitt welchem
 sollichs haupt ringsweiß vmbunden ist/
 vorhin beschoren zum kreuz schnitt/darmit solche nit zū tieff gesche-
 hen/verordnet/auch anzeigung zugeben/wie ferr die hirnschal mitt
 der runden segen abgeschnitten werden soll.

B B. ist der erst schnitt/durch die stirn vnd scheyttel bis in das hin-
 der teil des hauptgrüblins garnah gefürt.

C C. ist der ander schnitt/von einem ohr zū dem andern/durch die
 scheyttel des haupts kreuzweiß gezogen.

Was weiter für instrument/als schermesser/zangen/häcklin/vnnd
 dergleichen ferramenta/zū solchem werck nütz vnd dienstlich seind/
 findestu allenthalben zū vnderst einer yeden figuren/zum theil vmb
 nutzbarkeyt/auch vmb zierung willen/auffgerissen.

Von der form vnd gestalt des haupts/ist droben gesagt. Auicenna
 erzölet volgende stück/dem haupt angehörig/als das haar/die
 haut/fleysch/fellin/eüsserlich vnnd innerlich/der haupt hafen/das
 wunderbarlich netzlin/vñ das vnderst beyn/darauff das hirn ligt.

Erklärung



Anatomi/Contrafactur vnd beschreibung Erklärung der andern Figur.

F U diser andern figur siehestu die erst grob dick haut / vnd das düner heütlin darunder / beyde abgelöset vom beyn. **AA.** bedeüt zu beyden seitten die dicker haut / auß welcher die haar wachsen vnnnd eingewurzlet seind. Dise ist von natur dick / darumb des haupts haar sterckere wurzlen haben / Vnder diser haut ist auch ein zäher schleyim / von welchem vilfelige kranckheyttten vnd gebrechen entspringen.

BB. bezeychnet den innern teil solcher haut / **AA.** den eüßern.

CC. ist das dünn fellin / das zünehmst die hirnschalen vmbgibt / alenthalben herumb.

Weitter siehestu die hirnschalen mit iren näten vnd büchstaben verzeychnet.

D. ist das vorder beyn der stirnen / welches etwan in der mitte voneinander gespalt wirt / on vnder scheyd in weib vnd mann / vñ mit allein in weibs heüptern / als etlich fälschlich meynen.

EE. werden voneinand abgeteilt / durch die mittel scheytel nadt / vereinigen sich mit der stirnen / aber da dise drey beyn züsamen stoßen / bleibt die hirnschal in kindern ein lange zeit offen / vnnnd wirt auch noch in den erwachsenen solche züsamenfügung gespürt / darumb bey erfarnen ärzten der brauch ist / das man solche arznei / deren würckung hinein in das haupt durchtringen soll / auff die nadt lege.

F. ist die scheyttel nadt.

GG. zu beyden seitten die schlaff beyn / Aber solche beyn vnd nadt der hirnschalen oder haupthafens / seind gnügsamlich zu forderst in erzölung aller beyn menschlichs Cörpers / erzölet vnd beschriben worden / werden auch zum theil in beyden letzten figuren der Anatomi oder beschreibung des haupts weitter gemeldet.

H. das messer üz dem kreüz schnitt.

II. die rund seggen / die ober hirnschalen abzülösen.

Erklärung



Anatomi/ Contrafactur vnd beschreibung Erklärung der dritten figur.

In diser nechst vorgonder drittē figur/ sihestu wie die hirn-
schalen geringßweiß/gerad wie es mit dem schnierlin ver-
zeychnet was/ mit einer rundē segē/ in vorgonder andern
figur/ mitt I. I. verzeychnet/ abgeschnitten ist/ inn solchem
schnitt soltu güt achtung haben/ das du nit eilest/ oder durch vnwür-
se handlung die innern hirnfellin oder das hirn verletzest.

Den deckel der hirnshalen sihestu zūnderst der figuren gelegt.

A A A A. bedeütten allenthalben die erst größst eüßerst haut.

B B B B. das dünner heütlin / so außserhalb nechst die hirnshalen
in sich fasset vnd vmbgibt.

C C C C. ist aber innerhalb der hirnshalen / wa der oberst deckel
abgenommen wirt/ das erst hart hirnfellin/ welches erstlich das
hirn vmbgibt vnd beschirmt/ *Dura mater* genant.

Weitter sihestu das hirn noch bekleydet oder vmbgeben mit dem
dünnen fellin oder subtilen flemlin/ *Pia mater* genant/ mit vilen äß-
lin/ blüt vnd hertz adern durchspreyttet / zū beyden seitten mit **G G.**
verzeychnet.

F. ist der vnderseyd/ welcher beyde teyl vnderseydet.

D. die recht seit.

E. die gelinck seit des hirns.

Sie merck dz das hirn der Proportion nach/ im haupt des mens-
schen vil größer ist dann in keym andern thier / darumb dz des mens-
schen hertz auch hitziger ist/ dasselbig durch sein kalte Complexion
bestbaß zükülen .ac.

Erklärung



Anatomi/Contrafactur vnd beschreibung Erklärung der vierdten Figur.

In diser figur siehestu das hirn gar entplößt / sampt allen
vieren / zweyen eüßerlichen / vnnnd zweyen innerlichen
heitlin oder fellin.

AAA. die eüßerst grobhaut.

BBB. das eüßerst fellin / welches die hirnschal vmbgibt.

CCC. das inner hirnfellin / Dura mater.

DDD. das ein fellin / oder dünn zart flemlin / welches am nechsten
das hirn rürt vnd vmbgibt / Pia mater genant.

E. bedeuít die recht seit des hirns / wie vor.

F. die lincke seit.

G. den vnder scheyd beyder vordern teil des hirns.

Dann das hirn wirt erstlich in zwey teil / das vorder vnd hinder /
geteilt vnd vnder scheyden / vnd das vorder teil wider in zwey theil /
die recht vnd linck seit / also dz drey vnder scheyd des hirns gefündē
werden / zwey vorder theil / vnnnd der drit / das hinder klein hirnlin /
durch das hart hirnfellin von dem vordern teil des hirns vñd schey-
den oder abgesündert / welches auch in der Substanz dem vordern
teil nitt gleich ist / welches etwas weicher ist / dann das hinder hirn-
lin ist etwas zarter. &c.

Erklärung



Anatomi/ Contrafactur vnd beschreibung Erklärung der fünfften Figur.

Dies ist das hirn garnah auff drey zwerch finger dick
durchschnitten/ vnd erscheinen zu beyder seit die hölen
oder zellen des hirns / von welchen droben weitleüffiger
gsagt ist/ vnd gebogen/ gleich halb rundem new gewachsf
nem Non.

Offtgemelte hölin seind mit den büchstaben **EEEE**. **FFFF**.
verzeychnet.

JGH. ist ein verwicklung von heütlin/ rotfarb / die hirn würm ge
nant/ auff blüt vnd hertz adern zusamen gesetzt / erstreckt sich zum
end beyder hölin/ hat als etlich wöllen/ ein bewegende krafft/ die
hölen auff bewegung so mit willen geschicht / auff vnd zu züziehē.

Vnder solchen würmen ligen zwey runde auffgebogne erh abne teil/
welche von der gleichheit wegen/ zwen arßbacken genennet werden/
dise gond auch zusamen/ so die hölen sich erstrecken / oder zusamen
gond/ vnd gond wider voneinander/ so oftgemelte hölen auffge
thon werden.

AA.

BB. bedeüitten wie vor/ eüßere vnd innere heüt / vnd fellin des
CC. hirns vnd hirnschalen.

DD.

Erklärung



Anatomi/Contrafactur vnd beschreibung Erklärung der sechßten Figur.



In diser figur erscheint das hirn vnder den hölen oder zellen/vnd bedeütten folgende büchstaben.

A A.

B B. die oftgemelten eüßern vnd innern hirnsellin.

C C.

D D.

F F. bedeüt zu beyden seitten das vnderst teil des hirns/so die zellin oder hölin zerbrochen werden.

Bey dem büchstaben E. sihestu verzeychnet die runden langelechten fleischlin/welche/wie droben gesagt / den wertzlin der weiber vast vergleicht werden / instrument vnd werckzeug des geruchs.

Die andern dupplen neruen oder weisß geäder/zeigen an die fünff sinnlicheytten/zü beyden seytten mit ihren ziffern verzeichnet/als

1. 1. 2. 2. 3. 3. 4. 4. 5. 5.

J. erstrecken sich zü den augen/die sehe adern genennet. x. welche sich kreüzweis züsamen fügen vnd vereynigen/ehe sy zü den augen kummen/darmit wa das ein aug beschlosssen oder eüßerlichen verderbt wirt /das ander beyde sichtlich geyst entpfahet. Dise beyde sehe adern seind auch hol /darmit der sichtlich geyst durch tringen/vnd zü dem hirn kummen mög.

G. zü hinderst sihestu das kleiner hirnlin /welches dem größern zü ruck angelegt ist/auch mit zwifachem/hartem vnd weichem hirn fel vmbgeben/hat ein höle oder Cellen/in welche der sünlich geist vō dem vordern sein gang hat/endet sich nahe bey dem marck des ruckgradts / derhalben es auch harter ist dann das vorder groß hirn.

Erklärung



Anatomi/Contrafactur vnd beschreibung Erklärung der sibenden Figur.

A Mend der mitleren höle/ist ein kleines löchlin / das geht in ein andere sunderliche höle/welche sich vnder sich hin ab begibt/zum anfang des marcks im ruckgradt / vnnnd ist aber solche höle nit inn der substantz des hirns / sunder ligt zwischen dem vordern vnd dem hindern hirn / vmbgeben vnnnd bekleydet augenscheinlichen/mit dem reinen fellin oð dünnen flemlin des hirns/Piamater genant/gegen dem hindern hirnlin zü end-/vnnnd wirt in nechst vorgonß figur/solche höle mit dē büchstaben C. verzeichnet.


D D. ist der grundt oder vnderst nüdigst teil des hirns/zü beyden seitten.

B. die vnderst nüdigst substantz des vordern teils des hirns.

A. ist das reyn hirnfellin/oder subtil flemlin/Piamater genant.

Zü vnderst nechst disem vndergelegtē beyn / sihestu das wunderbarlich netzlin/mitt seiner selzamen durchschrenckung / so das hirn gantzlich herauß genommen wirt.

Erklärung



Anatomi/ Contrafactur vnd beschreibung Erklärung der achten Figur.

In diser achten Figur siehestu allein das vndergelegt beyn/
darauff das wunderbarlich nezzlin / alle hirn fellin vnnnd
das hirn fundiert seind / von allen eüßerlichen vnd innerli-
chen teilen entledigt vnd gereinigt. Aber hie merck weit-
ter / das zwey gänge seind / die gont auß der mitlern höle des hirns zu
dem rachen / durch dises beyn das hirn zureinige / der ein gadt gleich
vnder sich hinab / aber der and fahet an / da der gmeyn gang des hin-
dern hirns anfahet / vnd erstreckt sich hineinwerts. Nach disen gän-
gen ist ein simpflin oder pfüglin / das vergleicht sich ein drächter /
als wir dann auch droben weitleüffiger gemeldet haben / darinn sich
alle überflüssigkeit des hirns versamlet / vnd durch die löchlin vnnnd
gwiße gänge dises hirns / eins teils zu dem rachen / eins teils zu der na-
sen fließen / vnd also aufgeworffen werden.

Weitter siehestu auch in solcher nechst vorgonder figurē / die löch-
lin / durch welche sich das weiß geäder oder nernen erstrecken / der
fünff sinn / als gesichts / gehördts / geschmacks / geruchs vnnnd ent-
pfindlicheyt.

Was weitter in disem beyn zubeschawen / wirt zum teil in nechst-
uolgender letzten figur / warer beschreibung vnd Contrafactur des
haupts angezeigt vnd erkläret. 2c.

Erklärung



Anatomi/Contrafactur vnd beschreibung
Erklärung der neündten vñnd
letsten Figur.

Die nächst vorgonde figur zeyget dir an die form vñnd
gestalt eins vmbgekehrten haupthafens/daer zñ vnderst
dem hals vergleicht wirt.

A. zeygt an die ordnung der zån/aber die zal der zån vergleicht sich
nitt/doch werden auff das mehrest zwen vñnd dreissig gefunden/
deren werden die vier vndersten/vñnd sovil in dem oberen kifel/
die vordien zån vñnd anbeisser genennet/die nechsten darnach zñ
beyden seitten/die scharpffen zån/oder hundts zån/Nächst disen
volgen oberhalben zñ beyden seitten die aug zån/vnderhalbē die
stock vñnd backen zån genant.

Auf den zānen wirdt auch die stercke des leibs erachtet/dann die
so starcke dicke zån haben/oder ein güt gebiß/sollen nach der meynung
Aristotelis/lang leben/Dargegen welche kleine schwache zån
haben/die weit voneynander stond/die leben selten lang.

Die alten Geschichtschreiber melden von Pirrho/daser die vn-
derscheydung der zån nit gehabt hab/sunder alle zån nur ein beyn ge-
wesen seyen. Dergleichen ist auch diser zeyt ein junckfraw in Sach-
sen gesehen worden.

B. ist das ober beyn des rachens.

CC. beyde bein der wangen.

DD. die löcher/durch welche der lust durch die naßlöcher geht/
vñnd also der athem mit beschloßnem munt geschöpfft/auch das
hirn dardurch zñ dem rachen vñnd naßlöchern gereinigt wirt.

EE. seind beyde zapffen/daran die zung mit ihrem bein beuestigt
wirt.

aller glider menschliche cörper.

lxxiiij

FF. seind zu beyden seitten die knorren/mitt welchen sich das haupt mit den knorren des hals/vergewerbet oder vergleicht.

G. Ist das loch/durch welches das marck des ruckgradts durch den hals vnd alle knorren des ruckgradts hinab gadt.

HH. das end beyder harter steyniger beyn.

II. das leuß grublin vnd hinder theil des haupts.

Den vndersten kifel siehestu auch zu vnderst
der figuren/sampt den zänen/für
gemalet oder für augen
gestellt. &c.


Beschluß


Beschluß.


Also hab ich (Günstiger Leser) dir für augen gestellt / nach
bestem vermögen vnd höchstem fleiß / sampt eygentlicher
beschreibung vnd augenscheinlicher erklärung / alle eüßer-
liche vnnnd innerliche glider menschlichs Cörpers / darmit
du dich selbst gleich als in einem hellen vnd klaren spiegel / erkennen
lernest / vñ auß solchem wundbarlichen werck Göttlichs gschöpffs /
zü erkantniß des obersten werckmeisters / schöpffers aller ding / des
Allmechtigē gottes / gebracht werdest / welcher on allzweifel / solchs
wunderbarlichs werck erschaffen vnd bereyttet hat / darmit sein All-
mechtigkeyt / glori vnnnd maiestat / erkant würde / darumb hab fleiß /
das du sollichs wunderbarlichs werck / darinn der Allmechtig ewig
Gott sonderliche anzeygung seiner Gotheyt eyngewandelt hat / nit
vnreyniglich brauchest / oder mit sünden vnd lastern be-
fleckest / sunder Gott dem Herren für seinen
väterlichen willen allezeyt
danckbar seyest ꝛc.


Dem Herren sey lob in Ewigkeit.


Zu Sraßburg bey Balchassar Beck.














COMPLETE / NORMAN

Durley 4014

RARE 85-B
959

